

WANT

Wan Wik, Septemba 4 - 10, 2003

NIUSPEPA BILONG OL PNG STRET

Namba 1521 - K1 tasol

WINIM K250
PAINIM BAL RESIS NO 6

I N S A I T
Kisim save long planim switpela vanila - pes 5

Nesanel Alaiens wan yia long gavman - pes 19, 20 na 21

OL BENKAS na FAINENS GRUP STOPIM KORAPSEN NAU

Bai tok gutbai long Australia - Baksait

Wanem taim bai lo hangamapim man?

Neville Choi i raitim

PABLIK Prosekyuta Chronox Manek i askim wanem taim bai ol bikpela birua olsem man i kilim man i dai i kisim mekimsave bilong det penelti o oda bilong kot long hangamapim em.

Em i tok olsem bihain long Nesanel Kot long Goroka i tokaut long mekimsave bilong tupela man, Alois Erebebe na Taros Togote, husat i bin kilim 9-pela manmeri na pikinini long wanpela famili long 1999 long Goroka.

Nesanel kot i givim dispela tupela man long ol laip sentens long kalabus wantaim hat leba.

Mista Manek em Pablik Prosekyuta o man i go pas long makim ol pipel bilong PNG long askim kot long mekimsave long ol man na meri husat i mekim rong o kilim man.

Em i tok em i no wanbel wantaim dispela oda Nesanel Kot i givim bikos dispela tupela man i mekim wanpela bikpela rong tru na kot i no inap long abrus long givim det penelti long ol.

Em i salim tok pinis bai ol opisa bilong em i kisim ol kot pepa long dispela kes long painim we long givim apil long disisen bilong kot na senisim i go long det penelti.

Mista Manek i tok olsem i bin gat sampela kes we kot i no tingting long givim det penelti olsem mekimsave bilong ol man nogut bilong wanem ol loya bilong gavman i no askim kot long givim.

Tasol long dispela kes, loya bilong prosekyusen i bin askim kot long givim det penelti, tasol nogat.

Em i askim wanem taim stret bai kot i luksave olsem birua bilong man i kilim man em i bikpela rong tumas long salim man i go na stap long kalabus tasol.

I gat tripela kot tasol i givim pinis dispela mekimsave bilong det penelti i go long ol lain.

Namba wan taim det penelti i bin kamap em olpela Jas bilong Suprim Kot, Tracey Doherty i bin givim long Charles Ombusu long Popondetta. Tasol em i bin mekim wanpela apil long disisen bilong kot na em i win long rausim dispela det penelti. Kes bilong em i bin go bek long Nesanel Kot we em i bin tokim kot olsem em i rong long am roberi.

Long tude i gat tupela kes tasol we kot i givim det penelti.

Namba wan kes em long Wes Nu Briten we kot i givim long Steven Loke Ume na narapela tripela man husat i bin kilim ol man taim pait i bruk namel long tupela ples long hap.

Ol dispela man i bin mekim wanpela apil i go long kot long dispela mekimsave na Suprim Kot i no mekim wanpela disisen yet long en.

Mista Manek i tokim Wantok Niuspepa olsem dispela kes, ol i wok long lukluk long Suprim Kot i mas hariap na stretim.

Las kes em Jastis Gibbs Salika i givim det penelti long Arua Maraga bihain long kot i painim aut olsem em i kilim man i dai. Long dispela kes, Maraga i mekim wanpela apil egensim dispela mekimsave na Suprim Kot i mas lukluk tu long apil bilong em.

Perot man




• SAPOS yu nogat dok o pusi olsem poroman, ol liklik lain i stap. Sapos yu lainim ol gut, ol bai inap long harim gut tok-tok bilong yu. Gela Kila em bilong Hula long Sentral provins. Em i gat 60 krismas na liklik mani em i save gat i save kam long ol dispela liklik pisin o perot ya.

Gela i tokim Wantok Niuspepa olsem em i save holim pasim ol dispela liklik pisin long nait taim ol i silip antap long ol kokonas diwai. Em i save salim wanwan long K20.

BAIM WANPELA AIS BOKIS
i Pulap wantaim Sport Plus
Brian Bell
Shop with a friend



Taim yu baim wanpela Ais Bokis long Brian Bell, mipela bai pulamapim wantaim FRI Sport Plus dring
Promosen stat long Ogus 15 igo inap long Septemba 15



BOROKO 325 5411 LAE 472 3377 ERIKU 472 1433 GOROKA 732 1622 KOKOPO 982 9027
LAE HOMECENTRE CITY 472 3200 MT HAGEN 542 1999 MADANG 852 1899 HOME CENTRE CITY, GORDONS 325 8469

PLIS RIPOT

Lae, Morobe:

PLIS long Lae i sasim tripela man long kilim dai wanpela sumatin bilong Yunitek long Lae.

Metropolitan plis bos long Lae siti, Inspekta Simon Kauba i tokaut long nem bilong tripela man olsem lan Kimsin husat i gat 27 krismas na em i kam long Baluan Ailan long Manus. Nem bilong narapela em long Norom Sioakula bilong ples Kapiso long Wantoat eria bilong Morobe provins na las em long Joseph Lawan Witi bilong ples Simbruk long Wau insait long Morobe provins.

Plis i sasim ol long kilim dai Yunitek sumatin Laurie Leapen bilong Wabag husat i bin skul long kamap olsem maining enjinia. Birua i bin kamp long las mun.

Plis i bin holim pasim tripela saspek long Is Taraka setelmen long nait na taim birua i bin kamap long en.

Inspekta Kauba i tok plis i painim yet narapela foapela saspek na klostu taim ol bai holim pasim ol.

Lae, Morobe:

PLIS long Lae i holim pasim na sasim wanpela man Boana long birua bilong kilim dai meri bilong em.

Bos bilong Lae Siti Inspekta Simon Kauba i tokaut long nem bilong dai meri olsem Atapi Solemeng bilong ples Kalau long Boana eria insait long Morobe provins.

Inspekta Kauba i tokaut long nem bilong man olsem Kokembe Wongenao husat i gat 32 krismas. Em i bilong ples Kalau long Boana eria yet. Tupela marit i gat tupela pikinini.

Man i stap nau long lukaut bilong ol plis.

Inspekta Kauba i tok tupela marit i bin wokim krosipait namel long 6.30 na 7.00 nait long Ogas 18. Ol bin krosipait long ol pikinini na man i bin kikim meri na em bin dai.

Carlos i no amamas long Palamen sevis

Yakam Kelo i raitim



• Gavana Yuni.

GAVANA bilong Sandaun provins Carlos Yuni i no amamas tru long wanem as Palamen i nogat mani bilong stretim telefon na ol arapela sevis long Palamen haus.

Mista Yuni i tok Palamen em bikipela haus bilong olgeta lida bilong ol pipel bilong Papua Niugini olsem na ol sevis bilong mekim wok na sindaun bilong ol lida long Palamen i mas stap gut.

Mista Yuni i no amamas tru long dispela toktok bilong Spika Bill Skate olsem Palamen i

nogat mani taim Fainens Minista Bart Philemon i bin tokaut pinis olsem Fainens i save givim olsem K2 milien long Palamen long olgeta kota.

Gavana i tok em i painim hat tru long toktok long telefon wantaim ol wokman na ol pipel bilong em long mekim wok na dispela em ino stret tru long wok bilong em olsem lida bilong provins na kantri.

Em i askim Spika Bill Skate na Palamen Klak Ano Pala long tokaut klia long dispela hevi na noken karamapim toktok nabaut.

Em i redi long autim dispela bel hevi long neks wik Tunde taim Palamen i kam bung na sapos Spika na Klak i no givim wanpela gutpela bekim, em i askim tupela long risain long wok bilong tupela long Palamen bikos tupela i no ranim gut mani na ol wok bilong lukautim Palamen.

Em i tok moa olsem nogut hevi bilong mani i paul o lus long ol kainkain wok nabaut i stap long Palamen haus we ol lida bilong Palamen i save oltaim toktok long pasin nogut bilong paulim mani na daunim pasin nogut bilong stil na haitim samt-ing nabaut.

Olsem na Palamen yet i mas go pas long soim rot na piksa bilong mekim samtng stret long ai bilong ol pipel bilong Papua Niugini na ai bilong ol wokmanmeri bilong gavan.

Mista Yuni i tok em i klia tu olsem sampela wokmanmeri bilong Palamen i no wok na stap nating na kisim pe taim arapela i stap long holide na i nogat balus tiket bilong ol long go long ples na ol memba yet planti i nogat ka, ol toilet i nogat pepa na ol arapela sevis bilong Palamen i no stap.

Planti wokmanmeri bilong Palamen tu i nogat gutpela pe long longpela taim nau na sindaun bilong siti i hat nau olsem na Palamen i mas lukluk long apim pe bilong ol liklik wokmanmeri bilong Palamen nau.

Mista Yuni i tok dispela em bikipela hevi na Spika wantaim Klak i noken sut tasol long tok nogat mani o mani i sot bikos dispela i no gutpela as tumas taim wod bilong em i gat mani long mekim wok na ranim opis bilong em.

Gavana Yuni i askim ol 87 nupela memba bilong Palamen long sapatim dispela toktok bilong em long neks wik Tunde taim Palamen i bung.

Best Buy Madang bai soim kala long Indipendens

Paulus Tali i raitim

BEST Buy kampani long Madang i mekim ol wokman na meri bilong en putim bilas long kirapim tingting bilong ol pipel long Indipendens de bilong kantri long Septemba 16.

Brens Menesa, Amos Tepi, i tokim Wantok olsem as tingting bilong dispela pasin em bilong promotim kalsa.

Em i tok long Septemba 13 i go long 14 em bai bikipela so i kamap long Madang tasol tu ol wokman na meri bilong Best Buy bai bilas na mekim liklik so bilong ol yet ausait long stoa.

Wanpela wokmeri bilong Best Buy, Dally Solu, i tok em i amamas long Mista Tepi long tokim ol wokman na meri long tingting long dispela bikipela de bilong Indipendens. Misis Solu i tok ol narapela kampani i mas bihainim dispela pasin.

TRAIN FOR SUCCESS! Your CIC Certificate, Diploma, or Degree

Gain professional, accredited qualifications with expert British Training. Rapidly gain top jobs and high pay!

Accredited Diplomas (£130 or US\$210):

- *English, Management, Personnel, Sales, Stores
- *Accounts, Purchasing, Marketing, Advertising, PR
- *Business, Hotels, Tourism, Computers, Secretarial

Advanced, Honours & Post Graduate Diplomas:

- *Business, Accounts, Hospitality, Marketing, H.R.

International Degree Programmes:

- * BBA and MBA in Business Administration

CIC is fully accredited in Britain and internationally by ODLC ICDE BAOL ASET and is Approved by the Papua New Guinea Ministry of Labour & Employment

For a FREE Prospectus write, fax or email to:

CAMBRIDGE INTERNATIONAL COLLEGE
 PO Box 53, Southampton, SO14 0JY, Britain
 Email: info@cambridgegetraining.com
 www.cambridgecollege.co.uk
 Fax: +44 2380 337200

Name: _____
 Address: _____
 Age: _____

Fees include everything you need for success: Manuals, Exams, Guide, Tests, Assessment, Awards

Momase sapatim Sir Michael

OL gavana bilong Momase i sapatim tingting bilong Praim Minista Sir Michael Somare long rausim aid o helpim Australian Gavman i save givim Papua Niugini aninit long han bilong em AusAID.

Gavana bilong Madang, James Yali, i tok olsem mipela i no inap askim Australia olgeta taim long givim mani bilong ol projek.

"Mi wanbel wantaim praim minista. Ating i taim nau bilong yumi long sanap yumi yet na i no long strong bilong AusAID," Gavana Yali i tok.

Gavana bilong Morobe, Luther Wenge tu, i wanbel wantaim tingting bilong Sir Michael.

"Mi laikim Praim Minista bilong Australia, John Howard, long kisim bek ol toktok em i bin mekim olsem i gat ol korapt lida long Pasifik. Sapos em i ting mipela i korapt, orait kisim AusAID progrem bilong em na go," em i tok.

Gavana bilong Sandaun, Carlos Yuni, i tok olsem ol Papua Niugini manmeri yet i kamapim dispela rabis tingting olsem Australia i save bosim ol aid progrem ol i save givim long PNG.

"Mi wanbel olsem Australia i mas holim ol mani bilong ol na mipela i mas makim ol projek na lusim ol kam long helpim mipela," em i tok.

Sir Matiabe wanbel long stopim helpim mani i kam long Australia

OLPELA memba na sinia Papua Niugini man Sir Matiabe Yuwi i wanbel tru long sanap bilong Somare na Marat Gavman long stapim dispela helpim mani o AusAID mani Australia gavman i save givim long Papua Niugini olgeta yia.

Sir Matiabe i tok em amamas long Gavman i mekim olsem bikos taim Australia i givim dispela mani ol i ting han bilong ol i pas yet long holim PNG na lukautim wokabout na sindaun bilong em.

Sir Matiabe i tok PNG i no moa longlong na ai pas olsem bipo na wanem samtng Australia i bin mekim long bipo i no moa wankain tude bikos PNG i independen kantri.

Pundaun na kirap em samtng bilong lainim na kisim save long kamapim gutpela senis. PNG i save long wanem samtng i save kamap tude long wol olsem na mipela bai putim ai long wol na bihainim wanem hap wol i go long en, Sir Matiabe i tok.

Australia i ting mipela i longlong olsem bipo tumbuna bilong mipela olsem na em bai kisim planti bikipela

samtng na mekim bikipela mani long PNG na givim mipela bel kol mani bilong aid olgeta yia.

Olsem na nau Somare i laik tok nogat long dispela bel kol mani bilong Australia em bel tru bilong planti pipel bilong PNG long Somare i mekim olsem, em i tok.

Sir Matiabe i tok sapos Australia ino laik helpim PNG, orait ol kantri long Asia i stap we PNG i ken mekim bisnis wantaim na ol i ken helpim mipela wantaim ol save bilong ol long mekim wok na ol samtng.

Sir Matiabe i tok nau em taim bilong PNG i sanap long lek bilong em na tanim pes na lukluk long arapela rot i stap we em i ken go long en na painim gutpela amamas bilong ol pipel bilong em.

Em i ol arapela toktok olsem ol lida bilong PNG ino save paulim mani na ol samtng nabaut em i tru. Tasol Australia i no ken sanap olsem bosman bilong PNG na tok olsem bikos mipela yet i gat lo bilong mipela long sekim na holim na sasim ol lida i brukim lo o mekim stil pasin long mani na ol samtng bilong pipel.

TORO

TORO GIAMAN OLSEM WANPELA WOKMAN BILONG N.C.D.C NA GO KISIM MONI NA BUAI LONG OL ILICIAL BUAI SELAS!!!

HEY, YU SANE OLSEM EM TAMBU LONG SALIM BUAI LONG HIA? KANON! K20 I KAM HARIAP!! KWIK!!

T-TASOL MI NOGAT MONI, YAH!

ORAIT, MI KISIM BUAI IGO! YU TU KLIA IGO!!

AH! YOO! PLIS, LUSIM BAI MI GO LONG MAKET!

NAU OL TRU-TRU WOKMAN BILONG N.C.D.C IKAM NA BUKGIM TORO...

INAP MI LUKIM I.D. KAD BILONG YU? YU WOK WE?

AI-AI... WOK LONG PAKO BRADAS!

TAIM OL MAN I PAINAUT OLSEM TORO I GIAMAN LONG OL FLORUM EM STRET...

BAGA KISIM TAIM STRET.

TORO KISIM OLGETA BUAI

BSP benk daunim intres bilong haus

OL manmeri insait long kantri husat i laik baim haus i ken bel gut long Benk Saut Pasifik (BSP) bikos em i daunim mak bilong intres long hausing lon o dinau mani we wan wan man i kisim long baim o wokim haus long en.

BSP taim em i tokaut long dispela samting long dispela wik Tunde i bin tok em i daunim ol intres mak bilong dinau mani long wokim haus bikos em i laik givim sans long ol PNG famili long kamap olsem ol papa bilong haus bilong ol yet.


Bihainim tokaut long daunim intres, nupela mak long ol man bai baim long ol dinau long haus em long 9.9

pesen long wan wan yia na dispela nupela mak i stat long dispela mun.

BSP i apim mak long mani we wanpela man inap long kisim long wokim o baim haus long em. Nupela manimak i go antap em long K250,000. Pastaim mak i stap tasol long K150,000.

Long wankain taim tu, BSP i surukim tu mak bilong taim long bekim dinau long 15 krismas i go antap long 25 o long taim man o meri i kamap long mak bilong ritaia o pinis long wok.

Jenerel Menesa bilong BSP Tony Westaway i tok em i amamas long tokaut long daunim ol intres



Bank South Pacific
MAKERS IN QUALITY SERVICE
mak bilong ol dinau we ol manmeri i ken kisim long benk long wokim o baim haus, i bin tok dispela bai mekim isi long ol man i laik baim o wokim haus bilong ol yet.

Em bin tok tu olsem BSP i ken lukluk tu long sait bilong ol mak long baim takis bilong graun na insurens we ol i ken bungim wantaim na baim long wanpela peket tasol.

Gavman tokim Australia long wet pastaim

NESENEL gavman i salim tok pinis i go long Australia long noken salim foren afes minista bilong ol, Alexander Downer i kam yet long PNG.

Wanpela mausman bilong gavman i tokaut long dispela wik olsem Prais Minista Sir Michael Somare i no amamas long pasin bilong Australia taim ol i salim wanpela mausman bilong ol i kam pas long PNG wantaim wanpela pas i kam long praim minista bilong Australia, John Howard.


Insait long dispela pas, Mista Howard i tok olsem Australia i laikim bai PNG i mas lukluk long stretim dispela hevi bilong korapsen insait long ol gavman dipatmen, na givim tok orait long larim Australia i salim ol opisa bilong ol i kam na wok insait long ol bikpela posisen

long ol gavman dipatmen.

Tasol opis bilong praim minista i tok olsem Sir Michael i no wanbel wantaim dispela bikos Australia i no mekim ol dispela askim taim em i bung wantaim Mista Howard long Cairns long Australia long sampela wik i go pinis.

Ol i tok dispela bung long Cairns em i bin taim we ol dispela kain askim i mas kamap. Ol sinia opisa long opis bilong praim minista i belhat tru long dispela kain askim bilong Australia na ol i tok olsem ol i wok long paitim tok long rausim ol sinia edvaisa bilong Australia i wok long ol gavman dipatmen.

Sir Michael i sanap strong yet olsem PNG i mas lukluk long sanap long tupela lek bilong mipela yet na lusim pasin bilong kisim mani i kam long Australia.



Dispela em wanpela liklik kona bilong ol liklik stori, wari, o askim.

• Wanpela stail mangi husat i wok long ridim niuspepa long dispela wik i kirap nogut taim olgeta samting insait long niuspepa i wok long tok 'Somare-Marat' gavman. Em i rit i go na maus bilong em i tait long kolim. Em i abrus na tok. 'Yupela, Somare-Marat gavman olgeta taim. Maski, yumi sotim tasol na kolim 'Somarat' gavman. Ol PNG tu yal

• "Mi pinisim skul fi bilong ol pikinini bilong mi. Mi baim nupela kar bilong mi. Misis bilong mi bai kisim wanpela kar tu. Olgeta pikinini kisim wan wan baisikol. Famili bai inap long kisim balus na go raun long kain kain hap..." Sapos mi dispela man i winim Gol Loto...sore.


• Dispela man i mas wanpela laki man tru. Tasol Tokwin i skelim na tok olsem em bai hat tru long haitim dispela samting long famili bilong em. Sapos papamama bilong em na ol tambu bilong em i no save, em wanpela fit man stret.

• Taim sampela wokman i harim olsem wanpela man i winim jekpot bilong Gol Loto, ol i tok: "Ol giaman ya. I mas wanpela wok man bilong Loto yet ya. Ol i yusim em long win na mani bai go bek gen long bisnis bilong ol yet na ol manmeri bai longlong na go baim planti tiket." Hau bai yumi save?

• Sistem bilong vot long ileksen insait long Papua Niugini i senis pinis. Long nau i go inap long neks nesanel ileksen long 2007 bai i gat sampela bai ileksen bai kamap anitit long nupela vot sistem bilong limited preferensel voting. Olgeta manmeri i mas save long yusim dispela nupela sistem. Olsem na *Wantok Niuspepa* wantaim ol arapela niuspepa bai helpim PNG Iektorel Komisn long skulim ol manmeri bilong publik.

Lukluk long toksave long wanpela ileksen long makim namba wan rabgi lig pilaia long NRL resis. Bai publik i yusim nupela sistem bilong vot long votim Marcus Bai, John Wilshere, Darren Lockyer, Gordon Tallis, Brad Fittler na Andrew Johns. Baim *Wantok* na sekim olgeta wik long painimaut moa.

Cheshire Homes i gat nupela banis



Jeremy Burgess i raitim

• Siaman bilong bod bilong Cheshire Homes, Stephen Kassman, i tok amamas long ol lain i go long opening bilong nupela banis bilong ol.

Poto: JEREMY BURGESS

bilong planti ol pikinini husat i stap wantaim ol i les long ol na rausim ol. Cheshire Homes i save givim helpim tu long ol pikinini husat i save stap long haus.

Cheshire Homes i save kisim mani bilong em long ol donesen.

Ledi Carol i tok olsem wok bilong bod na ol wokman na meri bilong Cheshire Homes i no isi na em pasim tingting olsem klostu bai gavman inap long givim sapot long ol.

Siaman bilong bod, Stephen Kassman, i tok amamas long ol lain husat i kam long opening bilong banis bilong ol olsem Hai Komisina bilong Australia, Michael Potts, Lyn Walsh bilong KPMG, Lawrence Solomon na Patrick Painap bilong PNG Pawa na tok tenkyu long ol long sapot bilong ol.

K1,000 prais long man i tokaut long kilim dai hos ...RSPCA i wari na belhat tru

Veronica Hatutasi i raitim

RIWOD o prais long K1000 bai i go long man husat i givim ripot long husat lain i wok long kilim ol hos na tu ol lain i baim mit bilong ol hos ya.

Long dispela mak, K500 bai go long man o meri husat i gat save na tokaut long ol lain i wok long kilim na bagarapim ol hos na kisim mit bilong ol na narapela K500 bai go long husat man o meri i gat save na givim nem bilong ol lain i wok long baim mit bilong hos.

Ol papa bilong ol hos na ol lain i memba bilong grup we i laik stopim pasin bilong kilim nogut ol animel ol i kolim long Royal Society for The Prevention of Cruelty to Animals (RSPCA) i wari na belhat tru long pasin we sampela lain i wok long kilim dai ol hos na salim mit bilong ol.

Antap long ol lain i bagarapim na givim pen long ol hos taim ol i sutim ol dai olsem, ol papa bilong ol na RSPCA i tok ol i wari tu long sait bilong helt.

Ol tok olsem ol lain i wok long kilim ol hos i no kisim mit i go long stretpela ples ol i kolim abitwa we i gat ol rait lain long katim na tritim mit long en.

Ripot we *Wantok* i kisim long dispela wik i tok sampela lain i kilim pinis 10-pela hos na wanpela long

ol em i bin gat bel. Ol dispela lain i bin kilim mama hos na autim bebi na lusim i stap.

Ripot i tok ol lain man ya i wok long kilim ol hos, katim mit na lusim het na ol lek i stap nabaut.

Ripot we *Wantok* i kisim i tok wanpela grup i wok long mekim dispela wok na salim ol hos mit long K600 i go long ol restron ol Esia lain insait long siti i papa long en.

Em i tok olsem long Ogas 12, ol bin kilim wanpela mama hos klostu long Papa viles na lusim pikinini bilong em long dai. Na long Ogas 9 na 10 ol bin kilim foapela hos ken.

Em i tok pasin ya i wok long kamap long nambis bilong Papua we i gat ol hos fam long en.

Ripot i tok i gat plen long kirapim na strongim hos fam long Papua tasol nau dispela samting i kamap, ol i tingting planti. Ripot i tok bipo long independens, i bin gat 42 ketol o hos na kau projek long Papua tasol nau i gat tupela tasol.

Ol ples we ol ketel projek i stap long en em nau ol birua i long bagarapim ol hos i kamap em long Koitaki antap long Rouna, Airaguma long Laloki, Sabusa, Gali Rij, Kwikila long Rigo, Gabone na Paramana.

Ol ripot i tok ol i putim dispela wari i go long han bilong ol plis pinis husat nau i mekim wok painimaut.

ORIGINAL INTERTRACTOR UNDERCARRIAGE COMPONENTS

Itrac Track Links

K-loc Master Link

Pro Itrac Track Link

Track Shoes

NIUGINI LIMITED

EXPECT GREAT THINGS

PORT MORESBY	LAE	KOKOPO	LIHIR ISLAND	VANIMO
Phone: 325 5766 Fax: 325 0805	Phone: 472 2444 Fax: 472 3342	Corner of Tokua and Gelagela Road Phone: 982 1488 / 982 2048 Fax: 982 1489	Phone/Fax: 986 4184	Phone: 857 1437 Fax: 857 1437

Keke kamap long kot

... Australia kisim wanpela loya long makim em

SOLOMON Ailan pait lida Harold Keke i bin sanap namba tu taim long kot las Fraide.

Em i kisim sas long kilim dai narapela man, wokim stilpasin, gat wantaim em ol gan i no rejista na memba bilong wanpela iligel grup insait long faivpela yia hevi long Solomon Ailan.

Ol Intavensen Fos lain i wok long karim ol wok painimaut long ol birua Keke i bin wokim insait long faivpela yia taim hevi long Solomon Ailan i stap.

Australia i wok long baim

wanpela loya bilong Ingran husat i makim Keke long ol kot.

Long las Fraide Keke na brata bilong em i bin sindaun wantaim long kot we sief majistret bilong Solomon Ailan David Chetwyn i bin harim.

Em no bin amamas long wanpela loya bilong Nu Silan husat i tok em i bin makim Keke tasol dispela i popaia bikos tru, Keke i bin rikwestim long wanpela Nu Silan loya, tasol em bin kamap leit.

Kot bilong Keke i go het yet na ol i surukim i go long neks

wik Septemba 11. Ol arapela poroman bilong Keke tu i bin kamap long kot.

Taim ol i mekim ol wok painim long ol birua Keke i bin kamapim long taim bilong Solomon Ailan hevi, Keke i wokim sampela toksut tu long Praim Minista Sir Alan Kemakeza.

I kam inap nau, ol Intavensen Fos i kisim bek pinis 3,426 gan, 70 moa em ol bin kisim bek long las Fraide. 600 long ol gan ya i olsem dispela we ol ami i save yusim.

Stretim Solomons plis fos

...Ol plis i as bilong dispela hevi tu

HETMAN bilong bikpela sios long Solomon Ailan em Angliken Sios Asbisop Sir Ellison Pogo i bin tok i moabeta long Intavensen Fos i wok long helpim stretim plis fos long Solomon Ailan.

Asbisop Sir Ellison i tok dispela bikos em i tok as bilong hevi long kantri i bin stat taim ol plis i karimaut ol militari ektiviti.

Em i bin wokim dispela toktok taim em i opim wanpela wik bung bilong sios i kamap nau long Honiara.

Em bin tok i moabeta long Intavensen Fos i givim bikpela ting-

ing na wok long helpim kamapim gut Solomon Ailan plis fos.


Dispela em bikos hevi long kantri i bin go nogut taim ol plis fos memba i bin go insait na givim sapot long ol paitgrup we i bin wok long birua, em i tok.

Em i bin tok tru, wok bai i no inap long stret kwiktaim tasol em i askim olgeta lain long sapotim plis fos.

Asbisop Sir Ellison i tok sapos ol pipel i givim sapot bilong ol long plis fos, ol wok i sut/long trupela gutpela sindaun bilong ol pipel, gutpela gavman na wok mani bilong kantri bai kamap orait bek.

Singaut long Ona long go insait long wok bilong stretim

...Em bin kirapim dispela hevi



• Sir Peter Barter

STRONGPELA singaut i go long papa bilong Bogenvil hevi em Francis Ona na lain bilong em long go insait long wok bilong bringim gutpela sindaun long Bogenvil.

Inta gavman Rilesens na Bogenvil Afeas Minista Sir Peter Barter taim em i bin wokim dispela singaut i tok bai i gutpela tru sapos Mista Ona i kam insait na wok wantaim ol arapela grup long ailan husat i wok hat long stretim hevi.

"Mi askim Mista Ona long kam insait long wok bilong painim gutpela sindaun. Olgeta samting bai go gut tasol sapos

em i kam insait. Sapos em i wokim wanpela toktok tu, em bai rait tasol.

"Mi save olsem Mista Ona i no egen-sim ol wok long painim gutpela sindaun na em i save salim ol mausman bilong em long makim em long sampela ol bung.

"Mi save tu olsem Mista Ona i laikim Bogenvil long kisim independens kwiktaim, tasol em i gutpela long em i wet na ol wok bai i go long ol plen na mak we ol Bogenvil pipel i tok orait long em," Sir Peter i tok.

Em i tok (Sir Peter) i wok long salim ol pas long kirapim toktok wantaim Mista Ona na i wet long wanem samting em bai wokim.

Em i tok sapos bikman i tok long go bungim em tu, em bai wokim.

Long wankain taim tu, wanpela niusman bilong Australia i bin toktok wantaim Mista

Ona long las mun tasol.

Niusman ya i tok Mista Ona i no egen-sim ol wok long painim gutpela sindaun long Bogenvil, maski em yet i no go insait long ol wok na toktok i sut long dispela samting.

Long ripot bilong dispela niusman, Ona i laikim Bogenvil i mas kisim independens hariap na i no wet long 10 o 15 yias long kisim dispela.

"I nogat as long wet nau. PNG i givim tok orait pinis long Bogenvil bai karimaut referendum o independen vot," Ona i tok.

Vais Presiden bilong Bogenvil Pipels Kongres James Tanis husat i save toktok long Ona long Panguna i tok em i bikpela samting long toktok wantaim Mista Ona bikos em tasol i bin statim hevi.

Na ol hevi long Bogenvil i no inap long pinis gut sapos ol i abrusim Ona, man husat i bin kirapim dispela hevi.

Gavman bai toktok wantaim Bogenvil ...moa long 900 gan i stap long kontena



• Plis i kisim gan bilong ol paitman.

Veronica Hatutasi i raitim

NESENEL Gavman i lukluk long ol samting we i wok long stopim ol long skruim ol wok long painim gutpela sindaun long Bogenvil.

Inta gavman Rilesens na Bogenvil Afeas Minista Sir Peter Barter taim em i toktok wantaim ol niusman las Fraide i bin tok em i luksave long wari bilong ol Bogenvil lida husat i tok Nesenel Gavman i kisim longpela taim long mekim disisen long namba tu draf ripot bilong Mama Lo long nupela atonomi gavman bilong Bogenvil.

Long las wik, ol Bogenvil lida i bin tok ol i pinisim ol wok long redim namba tu draf ripot bilong Bogenvil

Mama Lo tasol ol i wetim yet Nesenel Gavman long inapim hap bilong em. Na dispela i wok long kisim longpela taim tumas.

"Mi luksave long nesenel gavman i no hariap tasol i gat sampela wok we opis bilong Ateni Jenerel bai mekim pastaim we i sut long Mama Lo.

"Tasol dispela em i liklik samting we ol bai stretim na ol bai toktok wantaim ol Bogenvil lida long ol wok i sut long gutpela sindaun na sanapim nupela otonomi gavman," Sir Peter i tok.

Sir Peter i tok wari bilong en em, ol wok i mas kamap hariap taim ol Bogenvil Trengisenel Tim (BTT) na Yunaitet Nesens Obseva Misin long Bogenvil i stap yet. Tupela grup bai i lusim

Bogenvil long pinis bilong dispela yia.

Sir Peter i tok i kam inap nau, ol i lusim pinis 921 gan long Bogenvil. Ol dispela i stap pinis long ol kontena.

Em i tok disisen i mas kamap hariap long skruim Stej 3 bilong ol wok long lusim ol gan.

Long dispela stej o hap, ol i mas wokim disisen long mekim wanem samting long ol gan we ol i bungim na lokim i stap long ol kontena.

Em i bin tok tingting bilong Nesenel gavman em i klia na dispela i bilong bagarapim ol gan bikos taim ol i lusim ol i stap long ol kontena, komyuniti i no seif. Em i tok em i laikim bai ol i mas wokim disisen na pinisim Stej 3 taim ol BTT na UNOMB lain i stap yet long ailan.

3A2

BIABIA KESIM PEI-RAIS NA EM SO-OFF STRET...

WHEN!! SHALE LUEA MAI BET-DAY, YAH!

EM GO LONG KLAB ZI NA SAUTIM OL MANMERI LONG HAP...

DRINK AP!!

EM INO TINGIM OL PEMILI LONG HAKS... EM SPAK IGO NA OLGETA MONI PINIS...

TAIM EM GO KAMAP LONG HAKS, SOSPEN I PLAI IKAMAUSAIT NA BRUKIM HET BILONG EM...

BAGA AIRALIN NA SILIP ISTAP...

Yu ting ol i tok wanem?

Sir Henry ToRobert (Ilehan) na Sir John Dawanincura (raithan) i tok wanem long narapela man? Yu yet yu putim.

Salim i kam long YU TING WANEM RESIS WANTOK NIUSPEPA P.O. BOX 1982, BOROKO NCD PNG. Sapos mipela i ting em gutpela bai mipela i putim insait long WANTOK niuspepa.

SPICE TECH LTD



P.O. BOX 2031, MADANG 511
Tel: 852 1168 Fax: 852 1169
email:
spicetech@datec.net.pg

Vanila Teknikol Ripot Namba 1

Kamapim naispela na switpela vanila

GUTPELA prais bilong vanila long tude i no inap stap antap olgeta taim inap ol vanila groa long Papua Niugini i stat long putim mani i go insait long wok bilong givim trening long ol fama long kamapim ol gutpela vanila bin.

Ol kantri insait long wol i sot long vanila olsem na ol ekspota i resis long baim ol vanila na dispela i pusim prais i go antap long K500 na K550 long wanpela kilo bilong drai bin.

Long Jenuari prais bilong vanila i bin K250. Tasol dispela gutpela prais bai pundaun kam daun inap PNG i wok strong long mekim vanila bilong em i stap long mak we planti kantri long wol i laikim.

PNG i mas kirap nau na putim moa mani i go insait long wok bilong givim trening long ol fama. Na tu kamapim gutpela gavman kontrol long ol lain i save baim na salim vanila hia long PNG na tu stapim ol lain bilong hait na baim vanila long boda bilong PNG na Indonesia.

Na tu PNG i mas wok strong long kamapim ol gutpela vanila stret. Dispela em ol toktok bilong Laurent Bertin husat em Spice Tech Limited Menesa.

Vanila indastri nau i bungim bikpela hevi we nogat man i laik mekim samting long en. Mipela i bungim pinis bikpela prais tasol kwaliti level o gutpela mak bilong vanila i no go wantaim dispela gutpela prais.

Ol lain bilong baim vanila i baim tasol vanila long gutpela prais bikos i nogat inap bin long wol maket, Mista Bertin i tok.

Tasol ol dispela save lain i save



olsem dispela taim bilong gutpela prais i no inap stap olgeta taim. Taim planti singaut i kamap long ol i laikim ol gutpela vanila bai planti gutpela vanila i kamap long planti hap bilong wol na bai prais bilong vanila i kam daun. Olsem na long dispela taim sapos PNG i no kamapim gutpela level o mak (kwaliti level) bilong vanila bin bai dispela gutpela maket i pas long PNG.

Mista Bertin i tok bikpela hevi i stap insait em olsem vanila bilong PNG i no stap antap winim arapela kwaliti vanila.

Wanpela woksop i bin kamap long Wewak sotpela taim i go pinis long sait bilong vanila i luksave long sampela hevi.



Long sampela eria em taim bilong san o ren o win i no helpim bikos i nogat drai taim stret bilong vanila i putim flawa.


Arapela hevi em long wok bilong redim na stretim ol flawa na arapela hevi em long ol manmeri i kisim ol bin we i no redi gut yet,

wok bilong draim long san i no gutpela tumas, o hap bilong draim bin aninit long ples kol na planti arapela wok bilong mekim long vanila bin i no save kamap gut tumas.

Mista Bertin i tok vanila indastri long PNG i wok long groa. Mak bilong vanila long PNG i go antap na dispela bai i go antap yet long sampela taim i kam bihain tasol taim i wok long sot nau long wok bilong kamapim gutpela kwaliti vanila bin hia long PNG.

Vanila Teknikol Ripot 2

WANEM HAP NA WANEM TAIM LONG PLANIM VANILA?



malsing o redim gut graun bilong planim vanila. (lukim technical note No 5).

Wanem Hap

- Klinim nupela bus long planim vanila tasol.

- Tasol vanila i ken groa aninit long lain kokonas o lain buai.

- Hap yu makim long planim vanila i noken maunten tumas na graun i mas stap gut.

- Vanila i no save kisim planti wara tumas. Olsem na noken planim vanila long hap we i gat planti wara.

Taim bilong planim

Planim vanila stik bihain long 6-pela mun bihain long yu planim ol diwai bilong givim kol ples long vanila.

Long dispela taim ol dispela diwai bilong givim kol ples bai i bikpela inap long banisim ol nupela vanila stik long dispela taim. Planim vanila stik long taim bilong ren na i no long drai taim.

Taim

Gutpela drai taim em i bikpela samting long mekim vanila i putim flawa.

Sapos yu planim *tahitensis* yu mas mekim long tupela wik taim ples i drai gut.

Sapos yu planim *planifolia* yu mas mekim long 6-pela mun taim i nogat ren.

Graun

Vanila stik i no laikim strongpela graun. Graun ino ken malumalu tumas na i mas gat sampela wasan.

Graun i mas gat planti pipia bilong bus.

Vanila i save laikim planti pipia bilong bus yet long kisim gris olsem na mipela i mas yusim rot bilong

Neks wik ripot 3 bilong vanila

Is Sepik holim Garamut na Mambu festival

IS Sepik provins i holim Nesenel Garamut na Mambu festival we bai kamap long tupela de. Em bin stat long tude Septemba 4 na bai pinis long tumora, Fraide Septemba 5.

Dispela em namba tu festival long luksave na amamasim garamut na mambu singsing.

Nesenel Kalsarel Komisn na Is Sepik Provinsel etministresen i wok wantaim long kamapim dispela festival o so.

Nesenel Kalsarel Komisn (NCC) i putim kamap dispela festival long luksave olsem ol dispela samting em ol i bikpela long pasin kalsa na em i wanpela long ol sainmak bilong ol foapela rijen bilong ol PNG provins.

Dispela tu i hap Lilong faivpela yia plen bilong Nesenel Gavman.

Namba wan long ol festival olsem em Mask festival i kisim nainpela yia nau na strongpela beis bilong en em long Kokopo insait long Is Nu Briten provins.

Nesenel Garamut na Mambu festival em i namba tu long ol kain festival na bikpela tingting i pas pinis na dispela em long holim festival long Momase rijen.

Narapela tupela festival em long Kundu na Bilasim Skin we ol i tingting long kamapim neks yia. Ol i tingting long kamapim Kundu festival long Sauten rijen na Bilasim Skin long Hailans.

Ol dispela festival i bikpela samting long Nesenel Kalsarel Komisn bikos ol i makim na soim aut long pablik sampela ol bikpela samting bilong kalsa na pasin tumbuna long PNG. Em i bikpela samting long PNG i holim pasim ol pasin tumbuna na kalsa bilong em na long wankain taim tu, luksave olsem ol dispela wan wan pasin kastom i gat sampela samting i wankain long ol.

Siaman bilong ogenaizing komiti Sakarai Anton i tok ol wok redi long festival ya i go gut tasol.

Em i tok long dispela yia, siksipela grup long provins bai stap insait. Tasol ol narapela provins



Gawai Mok Ol sumatin bilong Diwain Wod Yunivesti i samsam long kalsarel de bilong ol long Madang. Foto: CYRIL GARE

bai go insait tu na salim ol lain bilong ol long dispela festival. Em long Manus, Madang na Morobe provins.

I gat ol arapela grup tu husat i laik stap long festival tasol ol i no givim failol tok olsem tru tru ol bai kam.

Nem bilong ol grup husat i givim nem na tok stret olsem ol bai kamap em long Gula kalsarel grup bilong Ambunti Distrik, Kuinduwarti long Turubu insait long Wewak distrik, Murken Mambu flut grup bilong Murik Leiks insait long Angoram distrik, Angoram kalsarel grup bilong Angoram distrik yet, na ol arapela grup bai kam long Madang, Morobe na Manus provins.

Mista Anton i tok klia olsem bikos mask o tumbuna festival i kamap long nainpela yia nau, ol

tumbuna bilong Is Sepik bai go pas long opim Nesenel Garamut na Mambu festival we bai kamap long Sepik So graun.

Ol lain i stap long wewak taun i amamas long lukim ol wok i kamap long klinim ples bilong holim so ya bikos laspela so i bin kamap long dispela hap long 1998.

Olsem hap long toksave long pablik long festival ya, provinsel redio stesen i wok long pairapim ol toksave na i kari-maut tu ol aweanes long olgeta hap kona bilong provins na husat moa i ken harim.

Kos bilong putim kamap dispela so we Is Sepik provinsel gavman i katim em inap long K26,000 taim Nesenel Kalsarel Komisn i katim K15,000.

Kare helpim Oksileri plis wantaim K10,000

YAWASORO long Wewak, Is Sepik i bin lukim wanpela bikpela amamas taim Wosera Gawi memba Kimson Kare i bin wokim wanpela raun i go long Wewak na givim K10,000 long helpim plis wok insait ong provins.

Komyuniti wantaim ol plis i bin wokim bikpela hatwok long redim ples, ol kaikai na ol arapela samting long dispela bung wantaim memba Kare.

Long dispela bung, Mista Kare i bin givim K10,000 i go long plis bilong helpim karimaut wok bilong ol oksileri plis yunit i save beis long Yawasoro.

Plantil ol bikman bilong Is Sepik tu i bin stap long dispela bung.

Em long Lod meya Terence Kori ol kaunsil presiden na ol narapela bikman insait long komyuniti na plis dipatmen.

Mista Kare i bin mekim ol toktok long sait bilong lo na oda we em strongim toktok bilong sief superintenden Leo Kabilo na presiden bilong Is Sepik Semba ov Komes Ray Seeto.

Bikos long vanila nau, Is Sepik i lukim bikpela mani i kamap long provins, Mista Kare i bin tokim ol pipel long yusim gut mani na kamapim ol gutpela senis insait long

provins, komyuniti na laip na famili bilong ol.

Em bin tokim tu ol pipel olsem ol yet i mas painim ol ansa long traime stretim ol hevi na ol plis i ken go insait.

Em bin tok tu olsem God i givim yumi tingting na bai yumi ken bosim siip na sindaun bilong yumi wan wan.

Populesen o mak bilong ol pipel long Is Sepik i go antap hariap

na em i abrusim 200,000 mak.

Nau mak long olgeta manmeri na pikinini long Is Sepik inap long K600,000.

Long wankain taim yet, ol dinau bilong kantri long mani i bikpela tru na yumi yet i mas painim mani bilong yumi wan wan pastaim bipo gavman i ken traime na helpim yumi, Mista Kare i bin tok.



• Kimson Kare MP bilong Wewak Open i toktok wantaim ol skul pikinini bilong Yawasoro Elementeri skul. Foto: JUDE PUKIORA



Ol nes redi long kisim pepa...

• Noken ting em bilas bilong ol Red India bilong Amerika. Em bilas bilong Hailans stret. Tumbuna bilas i kamap long Greduesen bilong ol nes long Hailans Rejinel Koles long Goroka, Isten Hailans provins. *Poto: SAPE METTA*

Ol man yusim mani long slip wantaim ol yangpela meri

MINISTA bilong Helt, Melchior Pep, i tokim Medikel Simposium long Maunten Hagen olsem ol wokman i save yusim mani long pulim ol yangpela meri na slip wantaim ol.

Tasol taim ol i save mekim olsem, ol i save salim ol yet long dispela sik nogut, HIV/AIDS.

Mista Pep i tokaut olsem namba bilong ol meri, krismas bilong ol i namel long 15 na 29 i winim namba bilong ol man wantaim wankain krismas.

Em i tok tu olsem ol bikman we krismas bilong ol i namel long 30 na 45 i go antap wantaim dispela

sik AIDS bikos planti long ol dispela kain man i save giamanin ol yangpela paul meri wantaim mani na slip wantaim ol.

Mista Pep i tok taim ol dispela man, planti long ol i marit pinis, i slip wantaim ol yangpela meri, ol i salim ol yet long dispela sik nogut bikos planti long ol yangpela meri tude i save paul raun na painim dispela hevi tu.

Em i tok olsem HIV/AIDS em wanpela hevi we planti kantri long wol i painim, na sapos mipela long PNG i no stretim o daunim dispela hevi, bai mipela i kamap wankain olsem ol kantri

long Afrika we AIDS i bagarapim pinis.

"Ol dispela namba long AIDS insait long kantri i antap tru. Tude, namba bilong ol manmeri i gat AIDS i winim 7000.

Tasol ol manmeri husat i gat AIDS na ol haus sik lain i no save i luk olsem i winim 70,000," Mista Pep i tok.

Em i tokaut olsem Nesanel Kepitel Distrik i winim olgeta narapela provins long ol manmeri i gat sik AIDS. Westen Hailans provins i namba tu na Morobe provins i namba tri.

Okapa stretim rot long lukim moa bisnis i kirap

James Kila i raitim

PROVINSEL etministreta bilong Isten Hailans provins, Munare Ron Uyassi i bin mekim wanpela bikpela wok tru long sait bilong rot projek insait long provins we i lukim rot long Okapa i kamap gut nau.

Narapela gutpela samting i kamap i lukim moa saplai bilong kopi begs we i stap insait tru long ol konstituensi long Okapa i wok long kamaut.

Mista Uyassi i tokaut

long *Wantok Niuspepa* olsem provinsel etministresen i bin givim K500,000 mani halivim long stretim dispela rot long Okapa i go lon Inumpa insait long Okapa distrik. Dispela mani em namba wan hap mani tasol we i kam olsem kauntapat fanding.

Dispela mani em long sait bilong kauntapat fanding i go wantaim Esian Dvelopmen Benk (ADB) long mekim ol wok projek insait long Isten Hailans provins.

Nau yet wok bilong dispela mani long sait bilong provinsel etministresin i karim kaikai na nau yet yu ken lukim planti ol kar i stat long karim kopi saplai bilong ol i go long salim long Goroka.

Mista Uyassi i tokaut tu olsem ol i redim pinis

tu K200,000 long mekim wok bilong klinim na stretim Okapa gavman stesin.

Mista Uyassi i tokaut tu olsem em bai givim sampela mani tu long stretim rot i go olsem long Aviana.

"Nau yet planti ol liklik bisnis i wok long kirap kwiktai tru bihain long dispela wok bilong rot i kamap. Ol manmeri i wok long salim ol kaikai na samting arere long rot long ol pablik i ken baim na kaikai.

Dispela ol liklik bisnis o "spin-of benefits" i soim olsem taim rot i kamap gut planti moa bisnis insait long Okapa distrik bai kamap strong tru," Etministreta i tok.

Mista Uyassi i tok kampani we i wok long stretim na redim gut dispela Okapa rot em

Dekenai Konstraksin Kampani bilong Pot Mosbi.

Etministreta i tok tu olsem dispela wok bilong stretim rot i mekim tu ol pablik sevans husat i save slip long Goroka long go bek nau long Okapa na mekim wok long sevim distrik bilong ol.

Em i tok tu olsem planti ol bikpela kopi bisnis man husat i gat ol kofi plentesin insait long Okapa distrik olsem Purosa i tok amamas long dispela projek bilong stretim dispela Okapa rot.

Mista Uyassi i tok olsem provinsel gavman bai helpim tu long putim sampela mani long kirapim wanpela plis sab-stesin long Tarabo long was long ol PMV long patrol namel long Kuru Maunten na Kefu.



KINA FACILITY RATE (KFR) FOR SEPTEMBER 2003

While there are signs of improvement in macroeconomic conditions, in particular the better than expected annual headline inflation outcome for the June quarter of 19.0 percent compared to 20.7 percent for the March quarter 2003, the continued stability in the exchange rate and recent retirement of Treasury bills by the Government, there are also some other macro indicators which the Bank wishes to further assess over the coming months. The Bank therefore advises that the KFR will remain unchanged at 15.0 percent in September 2003.

The Bank will continue to monitor economic conditions and adjust its monetary policy stance in line with the overall objective of achieving and maintaining price stability.

L Wilson Kamit, CBE
Governor

Ol hai skul nogat mani

OL HAI skul long Westen Hailans provins bai pas bikos ol i nogat inap mani i stap long pinisim dispela skul yia.

Provinsel Etministreta bilong Westen Hailans, Michael Wandil i mekim dispela toktok taim em i opim wanpela program bilong komyuniti wok insait long provins long las wik.

Mista Wandil i tok olsem ol hai skul insait long Westen Hailans i nogat inap 'operesinol fans' o mani bilong baim kaikai na ol arapela samting bai skul inap long mekim wok bilong ol.

Em i tok olsem ol hai skul i wok long kisim taim bikos ol papamama i no baim skul fi bilong ol pikinini bilong ol.

Insait long kantri, planti long ol skul i save lukluk long skul fi na mani i kam long ol narapela samting olsem projek fi long baim ol samting bai skul inap long op.

Mista Wandil i tok olsem edukesen divisen long Westen Hailans provinsel gavman i nogat mani long helpim ol dispela hai skul wantaim ol skul subsidi bikos olgeta mani i go pinis long stretim ol klasrum na ol arapela samting bilong ol skul long provins.

Bipo provinsel gavman i save givim mani i go long wan wan skul, tasol nau, olgeta mani i go long ol program bilong helpim ol skul olsem infrastraksa program.

Em i singaut long ol hetmasta na ol skul bod long hariap na tokim ol papa mama olsem ol i mas baim skul fi nogut ol pikinini bilong ol i no inap long pinisim gut skul bilong ol long dispela yia.

Em i mekim dispela singaut bikos provinsel gavman i kisim pinis tok-save i kam long nesanel gavman olsem ol bai katim K2 milien long mani bilong provins.

Toktok bilong HIV/AIDS i bikpela long Medikel Simposium

TOKTOK long we bilong daunim hevi bilong sik AIDS long ikonomi na komyuniti laip insait long PNG em i bikpela tru long bikpela bung bilong ol dokta ol i kolim Medikel Simposium long Maunten Hagen.

Dispela bikpela bung em bai long dispela wanpela wik tasol AusAID i givim mani bilong dispela bung long Holy Trinity College long Hagen.

Fes Sekreteri bilong Helt long AusAID, Kim Pendreigh, i tok olsem Australia bai wok klostu wantaim

nesanel gavman na pipel bilong PNG long daunim dispela sik nogut.

"Namba wan rot bilong sapot i kam long Australia em long Nesanel HIV/AIDS Sapot Projek. Dispela projek i stat long Oktoba 2000 na bai pinis long 5-pela yia bihain.

Dispela projek bai lukluk long daunim dispela sik AIDS insait long PNG aninit long Midium Tem na Nesanel Stretjik Plen bilong HIV/AIDS," Mista Pendreigh i tok.

NCDC luksave long Kaunsil bilong Meri

NESENEL Kepitel Distrik Komisen (NCDC) i tok olsem em bai stretim ol hevi namel long ol eksekutiv bilong Nesenel Kepitel Distrik Kaunsil bilong Meri aninit long lidasip bilong nupela presiden, Maria Andrews.

Siaman bilong NCDC, Michael Malabag, i mekim dispela toktok

bihain long sampela kros namel long ol meri yet insait long dispela grup na ol toktok we bin kamap olsem ileksen bilong ol dispela meri i no bin bihainim lo.

Tasol Mista Malabag i tok: "Long sait bilong mipela ol NCDC Bod, ileksen bilong Maria Andrews na ol eksekutiv bilong

em i bin stret na bihainim konstitusen ol meri ol yet i bin kamapim.

"Olsem na olgeta manmeri i mas luksave long ol nupela eksekutiv bilong NCD Kaunsil bilong Meri.

"Mi toksave tu olsem aninit long lidasip bilong mi, mi bai wok wantaim ol eksekutiv bilong ol oge-

naisesen long siti husat i bihainim lo long holim dispela opis bilong ol," Mista Malabag i tok.

Em i tok em i wari olsem pasin politikis namel long ol meri yet i wok long stapim ol sans bilong developmen bilong ol meri long siti.

Em i tok ol meri i mas wok bung

wantaim na wok wantaim NCDC long lukluk long ol wari na divelopmen bilong ol meri long siti.

Mista Malabag i mekim singaut tu i go long ol arapela grup long siti long elektim ol eksekutiv lida bilong ol gut na kamapim gutpela administresen sapos ol i laikim NCDC long luksave long ol.

Wara sot long Samarai

Egareka Greg Noine i raitim

SAMARAI taun long Milen Be provins i kisim bikpela taim long wara i sot inap long wan mun.

Ol sevis olsem haus sik na skul i katim daun sampela wok bilong ol long daunim yus bilong wara bikos long dispela hevi.

Helt Ekstensen Opisa (HEO) na Opisa i lukautim(OIC) Samarai Helt Senta, Alex Elizah, taim Wantok i bin toktok wantaim em las Mande, i tok haus sik i no moa

larim ol sikman i slip long wod, tasol i wok long givim ol marasin na salim ol i go long ples.

Em i tok ol i lukluk tasol long autpeisen, imejensi na helpim ol mama taim ol i kam long karim pikinini.

Liklik wara ol i gat em ol i wok long yusim long wasim ol samting bilong wok na ol mama long taim bilong karim, Mista Elizah i tok.

Em i tok tu olsem masin bilong pamim wara we i stap long taun i bagarap. Ol i

salim ripot bilong dispela hevi i go pinis long Woks dipatmen long Alotau long dispela hevi na i wok long wetim ol wokman long kam na stretim masin.

Mista Elizah i tok olsem ol pipel long taun i wok long yusim wanem liklik wara ol i gat long kuk, kaikai, dring, waswas na wasim klos.

Em i tok tu olsem maski i gat hevi bilong wara ol wanwan dipatmen bilong gavman i wok long ronim gut wok bilong ol.



• Ol memba bilong wanwan grup i amamas long kisim ol dram aven bilong ol em Memba bilong Mosbi Saut LediCarol i baim na givim long ol. Foto: BARBARA TOMI

Purari papagraun sapatim Wol Beng long stopim loging projek

OL lare wanpisin long Baimuru long Galp provins i sapatim singaut bilong Wol Beng long stopim ol wok bilong Rimbunan Hijau (RH) long Vailala blok 3.

Siaman bilong Purari Risos Holding Limited, Aua Vaii Arua, na Interim Siaman bilong Purari Developmen Asosiesen Inkoperesen, Peter Koiviapa, na Roy Evara, bipo memba bilong Kikori Open ilektoret, i bung wantaim na mekim dispela toktok.

Ol i tok ol i sapatim singaut bilong Wol Beng na singaut long nesenel gavman long stopim dispela loging projek hariap.

Ol i tok ol Purari em ol bikpela papagraun bilong Vailala blok 3 tasol ol i no sainim wanpela pepa long soim olsem ol i wanbel long loging long kamap long hap.

"Mipela i traim planti taim long mekim RH luksave long mipela olsem ol bikpela papagraun long dispela projek hap tasol ol i no luksave long mipela. RH i no wari long ol hevi bilong ol lare pipel na ol i yusim pawa na mani bilong ol long kisim wanem samting ol i laikim," ol i tok.

Ol i tok olsem RH i no wari long

husat i papa bilong ol risos ol i wok long kisim. Ol i no wari long ol hevi ol i wok long kamapim long envarionmen o bus, wara na ol animol, na ol i no kamapim developmen olsem rot na bris, skul na haus sik.

AusAID tasol, han bilong gavman bilong Australia we i save givim helpim long PNG long sait bilong mani na ol projek, i kamapim ol dispela infrastrukta long dispela projek hap, ol i tok.

lare wanpisin i wok long kisim RH i go long kot bikos ol i no baim ol papagraun long ol diwai o long ol bagarapim envarionmen. Ol i sutim tok long Nesenel Fores Atoriti tu long i no luksave long ol papagraun ol i tok.

Ol papagraun i sapatim tu toktok bilong suspended menesing dairekta bilong Nesenel Fores Atoriti, David Nelson, long suspendim ol laisens bilong ol timba projek.

Ol papagraun i tok ol i ken givim Mista Nelson sampela evidens long soim olsem dispela timba laisens RH i kisim long wok long Vailala i no bin bihainim lo. Ol papagraun i singaut long gavman long suspendim dispela laisens nau yet.

Kamapim rot long givim helpim em i gutpela moa

Barbara Tomi i raitim

TENPELA Komyuniti Developmen Komiti (CDC) grup insait long Mosbi Saut ilektoret i bin kisim ol dram aven bilong ol long Fraide aninit long helpim bilong Memba na Minista bilong Welfea na Sotel Developmen Ledi Carol Kidu. Tupela moa dram em wanpela grup bilong ol meri ol i kolim All Nation's Wimens Grup i bin baim na done-tim i go long ilektoret.

CDC em stap aninit long lukaut bilong memba we komyuniti yet i makim long kamap mausman bilong ol. Dispela komiti i save ripot olgeta mun long Ledi Carol o ol opisa bilong em long wok bilong ol na tu ol hevi we i stap yet long komyuniti. Planti bilong ol dispela CDC i stap long ol

setelmen.

Long taim bilong givim ol dispela dram aven i go long wanwan grup husat i bin askim long en, Ledi Carol i tok em i no bilip long givim mani i go ol grup tasol em i laik ol komyuniti i mas i gat ol rot we i ken kamapim developmen.

Em i tok em i laik rausim dispela tok Welfea long ministri bilong em bikos em i min olsem givim mani. Em i tok givim nating mani o samting em i no gutpela rot bilong bihain taim. Em i tok em i laik nem bilong ministri bilong em i mas senis i go long Dipatment bilong Komyuniti Developmen.

Ledi Carol i tokaut long ol lida bilong wanwan CDC husat i bin kamap long bung bilong ol olsem ilektoret i no kisim yet Distrik Sapot Gren bilong em. Em i

tokaut olsem sapos mani i kamap, opis bilong em bai baim wanpela kar we ol CDC bai yusim long ol wok bilong ol olsem karim paiauwat na ol kaikai i go long maket na hap mani bai i go long stretim Mosbi Saut ilektoret opis long Koki.

Memba i tok i gat plen long mekim opis i go bikpela we bai i gat opis bilong yut, na helt opisa na tu kamapim wanpela komyuniti senta.

Ledi Carol i tok amamas long Rotary Klap bilong Pot Mosbi husat i givim K10,000 i go long kamapim dispela Daiabitis Klinik long Koki na tu NCDC long stretim na putim banis raunim klinik.

Em i tok amamas tu long All Nation's Wimens Grup long givim K500 long baim tupela dram aven ken.

KIJANG SPORTZ WAGON


DIESEL POWER

Economical 2.4 Litre engine, 5 Speed Manual transmission, Power Steering. Plus, many other extra features.

From

K65,296*

10% VAT INCLUSIVE



- Window tint
- Seats 10 people
- AM/FM Radio Cassette
- Air-Conditioning
- Pin stripes
- Sportz nudge bar
- Sportz alloy rims & tyres

*EXCLUDES REGO & ON/ROAD COSTS!



Offer Expires: 30th August, 2003.

www.elamotors.com.pg

15 BRANCHES NATIONWIDE

10 YEARS TOYOTA EXPERIENCE IN PNG

THE ONLY QUALITY ASSURED DEALER IN PAPUA NEW GUINEA

EXTENSIVE RANGE OF PASSENGER, COMMERCIAL & 4WD VEHICLES

TOYOTA HISTORY DURABILITY, RELIABILITY AND RESALE VALUE

TOYOTA GENUINE PARTS & QUALITY SERVICE NATIONWIDE



Pasin bilong bagarapim meri i bikpela long Is Nu Briten

BIKPELA setelait komunikesen projek long Wes Nu Briten i no go het yet bikos nesenel gavman i no givim tok orait bai wok i stat.

Man husat i go pas long dispela bikpela projek, na memba bilong Talasea, John Vulupindi i tokaut pinis olsem olgeta pepawok bilong dispela projek i stret pinis, tasol nau ol i wetim gavman tasol long givim tok orait long dispela projek i mas go het.

Dispela projek em bai yusim setelait bilong salim walis i go long olgeta hap bilong Wes Nu Briten provins.

Taim dispela projek i pinis, ol manmeri bilong Wes Nu Briten bai inap long salim ol kain kain samting i go long olgeta hap bilong provins na long wol tu.

Dispela projek bai gat 12 stesin i stap long graun na tupela stesin we bai i muv nabaut bilong kisim signal i kam long setelait. Olgeta ol dispela

stesin bai nap long tok-tok i go kam long ol yet tu.

Dispela sistem nogat wanpela stesin tasol bikos sapos em i gat wanpela stesin tasol, na dispela stesin i painim hevi, olgeta telekomunikesen long provins bai bagarap.

Sapos gavman i givim tok orait long dispela projek long go het, ol pipel bilong Wes Nu Briten husat i stap long bikbus bai inap long yusim telefon, feks na imei tu.

HEVI bilong ol man i holim na bagarapim ol meri na kain kain arapela samting olsem reip na man i slip wantaim pikinini o man i bagarapim ol liklik meri i wok long bikpela long Is Nu Briten provins.

Wanpela opisa bilong Sexual Offenses Squad (SOS) seksen long Kokopo plis stesin, Rolan Funmat, i tokaut pinis olsem ol i wok long mekim wok awenes long skulim ol manmeri long provins olsem dispela kain samting i no stret, tasol i luk olsem ol dispela kain samting i wok long kamap yet.

Mista Funmat i tok olsem

namel long mun Januari long dispela yia i kam inap long mun Ogas, i gat moa long 70 long ol dispela kain hevi i bin kamap.

Long wankain taim long las yia i bin gat moa long 40 long ol dispela kain hevi tasol.

Mista Funmat i tok olsem long las yia i bin gat 40 kes bilong reip, 20 kes bilong manmeri i slip wantaim wanfamili bilong ol, 16 anloful kanel nolus o pasin bilong bikpela man o meri i bagarapim ol man o meri we krismas bilong ol i aninit long 12 krismas, 22 kes bilong indisent asol o pasin bilong holim sem bilong man o meri, 4-pela kes bilong sodomi o

man i bagarapim man, na 4-pela kes bilong ol man i bagarapim ol meri aninit long 16 krismas.

Long dispela yia, Kokopo i gat 36 long ol dispela kain kes. Rabaul i gat 20 pinis na Kerevat 15.

Provinsel Plis Komanda Ephraim Tomonmon i tok olsem ol dispela kain pasin i wok long kamap bikpela long Is Nu Briten bikos ol manmeri i no luksave long gutpela pasin bilong famili.

Em i tok olsem ol papamama i no mo toktok long ol pikinini bilong ol, na ol papa tu i no luksave gut long ol pikinini bilong ol.



• Leit Sir Alkan i bin mekim planti samting long developim PNG. Long taim maunten i bin pairap long Is Nu Briten long 1994, em i bin go pas long wok bilong painim mani na ol samting bilong helpim ol lain turangu wantok bilong em. Long dispela piksa, Leit Sir Alkan i sanap wantaim nau Kokopo MP Sir Rabbie Namaliu na nau Praim Minista Sir Michael Somare long kisim donesen i kam long Embeseda bilong Korea long dispela taim. Sir Alkan i bin go pas long Gazelle Resotresen Atoriti. Fail Foto.

PNG tok gutbai long Sir Alkan

PAPUA Niugini i tok gutbai long wanpela bikman tru taim Sir Alkan Tololo i bin dai long las wik Tunde.

Leit Sir Alkan em i bin wanpela bikpela steitsman, em i bin mekim bikpela wok long edukesen long kantri.

Em i bin statim wok bilong em long pablik sevis long 1957 olsem wanpela tisa long Kila Kila Praimeri Skul long Pot Mosbi. Em i bin kamap namba wan Komisina bilong Tising Sevis taim tising sevis i bin kamap long 1970. Long 1973 em i kamap namba wan Papua Niugini man long kisim posisen olsem Dairekta bilong Edukesen. Bihain long independens, em i kamap namba wan Sekreteri bilong Edukesen.

Taim em i holim wok bilong Tising Sevis Komisina em i mekim bikpela wok long stretim pei bilong ol tisa na ol arapela samting we ol tisa i no bin gat long dispela taim.

Em i bin go pas long kamapim Tising Sevis Odnens na em i bin wanpela mausman bilong luksave olsem ol meri tu inap long holim wok.

Em i bin Dairekta na Sekreteri bilong Edukesen taim Papua Niugini i

kisim self-gavman long 1973 na bihain independens long 1975.

Long sait bilong givim pawa i go long ol wan wan provins long lukautim edukesen, Leit Sir Alkan i bin go pas long em.

Long 1979 em i kisim posisen olsem Siaman bilong Pablik Sevis Komisina.

Em i bin wok olsem wanpela pablik seven longpela taim tru na em i bin makim PNG long ol ovasis kantri olsem Australia na Malaysia.

Ol i bin makim em olsem Siaman bilong Nesenel Brodkasting Koporesen (NBC), Siaman bilong Nesenel Agrikalsa Rises Institut Kaunsol na Sensela bilong Yunivesiti bilong Papua Niugini (UPNG).

Long taim bilong dai blong em, em i bin Sensela bilong Yunivesiti ov Teknoloji na man i namba wan siaman bilong Nesenel Laibri na Akaivs Bod.

Las wik, bodi bilong Leit Sir Alkan i bin go long Lae long Unitech na ol sumatin na tisa long hap i tok gutbai long em. Bihain famili bilong em i kisim bodi bilong em i go bek long Raluana long Is Nu Briten we ol i planim em.

Nu Ailan Sevings na Lons bai lukautim EU projek mani

NU Ailan Sevings na Lons Sosaiti (NISL) bai lukautim mani i kam long European Union (EU) bilong ol manmeri bilong hukim pis long provins.

Siaman bilong Bod ov Dairektas bilong sosaiti, Greg Luka, i tokaut olsem sosaiti i pasim tok na sainim pinis wanpela agrimen wantaim EU long luksave long dispela samting.

Mista Luka i tok olsem bod bilong sosaiti i bin luksave olsem dispela em i wanpela gutpela samting we ol memba bilong sosaiti bai inap long kisim moa winmani long en.

Sevings na Lons Sosaiti long Nu Ailan em i wanpela sosaiti we i gat planti memba tru na i save yusim mani ol i putim insait long sosaiti long

helpim ol i statim ol liklik bisnis na em i wanpela rot bilong ol manmeri long kisim mani tu.

Mista Luka i singaut long ol man husat i save hukim pis na i tingting long kisim mani long sosaiti, long hariap na toksave na kisim mani bihain ol i mas baim bek kwiktaim bilong helpim ol narapela man long kisim mani tu.

I gat wanpela komiti i stap pinis long lukluk long ol eplikesen i kam long ol manmeri husat i laikim mani long halivim ol long bisnis bilong ol.

Dispela komiti bai skelim olgeta eplikesen na givim tok orait long husat manmeri ol i makim long kisim mani.

Nupela sistem long helpim wok bilong graun

IS NU BRITEN bai kisim wanpela nupela setelait sistem long helpim provinsel gavman long wok bilong em long graun.

Provinsel Asembli bilong Is Nu Briten i givim tok orait bilong ol pinis long wanpela pepa we i tok-save long Lens Dipatmen long provins long baim ol masin bilong dispela nupela setelait sistem.

Dispela nupela sistem ol i kolim Rimot Sensing Sistem.

Dispela sistem em ol lain husat i save wok long graun i save yusim long makim graun na long luksave long ol kain kain samting

long graun.

Prais bilong dispela nupela sistem em inap long K54,000. Dispela i karamapim laisens bilong makim graun, wanpela kompyuta masin na wanpela samting blong makim ol liklik samting long graun.

Siaman bilong Lens na Deputi Gavana James Tapele i tok olsem ol hevi bilong graun insait long Is Nu Briten i wok long kamap bikpela na provinsel gavman i mas stat long stretim ol dispela kain hevi bilong graun.

Em i tok ol provinsel gavman

bilong bipo i no save stretim gut ol hevi bilong graun na nau dispela provinsel gavman i mas lukluk long dispela.

Dispela sistem i save yusim setelait long kisim piksa long olgeta samting i stap long graun. Em inap long kisim piksa long graun, ol diwai na ol arapela samting antap long graun.

Sapos ol i yusim dispela nupela sistem, Is Nu Briten provinsel gavman bai inap long lukim wanem kain developmen o senis i kamap long graun long provins.

Caterpillar's timely response to the demands of forklift operators – and owners alike.

1.5 ton to 3.5 ton

Caterpillar's new series of forklifts respond both to the needs of operators for comfort and convenience and to owners' demands for high productivity. Even in the most demanding applications, indoors or outdoors, the new Cat forklifts can do anything and do it better.

The reasons become obvious when you compare the new series against any machines of similar rated size. By any and every measurement, they come out years ahead in performance, response and dependability.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



Bank South Pacific

START BUILDING YOUR FUTURE NOW WITH BSP

A Bank South Pacific housing loan @

9.9%
INTEREST P.A.*

will open the door to your future.



NOW WITH LOANS UP TO K250,000

STOP PRESS! ASK ABOUT BSP'S RATES, LAND TAX & INSURANCE PACKAGE#


REPAY OVER 25 YEARS

Buying your first home is one of the most exciting decisions you'll ever make. It's also one of the biggest, so it can be difficult to know where to start.

BSP will show you how to get into your own home sooner.

And a housing loan from only 9.9% p.a.* from BSP will open the door to home ownership.

**conditions apply for first home buyers*




Bank South Pacific

"OUR BANK"

#Ask us how to include and finance your rates, land tax and insurance in one easy monthly payment. Just imagine - no worries about any of these financial responsibilities - for the term of your loan.

So, ask us about your BSP housing loan now - your blueprint for the future. Call 323 2288.

www.bsp.com.pg



TOKTOK AING

Fr. Paul Liwun SVD

OLGETA manmeri i nidim pren long laip bilong ol. Yumi nidim ol narapela long wok, stori, pilai, stap wantaim na narapela moa.

Maski yumi i stap long gutpela helt o han lek bilong yu i no gutpela, yumi nidim pren bilong laip.

Wanpela boi i wokabaut long wanpela stua long Goden. Em i ridim wanpela tok-save long notis bod; "Mipela salim papi".

Taim boi i ridim dispela toksave, em i go insait na askim papa bilong stua.

"Hamas prais bilong wanpela papi?"

Papa bilong stua i tok: "Prais bilong ol em i K30 i go antap long K 50 long wanpela papi".

Boi i sekim poket bilong em na em i pulim K2 tasol i kamaut. Em i askim gen; "Inap mi lukim ol papi?" Papa bilong stua i smail na wisel long singautim ol dog.

Wantu tasol Mama dog i go pas na olgeta papi i kalap kalap na bihainim em long bak-sait. Tasol boi i lukim wanpela papi i stap long bak sait tru. Em i no kalap na ran olsem narapela na em i bun nating stret.

"Wanem samting rong i stap long dispela papi? Bilong wanem em i no inap ran na kalap olsem ol narapela?"

Papa bilong stua i tok; "em i bin stap olsem taim mama i karim em. I luk olsem wanpela bun bilong em i no stret, na em bai i stap paralais oltaim long laip bilong em".

Taim boi i harim dispela tok, em i smail na tok; "Bai mi baim dispela paralais papi". Papa bilong stua i tok; Nogat. Yu noken baim dispela papi. Moabeta yu baim narapela i gutpela long en. Tasol sapos yu laikim dispela papi i gat sik long en, bai mi givim nating long yu. Yu noken baim".

Taim boi i harim dispela tok, em i no pilim amamas. Em i tok; "mi no laik yu givim nating long mi. Maski em i paralais, tasol em i gat prais bilong em. Mi baim olgeta prais bilong em. Nau mi i gat K2, tasol mi bai peim K1 long wanpela de inap long prais bilong em".

Papa bilong stua i tok strong moa long boi bai em i noken baim dispela paralais papi. "Dispela papi i no inap ran, i no inap kalap kalap, em i no inap pilai wantaim yu na narapela dok. Yu noken baim em. Yu mas baim narapela papi".

Boi ya i sarap tasol. Isi tasol em i pulim longpela trasis bilong em na soim lek bilong em long papa bilong stua.

"Masta! Yu lukim lek bilong mi. Mi no inap ran hariap olsem ol narapela boi. Mi no inap kalap kalap na pilai wantaim ol. Mi igat tupela giaman leg i stap. Mi wanpela paralais boi. Olsem na mi save tru, dispela papi i nidim tru wanpela man/pren inap long luksave long hevi na pen em i karim long en".

Ol paralais manmeri i gat wankain prais (value) olsem yumi nomol manmeri. Ol tu nidim pren long pilai, wok bung, toktok na serim amamas na wari bilong ol. Ol i nidim manmeri long undastendim ol.



"Man i prea bai God i lukautim ol lain bilong em"

Bikpela yu bin mekim gut long graun bilong yu. Yu helpim mipela Israel gen na mipela i stap gut tru. Yu bin tekewe sin bilong mipela ol manmeri bilong yu na yu lusim ol rong mipela i bin mekim. Mi putin iau long tok God, Bikpela i autim. Em i tok long givim bel isi na gutpela sindaun long mipela, sapos mipela i no i go bek long pasin nogut bipo mipela i mekim. Tru tumas, em i redi pinis long kisim bek ol manmeri i save lotu long em na i bihainim laik bilong em. Na em bai i kisim bek mipela na bai em yet i stap wantaim mipela long graun bilong mipela.

Buk Song 85: 1-2, 8-9

Biknem Katekis long Kairuku na Mekeo eria i dai

Veronica Hatutasi i raitim

WANPELA biknem Katekis husat i bin helpim long planim Tok bilong God long Kairuku na Mekeo eria insait long Sentrel provins i bin dai long las wik long Pot Mosbi Jenerel haus sik.

Nem bilong dispela man em Henry V.S. Natera bilong Bereina insait long Kairuku.

Mama i bin karim Mista Natera long Yul Ailan long yia 1913. Em i namba 11 long 13-pela pikinini bilong wanpela man Filipino husat i maritim wanpela meri Yul Ailan. Papa bilong Henry Natera i bilong Luzon na em bin kam long Yul Ailan wantaim ol namba wan Katolik Misinari na kisim lotu i go long Yul Ailan long yia 1891.

Leit Henry Natera i laspela long ol namba wan jeneresen Natera famili we nau i kamap planti long PNG. Em i gat 90 krismas na i dai lusim meri bilong em nainpela pikinini na planti bubu husat nau i wok na stap long PNG na Australia.

Bikpela samting we ol lain i

save long Mista Natera bai tingim em long em i wanpela man i gat daun pasin na em i bin wok hat long planim na kisim Tok bilong Bikpela olsem wanpela Katekis na tisa long Roro, Bereina, Mekeo na Kairuku eria.

Long rejistri bilong Katolik Sios long Yul Ailan, marit bilong papa na mama bilong em ol stap namba wan long marit rejistri buk.

Leit Mista Natera i bin maritim Magdalen em meri Roro bilong Delena viles long Yu Ailan.

Em i bin statim wok olsem Katekis na tisa long Inawaia viles long 1940. Bihain long 12-pela krismas olsem Katekis tisa long kisim Gospel i go long ol pipel long ol ples long Mekeo, Yu Ailan na Kairuku, em i bin joinim gavman na lukautim gavman saplai stoa long Yu Ailan. Mama i bin karim ol pikinini bilong ol taim ol i karimaut ol wok misin na bihain, taim em i wok long gavman stoa long Yu Ailan.

Long ol toktok we ol pikinini, pater na ol arapela famili memba i bin mekim long funerel lotu bilong em long St Charles

Lwanda peris long Gerehu las Fraide, ol i bin tok leit Mista Natera em i wanpela long ol Katekis husat i bin mekim bikpela wok, tasol nogat luksave i go long en olsem planti ol arapela wanwok bilong em. Nau tasol, ol i bin tok, luksave i bin go long Bleset Peter ToRot.

"Mi laik bai mipela i tingim leit papa olsem wanpela man bilong ples husat i bin strong long planim Gutnius bilong Bikpela namel long ol pipel," wanpela long ol nainpela pikinini, Catherine i bin tok.

Leit Mista Natera i bin wanpela gutpela man we ol pipel i save laikim em long gutpela pasin bilong em. Em i wanpela man bilong laikim tumas singsing na em i bin komposim tu sampela ol singsing lotu na ol arapela tu long Roro Tokples.

Narapela famili memba long ol hauslain bilong Natera em Joseph Awai i bin tok dai bilong leit Henry Natera em i las long ol namba wan Natera famili bilong Yul Ailan, ples we nau planti i lusim tingim olsem em i as long Katolik lotu i bin kamap long Papua rijen.

Em i bin tok Bereina bai i no wankain wantaim leit Mista Natera i no stap.

Em i bin tok leit Mista Natera i bikpela hap long dispela toktok na singsing we Katolik i save singim olsem het tok long Jubili yia taim ol bilip manmeri i save tok "Yumi em Sios".

"Ol Katekis em ol as stret long planim Tok bilong Bikpela long ol pipel, tasol nogat bikpela luksave i go long hatwok bilong ol inap long nau taim sios i givim luksave long Bleset Peter ToRot," Mista Awai i bin tok.

Pater Rochus i bin go pas long funerel lotu i bin tok leit Henry Natera i bin bilip strong olsem laip em i presen bilong Papa God na mipela wan wan i mas lukautim.

Em i bin tok leit Mista Natera i bin wanpela strongpela memba bilong sios na komyuniti, sios na kantri bai luksave long kontribusen na sevis we em i bin mekim.

Long las Sarere moning, ol famili na hauslain i bin kisim bodi bilong leit Mista Natera i go long ples long Mainohana long Bereina na planim em.

Papuan Rijen i gat nupela bisop

Martha Wame i raitim

PAPUAN Ailens Rijen bilong Yunited Sios i gat nupela bisop. Bisop Bernard Sia i bilong Misima i kamap namba wan bisop long we krismas bilong em i yangpela tru long holim dispela opis long Yunited Sios bilong Papua Niugini.

Modereta bilong Yunited Sios, Reveren Samson Lowa, i singautim Bisop Sia i kam insait long dispela nupela wok bilong em na blesim em long wanpela lotu long Salamo misen stesen long Fergusson Ailan long Milen Be provins las Sande.

Bisop Sia i kisim ples bilong Bisop Reveren Henry Tauwaigu husat i wok long dispela rijen inap long 10-pela yia na i bin siaim las sinod bilong em las wik.

Long dispela taim Bisop Sia i givim ol tingim na driman bilong em long wanem samting em i laik kamapim long ol 6-pela yia bai kam.

Wanpela driman bilong em em long kamapim ol developmen ken olsem Papuan Ailan Rijen Entaprais, wanpela bisnis han bilong sios. Em i tok sapos dispela i kamap entaprais i ken helpim long givim mani long komyuniti raunim Salamo olsem ol yangpela manmeri husat i no skul.

Em i tok olsem i gat ol plen tu long rausim hetkwata bilong rijen long Salamo na kisim i go long Alotau bikos nau yet i save gat ol hevi long salim toktok i go kam.

Bisop Sia i tok tenkyu long Bisop Tauwaigu na ol narapela bipo bisop husat i go pas long em na i tok tenkyu tu long papa bilong em husat i dai pinis, Stanley Sia i, husat i helpim long kisim em i kam long dispela mak.

Reveren Bill Fisher husat em i Dairekta bilong Yuniti na Intenesenel Misin long Australia i bin autim tok long dispela lotu. Ol narapela man husat i bin stap long dispela lotu em sampela lain tu husat i kam long Australia, Bisop bilong Nu Briten Rijen, Isikiel Thiety na ol famili na poroman bilong ol tupela Bisop Sia i na Bisop Tauwaigu.

Anglikan Sios tingim ol matir bilong PNG

Barbara Tomi i raitim

ANGLIKEN Sios long Papua Niugini i bin amamasim de bilong ol Papua Niugini matir long Septemba 2. Tasol planti ol sios i bin amamasim dispela de wantaim lotu long las Sande.

Long dispela yia, lista bilong ol Papua Niugini Matir i go antap yet na bungim wantaim ol dispela sevenpela bruda husat i dai long hevi bilong Solomon Ailan, wanpela em bilong Popondetta. Long misa long Sande, Bisop bilong Pot Mosbi Bisop Peter Fox i askim ol kongrigesen long tingim ol dispela lain husat i dai taim ol i mekim wok bilong God na ol manmeri i mas soim respekt na laik long we ol i bin dai.

Ol matir bilong Anglikan sios long PNG em Pater Vivian Redlich, Sista Margery, John Duffill, Leslie Gariadi, Lilla Lashmar, Father Henry Matthews, Father John Barge, Father Bernard Moore, Mavis Parkinson, May Hayman, Lucien Tapiedi, Father Henry Holland na Bruda Robin Lindsay.

Planti bilong ol dispela lain i bin dai long taim bilong Wol Woa II long Popondetta. Namel long ol em namba wan matir bilong PNG stret em Lucien Tapiedi. Ples bilong em em Taupota long Milen Be provins na em i wok olsem wanpela misin tisa na ewanjelis long Sangara long Oro provins long 1942 taim ami bilong Japan i sua long hap na laik katim long Kokoda Trail na kam long Mosbi.

Lucien wantaim ol arapela ol wait misinari olsem Pater Vivian na Pater Henry Holland i wok long ronawe long ol soldia taim ol asples lain i tokaut long hap we ol i hait.

Long bipo stori bilong dai bilong ol dispela matir i no bin stret na i bin tok olsem ol dispela lain misineri em ol soldia bilong Japan i kilim ol. Planti yia pinis tok tru i bin kamaut. Stori i tok olsem ol dispela lain misineri em ol asples lain yet i bin kilim ol i dai taim ol i katim ol long nek long nambis bilong Buna.



• Poto i soim stetyu i sanap long wanpela kona long Westminster Abbey.

Lucien Tapiedi em fes man namel long ol long dai taim em i go bek long kisim beg bilong Pater Redlich em i bin lusim long hap we ol i bin malolo bipo. Pater Redlich i bin tok long go bek tasol Lucien i pasim em na tok em yet bai i go, em i tok bikos em i asples man bai ol soldia bai i no inap killim em. Em i wok long go yet taim em i bungim wanpela man Orokaiva nem bilong Hivijapa husat i kirap na kilim Lucien na tokaut long ol Japan we ol arapela misineri i hait.

Long 1998, hetkota bilong Anglikan sios long England i givim bikpela luksave long Lucien Tapiedi long makim Osenia rigon na putim stetyu bilong em long bikpela haus lotu ol i kolim Westminster Abbey long London.

Long tingim ol dispela matir, Bisop Peter i tok, noken tingim ol tasol long we ol i dai tasol tingim ol wok ol i wokim na kaikai bilong ol dispela wok ol i bin kamapim na tok tenk yu long dispela.

Ol meri na famili wantaim lo

Namba 11 hap

Skrum ol toktok i kam long las wik man i kamapim hevi i ken kisim long en.

Victims contact details o ol kontek bilong sait i kisim bagarap: **Victim Impact statements:** Nupela Bil i kamapim tu hap we viktim o meri/pikinini i kisim bagarap, bai gat sans long autim toktok long wanem kain panisemen o mekim save trabel meka bai kisim. Bil i kamapim Victim Impact Statement we meri pikinini o husat i kisim bagarap/hevi i redim na Kot bai lukluk long en taim ol i givim mekim save. Victim Impact Statement em wanpela ripot we viktim yet i redim, famili bilong man, meri o pikinini i dai long birua o ol papamama bilong pikinini. As tingting em long givim viktim sans long autim tingting na toktok na long mekim klia i go long kot rot we dispela birua i kamap long ol na ol hevi em i givim long en. Dispela ripot bai larim viktim i tokaut long maus bilong em yet, ol hevi em i kisim long bodi na tingting bilong em bikos long dispela bagarap.

I kam inap long dispela taim, nem, etres na telipon namba i save go long ripot bilong ol plis. Na ol dispela infomesen i save go long saspek o man i kamapim bagarap/rong bipo long taim kot i kamap. Dispela i ken kamapim moa hevi long ol viktim o meri/pikinini i kisim birua long trabelman na lain bilong em. Nupela Bil o lo ya bai givim moa lukaut long wanem bai em i stopim longgivim aut dispela infomesen i go aut. Plis na prosyekusen o loya bai ino inap long givim ol dispela kain infomesen i go aut bikos plis bai raus. m ol dispela infomesen bipo ol i givim ripot i go long man i kamapim birua. Tasol sapos ol infomesen i sut long evidens em i givim long en na em i hap long sas bilong em,

Meri grup helpim ol meri



• Ol mauseri bilong All Nation's Wimens Grup (fran Iephan-raithan) Joycelyn Bukoya, Natalie McMillan na Wasi Romney na ol lida bilong Tauade CDC na Kaugere Yunaited Sios Wimen's Felosip Grup i sekim dram aven. Foto: BARBARA TOMI

Barbara Tomi i raitim

WANPELA grup bilong ol meri long Pot Mosbi ol i kolim All Nations Wimen Grup i bin givim tupela dram aven bilong kukim skon o bret i go long ol mama grup long Kaugere.

Dispela grup i save bungim ol wokmeri na hausmeri bilong ol kantri long PNG na wol husat i stap long siti serim pasin kalsa, serim stail bilong kuk, bilas na

henkraf.

Dispela grup i bin stat long 1989 namel long ol meri bilong ol wokman bilong Australia husat i save bung olgeta mun long save long arapela narapela na lainim kalsa na pasin kastom. Ol i save givim helpim tu long ol liklik wok insait long siti long sait bilong ol meri, pikinini o sios.

Wanpela wok helpim ol i bin mekim em long givim ol buk i go long laibri bilong St Martins

Peris bilong Angliken sios long Is Boroko.

Long olgeta bung bilong ol, ol i save putim liklik makmak long baim ples bilong kibung na long las mun, i bin i gat sampela mani long mak oslem K500 i bin stap na ol i kamap wantaim dispela tingting long givim long Memba bilong Mosbi Saut Ilektoret Ledi Carol Kidu long ol wok em i save wokim wantaim ol meri.

Dispela taim tu, Ledi Carol i bin putim oda wantaim Badili Vokesenel Senta long mekim 10-pela dram aven long givim long ol meri grup long ilektoret bilong em olsem na em i tokim All Nation's Grup long baim tupela moa dram aven.

Tripela maus meri bilong All Nation's Grup Natalie McMillan, Joycelyn Bukoya na Wasi Romei i bin kamap long Mosbi Saut Ilektoret opis long Koki long Fraide long givim dispela tupela dram aven i go long Kaugere Yunaited Sios Wimen's Felosip na Tauade CDC bilong Kaugere.

Long dispela taim tu ol i tokaut long wanem grup bilong ol i save mekim na ol i amamas tru long givim dispela liklik helpim.

Ol UPNG sumatin winim skul long Japan

Tereni Kens i raitim

TRIPLELA meri sumatin bilong Yunivesiti bilong PNG i winim skolasip na sapot bilong gavman bilong Japan long go stadi long hap (Japan).

Garua Peni, dairekta bilong Enrismen Stadi (OES) na tu opis bilong Intenesenel Studen Sapot (OISS) i tokaut olsem tupela sumatin meri long Humentis na Sosel Saiens Dipatmen i winim skolasip long stadi long Ryukus Yunivesiti.

Nem bilong ol em Bessielah Davis bilong Manus provins na Estella Cheung bilong Nu Ailan. Tupela em ol tet na fainel yia sumatin.

Bihainim gutpela wok na stadi we narapela meri husat i bin kisim namba wan skolasip em long Maris Eorage long winim wankain skolasip, gavman bilong Japan i kisim gen tupela sumatin meri anit long wankain skolasip. Bikos long gutpela mak bilong ol winim ol arapela sumatin long Pasifik, gavman bilong Japan i bin kisim tupela meri long stadi anit long program bilong ol.

KISIM MOA SAVE LONG MISELS

ELT WAS

Las... (text partially obscured)

5. We bilong stopim sik misels

Wokim wanem sapos pikinini i kisim misels?

- Givim planti wara, sup, kulau na wara bilong prut, na givim susu long pikinini husat i stap anit long 2-pela krismas
- Tokim ol narapela papa mama na ol wantok long givim bebi sut long ol pikinini bilong ol

KISIM BEBI SUT

Kuk Kona wantaim MERI WANTOK

Skiwas (skewers) em mambu stik long sutim mit, sosis na ol kerot long kuk long babakui.

Yu mas i gat:

- 12-pela mambu skiwas
- 750g bif mins
- 1-pela kiau
- 1-pela kap bretkrams (yu ken yusim flaua)
- 1-pela bikpela anian
- 1-pela han salot (spring anian)
- 1-pela kerot
- 2-pela liklik kepsikam hap kap wel

We long kukim:

- Katim anian, salot, kerot na kepsikam.
- Miksim bif, kiau, bretkrams, anian, salot, kerot, kepsikam long wanpela dis. Tanim inap olgeta i miks gut.
- Wantaim teolspun kisim tupela hap miks na rolim olsem sosis na pusim wanpela stik i go pas wantaim miks (lukim pote).
- Kapsaitim wel long trai pen na hatim pastaim.
- Bihain kukim skiwas na tanim tanim inap 10 minit olgeta na mins i tanim braun.
- Kaikai wantaim bret o rais na kumu.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.

Laip projek bai helpim skruim mak bilong rit na rait long PNG

Veronica Hatutasi i raitim

SOSEL Welfea na Developmen na Yut Dipatmen i wok bung wantaim sapat bilong Esia Developmen beng long lukim olsem moa pipel insait long kantri i save long rit na rait.

Bikos planti manmeri long PNG i no save long rit na rait, sampela non gavman ogenaisesen grup, ol sios na ol arapela lain husat i wari long dispela samting i karimaut ol wok insait long ol komyuniti long skruim wok na lainim moa manmeri long ol ruel na taun eria long save long rit na rait.

Olsem na long dispela yia, ol i kirapim wanpela literesi pailot projek insait long foapela provins olsem Is Sepik, Isten Hailans, Enga na Madang provins. Ol bin lonsim dispela program ol i kolim long "Laip Projek-Literesei bilong Olgeta" i no long taim i go pinis.

Ol i sut long dispela foapela provins bikos mak long ol lain i save long rit na rait i daunbilo moa long ol arapela provins insait long PNG.

Minista bilong Welfea na Sosel Developmen Ledi Carol Kidu long dispela wik i tok as tingting bilong dispela projek em long helpim PNG "i kamap olsem

lenet na lening sosaiti. Dispela i min olsem aninit long dispela PNG Literesi Projek, moa pipel long PNG bai save i no long rit na rait tasol, ol i mas save long skruim rit na gat save moa long ol samting.

Em i tok long dispela taim, 37 pesen mak bilong ol manmeri long PNG i save long rit na rait na skruim moa dispela save em i daunbilo tumas. Dispela em ol i kolim long "fansenel literesi" na i min olsem i no save long rit na rait tasol dispela mak bilong pipel i save long skruim moa dispela save long rit moa na glasim gut ol samting. Dispela i narakain long arapela literesi reit o mak we i karamapim ol manmeri i ken save tasol long sainim o raitim nem bilong ol tasol ol i no save long rit na rait.

Em i tok tru dispela program i bilong skulim ol bikipela manmeri long rit na rait tasol ol bai givim bikipela tingting tu long ol meri bikos ol meri em ol mama na wantaim save ol i kisim, ol bai lukautim gut famili long sait bilong helt, wokim gutpela baset, gutpela sindaun na ol arapela eria moa.

Membra bilong Ambunt Drekiwir Tony Aimo i bin promis long helpim projek long Is

Sepik wantaim K10,000.

Na Ledi Kidu i bin tok dispela i gutpela bikos em i soim olsem program i gat sapat long politikel level. Na wantaim dispela kain sapat, program bai i go gut.

Program ya bai ron long tripela yia na ol bai glasim na skelim long lukim sapos em i ron gut. "Ol skul bot i mas luksave olsem skul subsidi we gavman i save givim i no bilong peim olgeta skul fi tasol em i bilong helpim skul long ol operesen kos. Skul subsidi fi em i hap tasol long peim long kos bilong skul bilong ol pikinini na helpim long ranim ol operesen kos bilong skul.

"Skul subsidi i no min olsem gavman bai peim ful skul fi tasol em i bilong helpim na ol papamama i mas peim narapela nap long putim ol pikinini bilong ol long skul," Mista Laimo i tok.

Em i tok gavman bai go het yet long givim helpim wantaim skul subsidi long nek's yia.

Long dispela yia, gavman i bin katim K60 milien long helpim olsme subsidi mani tasol antap long en, em bin peim K350 milien wantaim hap em i katim long pe na entaitelmen bilong ol tisa.

Minista Laimo i tok gen olsem em i bikipela samting long ol papamama na ol arapela grup long helpim peim hap mani bilong skulim ol pikinini.

PNG kisim yet marasin i ekspaisia pinis

... oda i no save kamap hariap long ovasis

Sape Metta i raitim

SAMPELA strongpela toktok i bin kamap taim moa long 300 nening opisa na helt woka husat i kam yet long olgeta kona bilong kantri i sindaun long wanpela bung o simposium em ol i holim long Goroka.

Toktok i kamap olsem nau yet ol haus sik, helt senta na ol etpos insait long PNG i wok long saplain ol drag o marasin em de bilong ol i ekspaisia pinis long

givism long ol sikman, meri na pikinini.

Ol helt woka i tokaut long dispela namba 6 PNG Neses Rises Simposium olsem ol i mekim olsem bikos ol i no gat narapela rot long kisim gutpela marasin long saplain i go long ol sik lain.

Ol i tok dispela pasin i wok long kamap long wanem, taim gavman i putim oda long ol marasin, em i save kisim longpela taim long ol dispela marasin long kam long narapela kantri. Na taim ol marasin ya i kamap long ol helt senta na haus sik long ol distrik, taim bilong ol i save ekspaisia na marasin i save bagarap. Tasol ol helt woka i save go het na givim dispela ol marasin i go long siklain yet.

Mekim olsem na planti ol siklain em sik bilong ol i no save

pinis. "Mipela i nogat narapela rot olsem na mipela i givim na yusim ol marasin em gavman bilong yumi i bringim i kam," ol helt woka ya i tok.

Medikel Dokta Gerald Saleu bilong PNG Medical Institute husat i bin go pas long dispela bung i tok bikos PNG i nogat sans, ol pablik i no save sekim marasin o wanem kain marasin em ol i save givim long ol.

Tasol Dokta Saleu i tokim ol helt woka ya long yusim gutpela tingting na rausim dispela kain marasin na drag. Em i tok sapos ol ino nap mekim olsem, ol marasin ya i ken kamapim hevi na bagarap long bodi bilong husat ol lain isave kisim na yusim kain marasin i ekspaisia long en.



• Sampela ol presenta husat i presentim ol rises pepa i kisim piksa long NSI we Simposium i bin kamap long Goroka long wik igo pinis.

Domil viles givim gutpela piksa long Helti Ailan program

KOMYUNITI Bela Helt kos program em i hap long "Healthy Islands" program na i hap bilong Neosenel Helt Plan 2001 inap long 2010.

Ol i bin statim dispela program long yia 1998 bihainim bikipela bung bilong Wol Helt Ogenaisesen long


Suva Fiji. Lidik lain kantri long Pasifik inap ol samting we dispela pian i gat long en na i laikim ol lidik ailan kantri long bihainim long en.

Long PNG, Domil viles long Kunjib eria long Benz em i narakain. Samting olsem 14-

pela lain bilong Divain Wed Yuniweiti long Madang we i bin gat long em ol waklain na ol samatin i bin mekim lidik raun welaheut i go long hap bilong train luksave long model o piksa we Domil viles i kamapim long en. Ol bel yusim dispela

model long kamapim wanpela grubat program kos long Komyuniti Developmen bilong DWU. Ol i ting olsem DWU bel kamapim wanpela program olsem na rasim kos long dispela long yia 2003.

Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM



Rotary i pait egens Malaria Kam lukim mipela long 6 mile o Ringim - 325 8900 Prais i daunbilo na i gutpela stret-Yu ken baim planti long wanpela prais DEPT OF HEALTH - WHO - UNICEF

Imejensi kos i kamap long Heart Institut

Veronica Hatutasi i raitim

SAMTING olsem 36 dokta i bin pinisim wanpela imejensi kos long Pot Mosbi Heart Institut.

Institut ya i stap insait long Pot Mosbi Jenerel Haus sik.

Long dispela mak bilong 36 dokta, sampela bilong ol em ol sumatin bilong Medikel Fakalti husat i wok long skul long kamap dokta.

Faipela voluntia dokta bilong Australia i bin kam na wantaim tripela PNG dokta em long Dokta Ponifasio,

Dokta Duncan Dobunaba na Dokta Isi Kevau, ol bin ranim o go hetim dispela kos we ol bin givim skul long ol dokta long rot bilong lukautim na givim tritmen o helpim na givim marasin i go long ol sik lain long taim bilong imejensi na long ol ol spesel eria bilong ol. Tripela PNG dokta ya em ol i gat save long skulim ol arapela nupela dokta long kantri na olsem, ol i helpim ol dokta bilong Australia long ranim tripela de kos.

Dispela kain kos em i kamap pinis long 40 kantri

long wol. Na PNG i bin wanpela long ol namba wan kantri we ol bin kirapim dispela kos long en long 10-pela krismas i go pinis.

Ol lain i bin sindaun long kos long Pot Mosbi em ol i kam long Lae na Mosbi yet. Long ol arapela yia, ol dokta i sindaun long kos ya i save kam long olgeta hap bilong PNG.

AusAID aninit long MON-APH program i bin givim Aud \$15,000 bilong ranim kos ya. Ol i save givim mani long sapatim program taim ol i save karimaut long PNG.

Rot ol i save skelim ol dokta sapos ol i wokim gut kos na kisim save em long wok ol i karimaut long kos bekim ol kwesten na stap na stap insait long ol diskasen na wok long kos.

Dokta Athol Mckay husat i bin go pas long kos ya i bin tok em i amamas long ol PNG dokta we nau bihain long 10-pela krismas, samting olsem 140 i sindaun pinis long kos na i wok long yusim save bilong ol long helpim ol sik manmeri long ol imejensi keis.

Kot i salim wanpela man Japan long dai

Tokyo, Japan:

KOT i givim oda long hangamapim wanpela man Japan inap em i dai las Fonde bikos em i bin sutim wantaim naip na kilim 8-pela sumatin long wanpela elementeri skul long 2-pela yia i go pinis.

Mamoru Takuma husat i gat 30 krismas i wanpela man husat i no bin gat wok na husat i bin lukim ol dokta bipo long stretim sik em i gat long het.

Em i tokim kot olsem i tru olsem em i kilim 8-pela pikinini na bagarapim 13-pela arapela na 2-pela tisa long Ikeda elementeri skul klostu long Osaka.

7-pela liklik meri na wanpela mngi i bin dai long han bilong Takuma long June 2001 taim em i bin go insait long wanpela klasrum na tromoi wanpela longpela naip nating raun na katim ol.

Kot i no marimari long em na salim em long hangamap inap em i dai.

Wanpela dai long pait long so

Bangkok, Thailand:

WANPELA sumatin bilong Thailand i dai taim em na ol poro bilong em i pait wantaim ol narapela lain long wanpela musik so las Sarere.

Plis i holim pasim 1000 vokesenel sumatin husat i bin pait long dispela so we 152 pipel i bin kisim bagarap.

Ol sumatin i bin pait go na wanpela i bin sutim dispela sumatin wantaim gan. Em i bin gat 22 krismas.

Plis holim tupela saspek

Jakarta, Indonesia:

PLIS long Indonesia i holim tupela suspek husat ol i bilip i helpim long bomim wanpela hotel long Jakarta.

Ol plis i no givim nem bilong ol dispela suspek tasol ol i tok ol i bin holim ol long Wes Sumatra na nau ol i stap long Jakarta long han bilong ol plis.



France:

Wol sempion • Top meri bilong ron bilong Australia, Jana Pittman, i amamas bihain long em i winim 400 mita hedel resis long **Stade de France wol sempionsip** long France las Fraide. Pittman i gat 20 krismas. Ol 400 mita hedel sempion i no bin yangpela olsem em bilong bipo ol i bin win.



Rausim Coke na Pepsi

New Delhi, India:

BIKPELA kot long India i givim oda long wanpela independen investigesen owok painim i go insait long ol sop-dring Coke na Pepsi bihain long wanpela ripot olsem mak bilong ol pestisaid o marasin insait long ol dispela dring i antap moa long ol sefti mak bilong Yuropinien Union.

Nupela Delhi Senta bilong Saiens na Envaironmen i tok olsem sampela ol dring long kantri i gat ol dispela mak bilong marasin long ol bikos wara we i save go insait long ol i gat ol pipia bilong gaden na laipstok. Dispela i save kamap taim ren wara i karim ol pipia i go long ol bikpela wara. Ol kampani i save kisim wara bilong ol long mekim ol dispela dring long ol dispela wara na dispela i save kamapim dispela hevi.


Marit kamap long spes

Houstan, Amerika:

WANPELA man Rasia husat i save wok long wanpela stesen long spes, Yuri Malenchenko i maritim meri bilong em Ekaterina Dmitriev taim em i stap yet antap long hap. Dispela em i nambawan maritim we i kamap long dispela kain we.

Malenchenko i toktok long vidio long stesen bilong em long spes wantaim Ekaterina husat i bin stap long Johnson Spes Senta long graun.

2-pela bai bung ken long Oktoba taim Malenchenko i kam bek ken long graun.



Nu Silan helt atoriti i wari

Wellington, Nu Silan:

OL Helt Atoriti long Nu Silan i wok long was gut bihain long dai bilong 3-pela man husat i bin gat kain sik olsem numonia long sauten siti bilong Dunedin.

Otago Medikel Opisa bilong Helt, John Holmes, i tok olsem ol dispela man husat i dai i bin gat 40 i go long 50 krismas. Em i tok dispela em i ol krismas we man i no save dai nating.

Olgeta ol daiman i bin stap long wanpela liklik hap long Dunedin na i bin sik na bihain long sampela awa i bin dai, Mista Holmes i tok.

Lukluk bilong ol dokta i go insait long ol dispela dai i soim olsem ol i dai long numonia, tasol ol medikel atoriti i wari yet bikos ol i wok long tingim yet dispela sik SARS (Severe Acute Respiratory Syndrome), we i kain olsem numonia na i bin kilim moa long 800 pipel long stat bilong yia.

WANTOK KOMENTRI

Yumi kam pinis long mak bilong hangamapim man?

TOKTOK bilong Pablik Prosekjuta Chronox Manek long mekimsave bilong kot long ol man i kilim man i dai em wankain olsem tingting bilong planti manmeri long Papua Niugini.

Tasol planti moa i wok long askim sapos mipela ol pipel bilong PNG i kamap pinis long mak bilong kilim ol man husat i kilim dai narapela.

Long taim bipo, ol tumbuna bilong yumi i save kilim man long taim bilong pait long graun o long lukautim samting bilong ol yet.

Nau, yumi inap long lukim olsem planti manmeri i wok long dai long ol liklik samting bikos ol stil man na man nogut i no save tingting pastaim long ol i mekim samting nogut. Nogat.

Tude ol birua man inap long kilim dai narapela na ol i no wari.

Taim ol man nogut i mekim ol dispela kain pasin nogut, ol i save olsem ol i brukim lo bilong kantri.

Mista Manek i tok tru taim em i tok olsem laip sentens i no inap long skel bilong dispela rong ol dispela man nogut i mekim long Goroka.

Kilim man i dai em i wanpela bikpela samting bikos yu pinisim laip bilong narapela man.

Dispela lo long det penelti olsem mekimsave bilong ol man nogut insait long Papua Niugini i stap, tasol i nogat wanpela kot i givim dispela mekimsave na i kilim ol man.

Inap long tude, olgeta man bipo husat i bin kilim man i dai i nogat kot i hangamapim ol inap ol i dai.

Planti long ol i kisim tasol laip sentens.

Papua Niugini em i wanpela Kristen kantri, na planti manmeri i save bihainim gutpela kristen laip, tasol sapos yumi larim ol kain samting nogut olsem kilim man i kamap bikpela, taim bilong kilim man i dai long kot i wok long kam klostu.

Ating yumi yet long PNG i mas lukluk long yumi yet na luksave olsem wok bilong lukautim gut famili na mekim kamap gutpela sindaun i no strong moa.

Wanpela rot tasol long stopim dispela kain pasin nogut em long bihainim gutpela kristen rot long stap laip.

Yumi no kamap yet long mak bilong kilim man long kot, tasol i no longwe nau.



Lotu na senisim laip tru tru

Dia Edita

Mi laik bekim pas bilong brata bilong mi Tano Wati bilong Mt Hagen, Westen Hailans Provins long Ogas 07, 2003 we mi bin ritim na em i bin tok olsem em i no save amamas o wanbel long ol man bilong Katolik, Lutheran na Engliken i save lusim lotu bilong ol na go lotu long narapela lotu.

Na tu em i tok bai mi no inap go long heaven long nem bilong lotu. Na tu em i tok olsem rot i go long heaven em sapos yumi holim pas ol toktok i kam long buk baibel we ol pasta, bisop, evenjelis na katekis na pater ol i autim tok bilong God. Mi laik

bekim toktok bilong yu olsem yu no bosim laik bilong wanman.

Mi wanpela man we mi save lotu long Katolik. Mi save go lotu tasol ol ino save autim tok long Baibel stret bai mi ken senisim pasin bilong mi.

Olsem insait long buk Baibel long Efesus 5: 3, 5 na 1 Korin 6: 9 em i tok olsem ol man isave mekim pasin nogut bai ol i no inap go insait long Kingdom bilong God.

Mi save lotu long Katolik na mi no save harim dispela kain tok na stat long Mande igo long Sarere mi save mekim sin, pasin nogut istap long seven de Sande em mi save

giaman long lotu taim mi go bek long haus mi mekim sin go.

Wanem God em i pilai bilong mitupela bikos long 1 Korin 3: 16 na 1 Korin 6: 19 em mitupela i haus bilong holi spirit bilong God. God ino save stap long haus lotu man i wokim, Apostel 7: 48. Na long Jon 3: 1 yu ridim stori bilong Nikodemus em i wanpela hetman bilong Juda.

Em isave long lo na long tok bilong God. So mitupela mas tanim bel. Em i min olsem yu mas tok no long satan wantaim ol pasin nogut bilong em na tok yes long Jisas. Na dispela yu no bosim laik bilong

wanwan man. Sapos em i laik go joinim narapela lotu em laik bilong em.

Yu no jas God wanpela bai jasim yumi na tu ol dispela nupela lotu yumi lotu long em ino rot Jon 14: 6 Jisas em i rot na tu yu tok olsem sapos yu bilipim Jisas Kraus em pikinini bilong God bai yu go long heaven.

Bai yu no nap go long heaven nating. Sapos yu bilip long Jisas Kraus orait yu mas bihainim ol stretpela pasin bilong Jisas.

Nick John Kimbe, WNB

Stretim gut rot long Bewani na Green Riva

Dia Edita

Wari bilong mi igo olsem. Mi no amamas tru long gavman nau i wok long lukluk strong long wokim o putim kolta long Vanimo Jayapura rot.

Mi no amamas long wanem dispela rot bai slip nating na no inap mekim sampela win mani ikam long provins o kantri bilong yumi.

Dispela long wanem i nogat wanpela bisnis arere long rot i olsem na bai ken givim gutpela win mani long kantri.

Maski gavman ino ken westim nating mani long mekim rot long dispela kain hap westim taim nating. Olsem na nau mi laik tok klia long tupela memba wantaim Hon.

Philip Inou na Carlos Yuni yupela i mas lukluk gut pastaim long ol eria bilong rot

bipo long yutupela i ken givim mani long stretim rot. Bikpela samting yutupela i mas lukluk long em ol bisnis eria.

Wanem hap yutupela lukim olsem i gat bisnis em yutupela i mas lukluk long silim na stretim rot long ol dispela eria nau olsem Bewani haiwe.

Mipela ol pipel bilong Bewani nau mipela i wok long sikirapim graun olsem na mipela laikim rot i mas gat kolta wantaim gutpela simen o kolta na bai mipela pipel i ken yusim long wokim wok bilong mipela.

Em bai mipela i ken bringim win mani long provins na kantri tu. Olsem na plis tupela memba strongim rot long Bewani Green na ol arapela distrik yutupela i lukim olsem ol bisnis eria.

Husat i laik sapatim o egensim rait tasol long Wantok na bai mi ken lukim.

Benjamin A. Wep Vanimo, Sandaun provins

OL PAS
Dia Edita
Wantok Niuepepa P.O. Box
1982, Boroko NCD - Phone: 325 2500
Fax: 325 2579
Email: word@global.net.pg

Brukim Okapa distrik i go long tupela

Dia Edita

Plis mi laik yu givim mi liklik spes long autim wari bilong mi. Yes mi wanpela miks manki Fusa na Lufa tasol mi i stap long Pot Mosbi, NCD. Wari bilong mi igo long Isten Hailans Provinsel Gavman olsem mi laikim bai yu brukim Okapa distrik igo long tupela distrik. Em bai gutpela stret. Mi laik mipela i mas i gat memba bilong mipela yet i go olsem long Kimi i go daun. Mipela i

gat planti tausien pipel mipela stap mipela i stap wanpela memba tasol na i nogat gutpela sevis i kamap long hap. Olsem na mi askim Isten Hailans provinsel gavman long brukim na kamapim Kimi distrik na mipela mas i gat memba bilong mipela yet.

Em tasol wari bilong mi. Yu husat i laik sapat, rait tasol long Wantok niusepepa.

Joshua Kuylo Koki, NCD

Ol strit manmeri go bek long ples

Dia Edita

Mi laik autim komplein bilong mi igo long ol strit man na meri raun nating long Lae siti. Mi save lukim i save askim ol manmeri bilong ples long moni na stilim ol kaikai bilong ol mama long maket.

Dispela kain pasin em ino gutpela, ol manmeri bilong ples i save hatwok long painim moni na kaikai. Nogat wanpela samting bai kamap nating, yu hatwok na bai yu kisim. Sapos yu no wok moni orait yu mas go long ples bilong yu. Bilong wanem na

yu westim taim bilong yu long siti? Siti em ples bilong ol saveman na ol bisnis man. Em ol igat bikpela moni na kaikai na ol i stap long taun eria. Moni stap long ples, kaikai i stap long ples. Siti em moni tok bai yu amamas. Ples olgeta samting em fri. Olsem na plis yu ting yu wanpela raun nating manmeri yu mas go bek long ples bilong yu na noken bagarapim Lae siti.

Allah Domsie Lae, Morobe provins

WANTOK
Publishing Weekly, Wednesday, for
Word Publishing Company Ltd.
P.O. BOX 1982, BOROKO, NCD
PAPUA NEW GUINEA
TELIPON: 325 2500
FEKS: 325 2579
EMAIL: word@global.net.pg
PE BILONG WANPELA YIA
52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager:
Jeremy Burgess

Editor of Wantok:
Yakam Kelo.

Printed and Published by
Jeremy Burgess, at Allotment 2,
Section 209, Spring Garden
Road (Poreporena Highway),
Hohola, for Word Publishing Co.
Ltd.

Traim na malolo long Sande

Dia Edita

Mi laik sapotim pas bilong brata ya Amos Pando bilong Madang. Long het tok bilong pas bilong Amos i sanap olsem: Wok Sande igo long Sande. Pas ya i kam aut long *Wantok niuspepa* long de Fonde mun Julai 24, 2003. Amos i autim tingting bilong em long *Wantok niuspepa* long pablik iken lukim bikos em i tok em ino wanbel long sampela ovasis kampani i mekim nabaut long ol manmeri bilong yumi long Sande.

Ol ovasis kampani ino respektim Sande de holi na ol wok long pusim ol manmeri bilong yumi long wok Sande igo long Sande nogat malolo long en.

Em itok moa olsem Sande em de bilong God na em i namba seven de bilong God we God i malolo na tu em i tok ol wok manmeri i save wok 8 long moning igo inap 8 kilok long nait.

Yes Amos olsem olgeta toktok bilong yu long pas i tru na tru olgeta na mi givim ful sapot na

tromoi sampela moa toktok igo antap long pas bilong yu.

Brata Amos mi tokim yu stret olsem yu lukim long Madang em liklik o ino bisi tumas tasol long Hagen siti em beis long 24 aua long olgeta de nogat malolo bilong ol.

Mi laik givim tingting long *Wantok niuspepa* long dispela pasin tasol yu rait pastaim long mi olsem na mi sapotim yu. Ol ovasis manmeri ino save gut long kalsa, relijin na kastom bilong

yumi ol Papua Niugini manmeri olsem na mekim nabaut long yumi na tu ol ino gat luksave o respektim Sande em de holi we yumi save tingim na lotu long en.

Tasol yu manmeri bilong PNG mas ino ken paul na tingting tumas long mani. Yumi mas soim kala bilong yumi long ol na ol bai bihainim na noken haitim long ol. Yupela ting mani bai pinis o ronawe na mekim o olsem wanem.

Inap long yupela opim maus na askim o tokim bos bilong yupela

long relijin o lotu bilong yupela wanwan? Sampela mipela save sem nogut tru long rabis pasin bilong yupela bikos ol ovasis lain save lap long yumi taim yumi ino bihainim stret lo bilong lotu na harim toktok bilong ol na bihainim tasol. Mani save ron olsem wara i kam long ples na yupela painim wanem.

Tano Wati
Mt Hagen, WHP

Sapotim nupela yangpela memba long palamen

Dia Edita


Mi laik autim bel hamamas wantaim sapot bilong mi taim mi ritim niuspepa na harim FM nius na EMTV. Wanpela samting mi save wanbel nating stret em ol yangpela memba bilong yumi long haus palamen.

Taim ol i toktok ol i no save kea long olupela memba ol i no save haitim stret hevi ol i karim i go long palamen.

Mi ting sampela ol olupela memba i surik liklik long ol yangpela memba bilong yumi tete long palamen.

Ol nupela yangpela memba mi sapotim yupela na mi laikim yupela nating tru. Mi save dispela kantri PNG wantaim ol pipel bilong em i kisim taim nogut long sait long mani olsem na God antap i makim yupela long karim hevi bilong mipela.

Olsem na ol nupela yangpela memba bilong mipela long palamen yupela i noken harim tok gris bilong ol olupela memba stap yet long palamen. Yupela i mas pait strong long bringim sevis na developmen i kam long ilektoret



Taim bilong soim kala stret...

• Papua stail i kamap. Taim bilong danis na liklik meri i redi long danis. Mama bilong em i penim tatu long bodi bilong em bipo em go samsam long ai bilong ol manmeri. FAIL POTO.

bilong yupela. Em tasol hamamas na sapot bilong mi.

Husat yu laik sapotim yangpela memba bilong yu rait tasol long *Wantok niuspepa* na mi ken lukim.

Petrus Takrak
Banz, WHP

OL PAS

Dia Edita

Wantok Niuspepa
P.O. Box 1982, Boroko, NCD.
Ph: 328 2500
FAX: 326 2573
Email: wantok@global.net.pg

I gat lo bilong plisman o nogat?

Dia Edita

Mi gat tingting we mi laik tokaut long *Wantok niuspepa*. Tasol pastaim tru mi laik tok tenkyu tru long printim pas bilong mi long *Wantok* em long Fonde Julai 24, 2003. Nau em bai namba 2 pas bilong mi gen i kam long yupela.

Orait, dispela tingting bilong mi em i bihainim wanpela stori mi bin ritim long *National pepa*, em long Trinde Julai 20.

Dispela i stori long ol Plis Mobail Fos Unit i bin mekim long ples Finsafen.

Ol i bin traim painim ol saspek long dispela ples na ol i go het tu na kukim ol haus na haus bilong kaunsila bilong dispela ples tu.

Luksave bilong mi, em i go olsem. Taim mi save ridim kain stori olsem, em i save givim mi luksave olsem, sapos yumi ol pipel bilong ples i belhat long ol kain hambak pasin ol yangpela save mekim long ples.

Na yumi les olgeta na yumi go long painim ol dispela ham-

bak lain na yumi no painim ol, orait belhat mekim na yumi kisim lo i kam long han bilong yumi na yumi go na go kukim ol haus bilong ol dispela saspek hambak mangi wantaim ol arapela haus tu.

Orait dispela bai yumi lukim ol Plis bai kam na holim pasim yumi na sasim yumi long kisim lo na oda i kam long han bilong yumi yet na i no larim plis mekim wok long painimaut dispela trabel.

Mi yet mi ting olsem dispela kain pasin ol dispela Plis Mobail Fos Unit i mekim i brukim lo bilong ol Plis yet tu.

Sapos ol save holim yumi na sasim yumi long tok yumi i brukim lo na yumi mekim dispela, orait, i luk olsem ol tu em ol lain bilong kipim lo na oda long kantri na bilong wanem ol mas mekim dispela kain pasin bilong kukim ol haus na nogat lo i pasim na sasim ol?

Ating i mas gat tupela lo ya? Wanpela em bilong ol Plis i mas arestim na sasim yumi taim yumi kukim ol haus olsem, na

long sait bilong ol yet, em nogat lo long dispela. Wanem samting ol mekim em i bihainim mama lo bilong kantri we i tok ol ken mekim olsem, a?

Sapos i olsem, orait mi amamas tasol long mi joinim Plis Fos Unit na bai mi ken gat sans long mekim ol dispela kain operesen. Husat bai kotim mi, em lo i tok mi ken mekim. Tasol yu husat i no stap long Mobail Unit, yu noken mekim. Em bai lo i kalabusim yu stret.

Ating em i hap luksave na tingting bilong mi long traim na skelim ol kain pasin olsem we i save kamap na bungim yumi ol turangu olsem. Na sapos ol dispela Plis Mobail Fos Unit i asua, orait, Plis Komisina i mas lukluk long dispela hevi na mekim wok painimaut na kotim ol dispela plis husat i stap insait long dispela birua.

Em tasol na tenk yu tru.

Paul I.
Lorengau, Manus Island

Porgera gol main nogat luksave long Laiagam distrik

Dia Edita

Wari bilong mi i go olsem. Laiagam Porgera em wanpela ilektoret. Ol pipel bilong Laiagam na ol narapela distrik insait long Enga provins i no kisim sevis olsem rot na lait.

Yes long tingting bilong mi, mi bilip olsem lait bai helpim ol pablik sevens, bisnis manmeri na wokmanmeri bilong Laiagam distrik.

Mipela slip long tudak 20 inap 30 yia nau. Stat bilong dispela main i kam inap nau em i no givim wanpela genereta

igo long ol skul, haus sik na stesin bilong mipela.

Na tu rot i go long Kandep distrik i bagarap stret. Olsem na Placer stretim rot go long Kandep na givim lait long Laiagam na ol narapela distrik insait long Enga.

Husat laik sapotim o egensim rait long *Wantok* na bai mi ken lukim.

Mayshed Watanikam
Laiagam, Enga provins

Makim nupela Is Sepik etministreta

Dia Edita

Mi laik autim dispela toktok mi bilip olgeta Sepik pipel bai sapotim na helpim tingting bilong mi olsem Peter Waliawi mas kamap nupela Sepik etministreta long Jenueri 2004.

Tude yet planti wok bilong provins i bagarap mani i lus na sevis i no go long ol pipel na pablik

sevis i wok long pundaun.

Mista Waliawi i gat Gavman na pablik sevis ekspirien na em tasol i gat plen bilong sanapim bek Is Sepik provins. Is Sepik provins i bagarap pinis long las 10 yias na planti stil pasin na ol man i kisim posisen we ol i nogat save na kwalifikeisin. Praim Minista Sir

Michael Somare i mas mekim tok bilong em i karim kaikai na makim Peter Waliawi long kamap nupela Is Sepik provinsal etministreta olsem em i toktok long dai bilong Leit Tony Bais long Gerehu, NCD.

John Kriosaki
Wewak, ESP

Praim minista lus tingting long Simbai pipel

Dia Edita

Mi wanpela bus mangi long ples Simbai. Mi makim maus bilong ol lapun bilong yia 1975, yangpela na ol pikinini long autim bel hevi na bel kros bilong ol igo long Praim Minista Sir Michael Somare.

Mi no olsem yupela olgeta, edukesen i abrusim mi pinis. Mi no wanpela lida man o politisen tasol mi laik tromoi dispela pas igo long tebol bilong Praim Minista.

Praim Minista em bisi man ya na husat yu ridim dispela pas na yu stap klostu wantaim Praim Minista, plis bringim dispela hap niuspepa ripot igo long em.

Em yet save em bai putim long fran pes long fail bilong em. Em bai tingim olsem wanem hap tru em i bin diklarim Independens long 9 kilok long moning.

Yumi olgeta save long Septemba 16, 1975. Yupela kisim independens. Yupela save wanem hap na ples tru em i bin kisim tok orait long lapun man long 9 kilok moning na kisim independens?

Em i bin tokim ol lain long Mosbi olsem em bai go long Austrelia na bihain kambek long 2 kilok apinun pastaim na bihain em bai diklarim independens.

Tasol tru tru em bin kam givim Independens pastaim long Simbai long 9 kilok long moning taim pastaim na bihain long 2 kilok long Mosbi.

Taim em i bin diklarim pinis ol i pulim fleg bilong Austrelia kam daun na

Papua Niugini go antap. Long dispela taim i kam inap nau em 28-pela krismas olgeta. Klostu 28 krismas nau.

Bel hevi, bel kros bilong ol lapun husat i bin witnessim dispela de na kilim sampela pik olsem:

Yu bin kalap long balus long 16th Septemba na givim baksait long Simbai na igo na go olgeta.

Yu no bin tingim olsem dispela pikinini bilong mi nau em i bin mekim wanem? Em i stap gut o nogat? Yu no givim baksait olgeta.

Pikinini ya nogat papa bilong em. Ating em i wanpela pikinini we narapela man karim a? Yu papa tru tru. Middle Ramu Open Sit ol narapela man winim ya em ol was papa tasol.

Ino olsem yu kamap Praim Minista na mipela raitim dispela pas long yu. Yu yet yu save wanem ol toktok pipel bilong Simbai tromoi long 16th Septemba.

Las askim bilong mipela igo long yu olsem, yu givim baksait long mipela na go olgeta o bai yu tanim na lukluk bek?

Mipela pipel bilong Simbai, Ganj, Maring, Asai, Kobon na Kairon i bringim dispela kwesten igo antap long floa bilong haus bilong yu. Ino long palamen haus.

Tep!

Nick Kundok
Simbai, Madang



EXCLUSIVE TO COURTS

BEST BRANDS, BIGGEST RANGE, LOWEST PRICES
BUY AT INDEPENDENCE PRICES AND SAVE!

42 FORTNIGHTLY
DEPOSIT K64
SALE CASH K999 • REGULAR K1,149

PHILIPS 14PT2001/59B
14" COLOUR TV
code: 101265
*smart scrub • multi system
*personal zapping • smart card

83 FORTNIGHTLY
DEPOSIT K133
WAS CASH K2,299 • NOW CASH K1,999 • REG. K2,299

PHILIPS 25PT4642/69R
25" COLOUR TV
code: 104298
*Nicam/German stereo • multi system
*remote control • Svideo • smart card

79 FORTNIGHTLY
DEPOSIT K127
WAS CASH K3,399 • NOW CASH K1,995 • REG. K2,299

PHILIPS FW-V785/21M
MINI HI-FI SYSTEM
code: 202822
*AV CD/CD-R/CD-RW/MP3 pb
*100 PMPO • wOOx technology

94 FORTNIGHTLY
DEPOSIT K151
WAS CASH K2,799 • NOW CASH K2,299 • REG. K2,649

PHILIPS 29PT2162/69R
29" COLOUR TV
code: 102431
*Nicam/German stereo • multi system
*POWERVISION • Svideo • smart card

223 FORTNIGHTLY
DEPOSIT K363
WAS CASH K8,999 • NOW CASH K5,999 • REG. K6,899

PHILIPS 34PT4873
34" COLOUR TV
code: 102718
*Nicam/German stereo • multi system
*POWERVISION • Svideo • smart card

65 FORTNIGHTLY
DEPOSIT K104
WAS CASH K1,795 • NOW CASH K1,595 • REG. K1,839

PHILIPS FW-V355
MINI HI-FI SYSTEM
code: 202865
*2 sides cassette player • 3 CD player
*surround sound • AM/FM tuner

28 FORTNIGHTLY
DEPOSIT K42
WAS CASH K999 • NOW CASH K599 • REG. K689

PHILIPS VR330/52
VIDEO RECORDER
code: 113220
*digital tracking system
*auto head cleaner • remote control

30 FORTNIGHTLY
DEPOSIT K46
WAS CASH K1,199 • NOW CASH K699 • REG. K805

PHILIPS CDSV989
3 CD PLAYER
code: 212202
*digital tracking system
*auto head cleaner • remote control

24 FORTNIGHTLY
DEPOSIT K35
WAS CASH K719 • NOW CASH K499 • REG. K579

PHILIPS AZ1003/11
PORTABLE CD/RCD
code: 225234
*60watts PMPO • 32 CD track program
*CD programmable • AM/FM tuner

55 FORTNIGHTLY
DEPOSIT K87
WAS CASH K1,999 • NOW CASH K1,399 • REG. K1,599

PHILIPS VR730
VIDEO RECORDER
code: 113220
*digital tracking system
*auto head cleaner • remote control

59 FORTNIGHTLY
DEPOSIT K93
WAS CASH K2,139 • NOW CASH K1,399 • REG. K1,599

PHILIPS DVD616/63
DVD PLAYER
code: 114768
*digital tracking system
*auto head cleaner • remote control

12 FORTNIGHTLY
DEPOSIT K15
WAS CASH K199 • NOW CASH K159 • REG. K185

PHILIPS AQ4150
PORTABLE RCR
code: 226213
*single cassette player • AM/FM
*auto stop • 10watts PMPO

*Our Prices in this press advertisement are subject to change at any one time without notice.
The Products shown in this press advertisement were available at the time of press printing. Not all these are available in all branches.

Let's make things better.

PHILIPS

PAPUA NEW GUINEA'S FAVOURITE FURNITURE AND ELECTRICAL SUPERSTORES

COURTS BOROKO

COURTS TOWN

COURTS GORDONS

COURTS GOROKA

COURTS LAE

COURTS MADANG

COURTS HAGEN

INDEPENDENCE SALE

30 FORTNIGHTLY
DEPOSIT K45
WAS CASH K699 • NOW CASH K659 • REG. K759

AKITA VC3731
14" COLOUR TV
code: 101228
*AV stereo with bass expander
*front AV input for games

65 FORTNIGHTLY
DEPOSIT K102
WAS CASH K1,799 • NOW CASH K1,599 • REG. K1,839

TOSHIBA 20A1ME
20" COLOUR TV
code: 102228
*multi system • 2 front speakers
*bomba sound speakers • super black tube

48 FORTNIGHTLY
DEPOSIT K75
WAS CASH K1,299 • NOW CASH K1,185 • REG. K1,369

SHARP 14A1-S/BK
14" COLOUR TV
code: 101234
*NICAM German stereo • multi system
*personal zapping • Svideo connector

57 FORTNIGHTLY
DEPOSIT K90
WAS CASH K2,199 • NOW CASH K1,399 • REG. K1,599

SANYO CM21KX2
21" COLOUR TV
code: 102764
*AV stereo with bass expander
*front AV input for game • CATV ready


52 FORTNIGHTLY
DEPOSIT K82
WAS CASH K1,459 • NOW CASH K1,299 • REG. K1,499

SAMSUNG CS14H2
14" COLOUR TV
code: 101244
*hybrid CATV ready • multi-language
*graphics OSD • intelligent video output

72 FORTNIGHTLY
DEPOSIT K114
WAS CASH K1,999 • NOW CASH K1,799 • REG. K2,069

TOSHIBA 21NXXE
21" COLOUR TV
code: 103221
*multi system • 2 front speakers
*bomba sound speakers • super black tube

HAVE YOU READ THIS?
TO ENTER OUR 20TH BIRTHDAY COMPETITION,



SPEND **K20 TASOL!** AT COURTS

AND YOU COULD BE ONE OF SIX (6) LUCKY WINNERS! IT'S OUR BIRTHDAY! THE GIFTS ARE YOURS!



YOU COULD BE ONE OF 6 LUCKY WINNERS IN OUR HOUSE-FULL OF PRIZES WORTH K20,000 COMPETITION. SPEND K20.00 TASOL!

*Our Prices in this press advertisement are subject to change at any one time without notice.
The Products shown in this press advertisement were available at the time of press printing. Not all these may be available in all branches.



INSTANT CREDIT APPROVAL
CONDITIONS APPLY (SEE NEXT PANEL)

REQUIREMENTS

- CONFIRMATION LETTER
- Current Employment Letter
- ID CARD
- Current Employment ID Card, etc.
- LATEST PAY SLIP
- Latest fortnight pay slip
- ADDRESS CONFIRMATION
- Latest PNG Power or EDA RANU Bill
- #2 REFEREE'S DETAILS
- Name, Address, Phone, etc.

GOROKA
Goroka
Tel: 732 2063

LAE
Milfordhaven Road, Lae
Tel: 472 4800 • Fax: 472 4621


MADANG
Beckslea Plaza, Nanulon St., Madang
Tel: 852 3711 • Fax: 852 3712

HAGEN
Hagen Drive, Mount Hagen
Tel: 542 1401 • Fax: 542 3517

FITTLER, BAI, WILSHERE TALIS, LOCKYER, JOHNS

Husat em I Nambawan NRL pilaia?

YU YET I MAKIM

PNG'S
MAN

NRL PLAYER
POLL:2003

I KAM KLOSTU NAU

Bikpela NRL ileksen bilong PNG

NA TU! Yu gat bikpela sans tru long go long Australia olsem wanpela bikman (V.I.P) na lukim stat bilong 2004 NRL Sisen.



NESENEL ALAIENS Pati - Wan Yia long Gavman

Toktok bilong Praim Minista Sir Michael Somare

OLGETA wanwan famili na ol bisnis hia long PNG i save long pasin bilong sanap strong long taim bilong hevi long stap laip na sanap strong insait long wanem kain laip o senis bilong politiks, bisnis o sindaun bilong komuniti.

Tasol ol inap sanap strong moa na kamapim planti gutpela samting insait long banis we i prais na kos bilong ol samting i no antap tumas na ol rul bilong bihainim i isi long ol i luksave na bihainim.

Dispela em ol toktok Praim Minista bilong Papua Niugini Sir Michael Somare i bin tokaut long fan reising bung bilong Nesenel Alaiens Pati (NA) long makim wanpela yia bilong gavman long palamen.

Kantri bilong yumi i bin bungim ol taim nogut long ol yia i go pinis.

Ol samting i bin hat tru. Ol dispela hat taim i kamap long samting ol man i mekim na arapela em long hevi bilong graun yet olsem volenu i pairap long Rabaul, solwara i bagarapim ples long Aitape, drai taim long olgeta hap bilong kantri. Long narapela sait kantri i tromoi planti mani nabaut

long ol samting we i no stap long baset na planti samting nabaut.

Sir Michael Somare i tok dispela 12-pela mun long opis Gavman bilong em i mekim kamap ol samting we yumi ken lukim lait bilong bihainim.

I gat sampela husat i laikim senis i mas kamap hariap tasol olsem na ol i save tok Gavman i isi isi tumas.

Ol i no amamas long wok bilong Gavman.

I gat sampela pipel husat i no laik luksave long wanem samting Gavman i wok long mekim long traime stretim sampela wok na ol bikpela hevi we i bin kamap long bipo i kam.

Ol i lukim tasol em piksa bilong kantri i pundaun. Olsem na mi laik tok olsem long ol dispela lain olsem mipela bai wok olsem wanpela dokta bilong katim man i katim lewa bilong sikman tasol laip bilong em i wok yet.

Mi bin lida bilong liklik lain Papua Niugini pipel taim mipela i kamapim tingting bilong kisim independens.

Planti i toktok bai bikpela hevi bai kamap we planti

pipel bai lusim laip bilong ol long pait long kisim independens. Tasol mipela i kamapim kantri we i sanap strong na ino isi long pundaun.

Tude kantri i gat ol skul manmeri, ol savemanmeri bilong wok na ol i save gut long wanem samting i kamap tude long wol.

Papua Niugini i olsem sospen i pulap long gol na i trip antap long oil. (pot of gold floating on oil).


Mipela i kisim opis taim sip bilong Papua Niugini taim solwara i bin tait. Strongpela win na solwara, klaut i pairap na bikpela ren tu wantaim i tromoi sip i go i kam.

12-pela mun nau, solwara i tait yet tasol mipela i wok long ronim gut sip i kam.

Mipela i ken lukim strong bilong biksolwara i wok long dai na win wantaim klaut i wok long stop. San i laik lait gen. Ol wokman bilong sip i ronim gut sip.

Ol wokman bilong sip em ol sampela nupela wokman na sampela olpela saveman bilong ronim sip na ol wok wantaim long stiaim gut sip i kam gut.

Sir Michael Somare i tok rot Papua Niugini i wok hat



• Praim Minista Sir Michael Somare i apim wain glas long amamasim wan yia long gavman. Lukluk long em i masta ov seremoni Sir Henry Kila long bikpela fan resen ol i bin kamapim long amamasim dispela wan yia long gavman selebresen. Foto: Joe Ivaharia

long go long en i wok long taim gutpela bel bilong wok sapat wantaim i wok long kamap gut na wanbel wanbung wantaim na givim kamap strong nau.

NESENEL ALAIENS Pati - 12-pela mun long opis

Wok didiman i wok long karim kaikai

TINGTING bilong Somare na Marat Gavman long strongim wok didiman long kantri i wok long karim kaikai we planti manmeri i wok long wok long gaden bilong ol nau long planim kakao na kokonas na vanilla. Na planti manmeri i wok long kisim planti mani nau long prais bilong ol dispela samting.

Agrikalsa o wok didiman em bun tru bilong ol pipel bilong Papua Niugini we planti millen manmeri i

save wok long gaden na graun bilong ol long kamapim kaikai bilong famili, kamapim kakai bilong salim na kisim mani, mekim ol liklik wok bisnis na arapela samting moa ol pipel i ken mekim.

Dispela em bikpela tingting tru bilong Gavman bilong Somare na Marat taim ol i bin kamap na kisim opis 12-pela mun i go pinis. Dispela em bikpela lukluk gavman i mekim nau long daunim takis

long ol samting bilong wok agrikalsa na didiman long sapatim ol wok plentesen na ol wok bilong baim na salim ol kago i go long ovasis maket.

Wok didiman i save stap bun tru bilong ol pipel long olgeta de bikos sapos i nogat kaikai, bai yumi hangre, nogat mani bai nogat gutpela sindaun long famili na komuniti.

Dispela gavman bilong Somare i

tokaut pinis long wok strong nau long kirapim na strongim ol pipel long wok strong long dispela eria bilong wok didiman.

Gavman nau i sanap strong long ol pipel i mas kamapim planti samting long wok didiman bai kantri i ken kamapim planti kopi, planti kakao, vanilla, oil pam, kopra na planti arapela moa bilong yumi salim i go long ovasis maket.

Sapos PNG i ken salim planti kago olsem i go long ovasis maket dispela rot tasol PNG i ken kisim planti mani i kam long kantri.

Na dispela mani tasol inap mekim wok bilong lukautim kantri long nau na bihain taim i go.

Praim Minista Sir Michael Somare i tokaut long fan reising bilong amamasim 12-pela mun bilong Gavman olsem ol wok bisnis bilong maining, fores, ol tin pis fektori na arapela bisnis tu i wok long kamap gut nau.

Na tu strong bilong mani i wok long kamap isi isi nau long lukim risev mani bilog kantri i sanap strong long sapatim strong bilong mani insait long kantri we dispela i ken givim strong long ol wok bisnis long go het gut wantaim ol wok bilong ol.

Gavman i laik daunim prais long fiul tu em gutpela tingting long helpim ol bisnis na kampani i stap pinis insait long bisnis bilong agrikalsa long kamapim moa samting long fektori na haus masin bilong ol.

Bai ol pipel i kam salim planti kago na kampani bai amamas long peim ol na kisim planti saplai bilong salim i go long ovasis maket. Dispela inap pulim moa

mani i kam long helpim kantri na kirapim bel bilong ol pipel long ples long planim na kamapim moa samting long graun na salim long kisim mani.

Ol pipel bilong Madang i soim pinis olsem ol i ken planim rais bilong ol yet na ino inap baim rais bilong stua moa we i save kam long ovasis.

Ol i planim wanpela kain rais nau ol i kolim Magic Marasin. Ol i pulapim long paket na salim long stua na ol i tok dispela rais i swit moa.


Em piksa tru bilong ol pipel i ken kamapim samting na salim long ol yet na dispela inap givim bikpela helpim long gavman.

Dispela bai mekim gavman i stop long noken baim moa rais long Australia we kantri i save tromoi samting olsem K400 milien olgeta yia long baim.

Gavman i mas strongim dispela tingting bilong em na salim planti agrikalsa opisa o ol didiman i go aut long planti ples na ol stesin long givim moa tok stia na tok skul long pasin bilong planim gutpela vanilla o kadamon o ol arapela moa samting na tu skulim ol long planim planti bilong salim long bikpela skel long kisim moa mani.

Taim ol saveman o ol opisa i go aut na toktok wantaim ol pipel bai ol i ken kirapim bel na tu bringim ol pipel i kam long maket wantaim ol samting bilong ol we ol planim na redim.

Olsem na gavman i noken tok nating na mauswara long dispela bikpela wok we i bun tru bilong ol pipel. Em i mas mekim tru.



• Praim Minista Sir Michael Somare i sindaun toktok wantaim Fan reisin Siaman bilong Nesenel Alaiens Pati Simon Kaiwi long wan yia betde bilong NA Pati long gavman. Foto: JOE IVAHARIA



• Praim Minista Sir Michael Somare wantaim sampela ol gest long bung bilong "Wan yia long gavman" long Grand Palace haus kaikai long Sarere. Foto: JOE IVAHARIA

Wan yia Gavman laik stopim AusAID

BIHAIN long Gavman bilong Somare na Marat i kisim opis 12-pela mun nau, ol i kamap wantaim ol toktok na tingting bilong stopim dispela helpim Australia i save givim long Papua Niugini long olgeta yia ol i kolim AusAID.

Olsem na long las wik taim pati bilong Sir Michael Somare, Nesenel Alaiens pati i amamasim wan yia bilong em long gavman, Sir Michael i tokaut olsem ol pipel bilong Papua Niugini i mas redi long bungim ol bikpela salens o wok bai i kamap bihain taim kantri i traim long kamapim sampela bikpela nupela senis.

Praim Minista bilong Papua Niugini Sir Michael Somare i mekim ol dispela toktok long fan reising bung bilong NA long stopim o rausim dispela helpim mani ol i save kolim AusAID we Australia gavman i save givim long PNG olgeta yia.

Dispela mani i save sanap long mak olsem K700 milien olgeta yia.

Praim Minista i tokaut long nau em taim bilong Papua Niugini i lusim ol kain tingting na pasin bilong kisim strong long arapela kantri long helpim mani o singaut long helpim mani bilong arapela lain.

PNG i mas wok strong nau long mekim kamap ol samting long save na strong bilong em yet.

Praim Minista i autim dispela tingting bihain long planti toktok i wok long kam long Australia long ol i mas sekim na glasim gen dispela mani bilong na lukim

wanem kain wok na kaikai bilong wok em dispela mani i mekim long PNG.

Long las wik tasol Praim Minista bilong Australia John Howard i salim sampela sinia opisa bilong em i kam long PNG long toktok wantaim Somare na gavman bilong em long dispela toktok bilong Australia Aid mani.

Ol i kam wantaim wanpela pas John Howard i raitim long givim long Sir Michael Somare.

Tasol dispela pas ol ripot i tok i mekim Somare i nogat gutpela bel.

Dispela toktok o tingting bilong Somare long PNG i lusim han long dispela helpim bilong Australia i kisim tu sapot bilong ol lida na ol bikman bilong Papua.

Em i tok PNG i ken stopim ol helpim we Australia i save givim mipela wantaim ol saveman na ol wokman bilong ol husat i save wok klostu wantaim gavman bilong mipela na mipela i ken kisim ol saveman bilong ol kantri olsem Saina, Japan, Korea na ol Esia kantri.

Ol kantri long Esia i bin lain husat i tokim Wol Benk olsem ol i no wari long mani bilong Wol Benk. Ol yet i ken mekim wok na sanap strong.

Gutpela senis i wok long kamap

WAN Yia Gavman bilong Somare na Marat i amamas olsem ol senis bilong kisim Papua Niugini i go long gutpela rot i wok long kamap.

Praim Minista Sir Michael Somare i tokaut long amamasim wan yia bilong Gavman bilong em long las wik olsem strong bilong mani (Kina) i wok long sanap strong na i wok long traim kisim strong bilong em. Ol wok bisnis tu i wok long kam bek wantaim moa sapot wanbel bilong ol bisnis na ol kampani long wok wantaim gavman bikos long ol rot na plen dispela gavman i laik kamapim.

Gavman bilong Somare i sanapim bikpela as tingting bilong sevim kantri long ol taim nogut na hat

taim em i bungim pinis long wok bilong agrikalisa na didiman. Ol i kolim long Ekspot Driven Polisi we i sut long kantri i mas kamapim moa kakao, kopra, vanilla na ol arapela samting PNG i save groim na salim i go long ovasis maket.

Antap long dispela, ol arapela mineral olsem gol, oil, ges, timba, fis na arapela moa i wok long kamap gut we Praim Minista ol dispela senis i soim olsem kantri i wok long kirap na bai i ron strong long bihain.

Olsem na bikpela samting em Gavman bilong i gat bikpela tingting long stap yet long Gavman inap 5-pela yia i pinis long lukim olsem olgeta plen na wok bilong em i karim kaikai.



**Siaman bilong Bod
Mr Bamake Rumbam,
Menesmen na ol Wokman bilong
National Fisheries Authority
i laik tok
Bikpela Amamas
long
SOMARE na MARAT
Gavman long 1st Eniveseri.**

*Ol yia i kam bihain long yu bai i
gutpela long gavman bilong yu.*

NESENEL ALAIENS PATI. 12-pela mun long Gavman

**Yakam Kelo i
raitim**

NESENEL Alaiens Pati (NA) i go pas long gavman bilong Papua Niugini long wanpela yia nau taim ol i winim ileksen long Jun 2002 na kam insait na kamapim gavman long Julai.

Lida bilong Nesenel Alaiens Sir Michael Somare i bin kisim singaut bilong Gavana Jenerel Sir Silas Atopare long kam raitim nem bilong em long soim olsem pati bilong em bai go pas long kamapim gavman. Dispela i bihainim nupela lo palamen i bin kamapim long las yia ol i kolim Intagriti ov Politikal Pati na Kendidet.

Nesenel Alaiens pati i bin kisim bikpela namba bilong ol memba long taim bilong ileksen olsem na dispela lo i oraitim pati wantaim bikpela namba bilong ol kendidet i win long kamapim gavman.

Taim palamen i op long mun Julai las yia, olgeta memba i bin winim ileksen i kam sindaun long makim Spika na bihain makim Prais Minista.

Olsem na memba bilong Usino Bundi na nau Minista bilong Leba na Emploimen Peter Yama i makim rijinol memba bilong Nesenel Kapitot Distrik (NCD) Bill Skate long kamap Spika na rijinol memba bilong Milen Be provins Tim Neville i makim memba bilong Henganofi Dokta Banare Bun long sia bilong Spika. Taim ol memba i vot Bill Skate i winim sia bilong Spika na em i go antap sindaun long sia bilong Spika long ranim palamen.

Long ileksen bilong Prais Minista memba bilong Lae na namba tu lida bilong Nesenel Alaiens Pati Bart Philemon i makim Sir Michael Somare long kamap Prais Minista. Tim Neville i seken na i nogat narapela kendidet moa long sia bilong Prais Minista. Olsem na Spika i askim husat i laikim Sir Michael Somare long kamap Prais Minista orait ol i mas wokabaut i go sanap wantaim em long sait. Olgeta memba i wokabaut i go na givim em bikpela namba tru long kamap Prais Minista. Ol memba bilong olupela gavman em ol Pipels Demokretik Muvmen (PDM) i no bin stap long floa bilong pala-

men long vot wantaim tripela memba bilong Pangu pati.

Somare olsem lida bilong Nesenel Alaiens i go pas long gavman wantaim ol pati olsem Pipels Progres Pati (PPP), Pipels Nesenel Kongres (PNC), Pangu pati wantaim tripela memba na ol arapela liklik pati olsem, Pipels Eksen Pati, Pipels Leba Pati, Kristen Demokretik Pati, Pipels First Pati na arapela moa.

Dispela gavman bilong Somare i gat planti nupela na ol yangpela lida we Somare i sanapim ol long holim ol wok na em i sanapim 4-pela lapun tasol olsem ol pos bilong haus long strongim ol dispela yangpela lida long ranim gavman na kantri. Ol dispela pos em Sir Moi Avei Minista bilong Ges na Petroleum, Sir Rabbe Namaliu Minista bilong Foren Afeas, Andrew Baing Minista bilong Fiseris na em yet olsem Minista i go pas long ol bisnis bilong kantri. Olgeta arapela wok em ol yangpela tasol i ranim.

Papua Niugini nau bai go insait long 28 krismas bilong independens bilong em we Sir Michael Somare yet i bin go pas longkamapim long Septemba 16, 1975. Nau 28 krismas bihain em i kamap Prais Minista gen.

Sir Michael i bin tokaut long las wik Sarere olsem em i bin kisim independens i kam long PNG long 1975. Tasol em ino klia yet long wanem rot na senis bai PNG i mas go long en tude bihain long 28 yia. Dispela save na rot i stap long han bilong yumi ol yangpela bilong PNG tude long luksave long dispela rot na na yusim save bilong yumi long kisim kantri i go het bihainim.

Dispela i tru we Somare i givim wok i go long han bilong ol yangpela lida long go pas long karim hevi na ranim wok bilong kantri.


Somare i tokaut long las wik olsem taim Gavman bilong em i bin kamap long na ronim siip bilong PNG, sip i bin ron long bikpela tait solwara we bikpela win na strongpela klaut i tromoi sip i go i kam. Tasol sip i bin ron gut na abrusim ol dispela birua bilong bikpela solwara bikos sip i gat ol yangpela wokman bilong sip na tu sampela olupela saveman bilong ronim sip olsem

na sip i ron gut. Olsem na em i bilip bai Gavman bilong em i ronim gut kantri wantaim ol nupela plen na rot ol i gat bihain long 5-pela yia.

Olsem na ol i mas stap yet long gavman long mekim kamap ol dispela tingting na rot em i laik kisim sip bilong Papua Niugini i go long en.



• Prais Minista Sir Michael Somare i sindaun harim sampela tok amamas bilong ol arapela gest long bung bilong em. Foto: JOE IVAHARIA



Tolukuma Gold Mine i laik tok

Amamas long SOMARE na MARAT Gavman long winim 12-pela mun long opis.

Tolukuma Gold Mines Limited

(A member of the Durban Roodepoort Deep Group - www.durbans.com)

PO Box 5043

Boroko

Papua New Guinea

Mine site

Tel: (675) 329 9277

Fax: (675) 329 9262

Port Moresby Office

Tel. (675) 311 2899

Fax: (675) 311 2806

Mauspas pani man bilong Inglan bai kam long PNG

WANPELA biknem 'mime' o mauspas man bilong mekim fani bilong Inglan bai kam raun long PNG na mekim ol so long Lae, Wewak na Pot Mosbi long dispela mun.

Nem bilong dispela man em Mimbo, na em i save mekim ol kain kain ekt na danis long mekim ol man i lap.

Mimbo em wanpela man husat i save penim pes bilong em olsem wanpela pani man o klaun na em i save werim ol waitpela han glav. Em i save werim wanpela blakpela jaket na trausis na karim wanpela liklik braunpela sutkes.

Dispela man Mimbo em i

wanpela biknem pani man long Inglan.

Planti manmeri long Inglan i save long em bikos em i save mekim ol dispela pani so bilong em long ol bikipela bung bilong ol manmeri.

Em i save mekim ol pani, tasol em i no save toktok.

Mimbo i mekim sampela so bilong em blong Kwin bilong Inglan na em i save mekim so long ol narapela roiyal famili long ol arapela kantri tu.

Mimbo bai kamap long PNG long dispela wik na namba wan so bilong em bai kamap long Lae Yacht Klab na Lae Golf Klab long tumora, Fraide, Septemba 5. Long

Sande moning, em bai stap long Wewak na em bai mekim so bilong em long Wewak taun na long St Mary's Komyuniti Skul. Long neks wik Trinde em bai gat

wanpela so long Sports Inn long Pot Mosbi na long Fonde neks wik, em bai mekim so bilong em long Crowne Plaza long Pot Mosbi.

Sande nait muvi long EMTV



• Kevin Costner em i ekt olsem man i go pas long ol nius ripot bilong Presiden Kennedy. Long dispela taim, Kennedy em i bin nupela presiden. Dispela hevi em namba wan hevi bilong em long stretim, na Kevin Costner i ekt olsem poroman tru tru bilong em husat bai helpim em long abrusim wol woa.

LONG 1962 long Amerika, John F. Kennedy i bin nupela presiden. Fidel Castro, wanpela paitman bilong ol pipel i bin statim liklik woa bilong em wantaim gavman bilong ples Cuba. Long dispela taim tu, ol Rasia i bin save salim ol kain kain bom na gan i go long Cuba.

Dispela muvi em long dispela taim we Rasia i bin salim ol bikipela bom i go long Cuba. Presiden Kennedy i bin kisim bikipela taim long painim rot long stapim dispela samting. Klostu tru ol Amerika na Rasia i bin pait.

Em wanpela gutpela muvi we i soim wanem kain samting i save kamap insait long gavman bilong Amerika na Rasia taim ol i laik statim woa.

Lukim long EMTV long 8.30 long Sande nait.

NATIONAL WEEKLY HIT PARADE

Ogas 30, 2003
Sponsa: Twisties

Song	Artist	Last Week	This Week
Goi Kiri	Augustine Emil	1	1
Iarowari Flower	Banex	2	2
1962	Bahakis Slabs	6	3
Casino Mama	Banex	9	4
Toku Tiare	Sharzy	3	5
Mangi Bahaki	Bahakis Slabs	4	6
Analaiso	Leosi Fehoko	14	7
Ailan	Hausboi	8	8
Pacific	Sam Sam	15	9
Malapex	Innocent Crew	5	10
Kemoroi	Crew 5	7	11
Aringe	Mandix	20	12
Sobo	Gou Gaoma	18	13
Binule	Kool Roots	0	14
Niugini Stylee	Hausboi	0	15
Awara	Shydeez	11	16
Way Of Life	Kroz Bridz	19	17
Kis Kis	Lawrence Martin	17	18
Bangsik c6	Bangsik Band	0	19
Larex	Irapen Band	0	20

The Weekly Hit Parade is provided by PNG FM.



EM TV

Fonde	04/09/2003	9.30	EMTV CLASSIFIEDS
5.30	JOYCE MEYER MINISTRY	10.20	GRADE 7 SCIENCE
6.00	US OPEN TENNIS	11.10	GRADE 7 SOCIAL SCIENCE
7.00	TODAY SHOW	11.50	EMTV CLASSIFIEDS
9.00	CREFLO DOLLAR	12.00	GRADE 11 MATH A
10.20	GRADE 7 SCIENCE	12.40	GRADE 11 GEOGRAPHY
11.10	GRADE 7 SOCIAL SCIENCE	1.30	EMTV CLASSIFIEDS
11.50	EMTV CLASSIFIEDS	2.30	SESAME STREET
12.00	GRADE 11 MATH A	3.30	BEEBLE JUICE
12.40	GRADE 11 GEOGRAPHY	4.00	WONDER WORLD
1.30	EMTV CLASSIFIEDS	4.30	[HOT] SOURCE
2.30	SESAME STREET	4.57	EMTV TOKSAVE
3.30	FLINSTONES	5.00	BURGO'S CATCH PHRASE
4.00	BUSH BEAT	5.29	NEWSBREAK
4.30	HOT SOURCE	5.30	HAPPY DAYS
4.47	EMTV TOKSAVE	6.00	NATIONAL EMTV NEWS
5.00	BURGO'S CATCH PHRASE	6.30	A CURRENT AFFAIR
5.30	HAPPY DAYS	6.59	NEWS UPDATE
6.00	NATIONAL EMTV NEWS	7.00	LOTTO DRAW
6.30	A CURRENT AFFAIR	7.01	PRATISE
6.59	NEWS UPDATE IN TOK PISH	8.00	INSAIT PNG
7.00	LOTTO DRAW	8.35	SOUL CITY
7.01	CHM SUPERSOUND	8.57	EMTV TOKSAVE
8.00	SPORTS SCENE	9.00	WHO WANTS TO BE A MILLIONAIRE
8.30	NRL FOOTY SHOW	10.00	RPA
11.00	AFL FOOTY SHOW	10.30	EMTV NEWS REPLAY
12.30	EMTV CLASSIFIEDS	11.00	CHM SUPERSOUND
		12.00	NIGHTLINE
		12.30	EMTV CLASSIFIEDS

Fraide	05/09/2003	Tunde	09/09/2003
5.30	JOYCE MEYER MINISTRY	5.30	JOYCE MEYER MINISTRY
6.00	US OPEN TENNIS	6.00	NINE'S EARLY NEWS
7.00	TODAY SHOW	7.00	TODAY SHOW
9.00	CREFLO DOLLAR	9.00	CREFLO DOLLAR
9.30	EMTV CLASSIFIEDS	9.30	***EMTV CLASSIFIEDS***
10.20	GRADE 7 SCIENCE	10.20	GRADE 7 SCIENCE
11.10	GRADE 7 SOCIAL SCIENCE	11.10	GRADE 7 SOCIAL SCIENCE
11.50	EMTV CLASSIFIEDS	11.50	***EMTV CLASSIFIEDS***
12.00	GRADE 11 MATH A	12.00	GRADE 11 MATH A
12.40	GRADE 11 GEOGRAPHY	12.40	GRADE 11 GEOGRAPHY
1.30	EMTV CLASSIFIEDS	1.30	***EMTV CLASSIFIEDS***
2.30	SESAME STREET	2.30	SESAME STREET
3.30	FLINSTONES	3.30	BEEBLE JUICE
4.00	WONDER WORLD	4.00	GOOD SPORTS
4.30	HOT SOURCE	4.30	[HOT] SOURCE
4.57	EMTV TOKSAVE	4.47	EMTV TOKSAVE
5.00	BURGO'S CATCH PHRASE	5.00	BURGO'S CATCHPHRASE
5.29	NEWSBREAK	5.29	NEWSBREAK
5.30	HAPPY DAYS	5.30	HAPPY DAYS
6.00	NATIONAL EMTV NEWS	6.00	NATIONAL EMTV NEWS
6.30	A CURRENT AFFAIR	6.30	A CURRENT AFFAIRS
7.01	EMTV TOKSAVE	6.59	NEWS UPDATE
7.05	DIY RESCUE	7.00	LOTTO DRAW
8.00	TOK PKSA	7.00	HAUS AND HOME
8.30	FRIDAY NIGHT FOOTBALL Broncos vs St George Illawarra Dragons	8.00	REPORT
		8.27	EMTV TOKSAVE
		8.30	SPECIAL EVENT: JOE LEAHY'S NEIGHBOURS
11.00	AFL 1st Qualifying Final	10.30	EMTV NEWS REPLAY
2.00	US OPEN TENNIS Women's Semi Final	11.00	BABYLON 5
		12.00	NIGHTLINE
		12.30	EMTV CLASSIFIEDS

Sarere	06/09/2003	Trinde	10/09/2003
8.00	PLANET FANTA	5.30	JOYCE MEYER MINISTRY
9.30	PINKY AND THE BRAIN	6.00	NINE'S EARLY MORNING NEWS
10.00	THE OUTRIDERS	7.00	TODAY SHOW
10.30	CHALLENGER	9.00	CREFLO DOLLAR
11.00	BURKE'S BACKYARD	9.30	EMTV CLASSIFIED
12.30	EMTV SPORTS	10.20	GRADE 7 SCIENCE
2.00	SATURDAY AFL Qualifying Final	11.10	GRADE 7 SOCIAL SCIENCE
5.00	ESCAPE WITH E.T.	11.50	***EMTV CLASSIFIEDS***
5.30	FISHING NORTH AUSTRALIA	12.00	GRADE 11 MATH A
6.00	NATIONAL EMTV NEWS	12.40	GRADE 11 GEOGRAPHY
6.30	CITY HALL	1.30	***EMTV CLASSIFIEDS***
7.00	AFL 3rd Qualifying Final	2.30	SESAME STREET
11.30	EMTV NEWS REPLAY	3.30	FLINSTONES
12.00	HERCULES: THE LEGENDARY JOURNEYS	4.00	WONDER WORLD
1.00	TULAIT	4.30	[HOT] SOURCE
2.00	US OPEN TENNIS: Men's Semi Final	4.47	EMTV TOKSAVE
		5.00	BURGO'S CATCH PHRASE
		5.29	NEWSBREAK
		6.00	NATIONAL EMTV NEWS
		6.30	A CURRENT AFFAIR
		6.59	NEWS UPDATE IN TOK PISH
		7.00	LOTTO DRAW
		7.01	PRATISE
		8.00	INSAIT PNG
		8.35	SOUL CITY
		8.57	EMTV TOKSAVE
		9.00	WHO WANTS TO BE A MILLIONAIRE
		10.00	RPA
		10.30	EMTV NEWS REPLAY
		11.00	CHM SUPERSOUND
		12.00	NIGHTLINE
		12.30	EMTV CLASSIFIEDS

Mande	08/09/2003
5.30	JOYCE MEYER MINISTRY
6.00	US OPEN TENNIS
7.00	TODAY SHOW
9.00	CREFLO DOLLAR

Ol Deejay bilong Australia soim stail bilong ol long Mosbi

Neville Choi i raitim

NAMEL long planti yangpela manmeri insait long PNG, musik em i wanpela samting we ol i save laikim tru.

Musik bilong yumi ol PNG yet em i bikipela tru bikos we bilong raitim musik na putim ol kainkain pairap i go long en, na bungim musik bilong ol tambuna bilong mipela i mekim PNG musik i kamap stret nau.

Tasol PNG i stap klostu long Australia, na mipela i save kisim ol kain kain musik bilong ovasis tu.

Planti yangpela bilong tude i save laikim tru ol musik bilong ovasis.

Ol redio stesin na TV tu i save soim ol musik bilong kain kain kantri long wol.

Long las wiken, 4-pela stail mangi husat i stap long Australia i soim stail bilong musik bilong ol long Mosbi siti.

Ol dispela mangi em ol DJ (deejay) o ol lain bilong pilaim musik bilong ol man long danis. Long ovasis, ol i save pilaim musik long ol rekod na ol i save mekim kain kain stail long sigarapim na pusim ol dispela rekod long kamapim nupela kain musik.

Dispela kain deejay musik i bin kamap long Amerika taim 'rap' musik i bin stat.

Ol yangpela i save kisim ol rekod wantaim ol singsing na ol i save sigarapim long mekim nupela kain musik.

Nau planti yangpela long PNG tu i save laikim dispela musik. Long Fraide na Sarere nait long las wiken, ol dispela 4-pela stail mangi i pairap long Junction nait klab long Mosbi.

Long Fonde long las wik, ol i bin go pilai long Lae siti long Planet Rock. Bihain long ol i pairapim long hap, ol i kam long Mosbi na pilai long Fraide na Sarere.

Long Fraide, Junction Nait Klab i bin pulap stret long ol manmeri i laik go lukim dispela kain stail musik bilong ol DJ.





TOK PILAI WANTAIM KANAGE OLGETA WIK

Kanage em bilong Madang na em i go i stap long Lae siti wantaim kandre bilong em. Wapela taim Kanage i go bungim ol strit mangi bilong siti na ol i go spak long wapela klab.

Ino long taim Kanage em i spak nogut tru na em i tokim ol poro bilong em, ino bia spakim mi, mi spakim bia. Na ol poro bilong em harim dispela tok na ol i longlong na askim ol yet, hau na man ya spakim bia?

Nau wapela bilong ol kirap na askim Kanage, hei poro, hau na yu tok olsem ino bia spakim mi, mi spakim bia?

Kanage belhat tasol em. i kirap na bekim, mine your own business, beer make what to you is yours, mine is mine.

**Bahuai Soroi
Barum viles, Madang**

Kanage em mangi nogut stret long Dagua, Is Sepik provins na em marit long as ples yet Dagua. Em wantaim lewa meri bilong em tupela i gat wapela pikinini boi.

Wapela nait nau na Kanage i laik laitim lam bilong em na lewa meri bai kuk long tupela. Lewa meri i bisi long kuk na Kanage i putim pikinini long lek na em bisi long kapsaitim kerosin long lam bilong em.

Na pikinini tu i mekim save long krai long mama bilong em na Kanage i singaut long meri lewa olsem, kam kisim pikinini na mi laik pamim lam pastaim.

Tasol pikinini i krai strong tumas na mama i harim Kanage i singaut. Kanage i belhat nogut tru na pikinini tu i mekim save long krai strong na mekim Kanage i paul olgeta.

Em i singaut long meri lewa olsem, ai yu kam kisim lam na mi pamim pikinini pastaim. Yu save planti nois na бага laik tok pamim lam na maus i abrus.

**Willie Kotai
Wawen, ESP**

Kanage em bilong KRS. Wapela Sande em bin go pilai basketbol long Kainz. Dispela taim planti man na meri bin putap long pilai basketbol.

Kanage kisim filings nating taim em lukim planti manmeri bikos em tingim olsem em wapela top basketbol pilai na ol manmeri bai lukim hau em bai pilai.

Na Kanage puim bet na ol laik pilai. Kanage em bin werim wapela ova sais spot wea. Man na meri miiks na ol pilai. Taim ol meri holim liklik skin bilong Kanage em kisim traipela mama filings na tu ol manmeri i wok long sapotim em.

Nau pren bilong Kanage baunsim bal go na Kanage bihainim em.

Taim em tromoi bal long skoa Kanage laik kisim ribauns na em giaman tasol na abrusim Kanage na em kam daun long tupela lek bilong Kanage.

Meri ya laik kisim bal ya abrusim bal na em holim tupela kiau bilong Kanage.

Kanage singaut na ol manmeri lukim na ol dai long lap long Kanage.

**Meacheanzie Ebori
Margarima, SHP**

Kanage em man Faiwol na poro bilong em man Tari. Wapela taim tupela istap long wara Kumabung, na tupela i gat wapela liklik kakaruk haus.

Tupela i stap arere long rot igo long Tabubil na Kiunga. Tupela sindaun istap na san kukim tupela wansait stret. Na tupela rausim siot na wokabaut igo waswas long wara Kumabung.

Tupela laik waswas ya nogat, ol meri Oksie i waswas istap. Isi tasol tupela igo long bus na lukluk stil istap.

Na yu save pinis Kanage wantaim poro bilong en tupela lukim ol meri Oksie na nek drai pinis. Na tupela go stret na askim laik stret na ol meri Oksie bekim tok olsem, mipela bilong ol wokman tasol.

Kanage kirap bekim gen olsem, mi na poro bilong mi i laik borowim long sait tasol. Ol meri i tok nogut long tupela na tupela i tekov igo bek long liklik haus kakaruk bilong tupela.

**Mathias Owen
Tabubil, WP**

Lapun Kanage em bilong Buang na em wapela ples man na em wapela spak man stret. Kanage tu ino save tok pisin em man bilong givim tok ples tasol.

Wapela taim nau tingting i kisim em stret long dring long nek ais bia. Lapun Kanage igo insait long wapela botol shop na stuakipa meri kirap na askim em olsem, papa ya laikim wanem kain dring? Kanage kirap na na laik tok mi laik baim long nek ais bia ya tasol maus i popaia olgeta na tok mi laik baimim long long nek ais bia.

**Peter Kalem
Pot Mosbi, NCD**

Kanage em eksen manki bilong Madang na em i save sanap sekyuriti long Papindo long Madang taun. Em i save slip long ples na i go i kam long wapela ros ka.

Wapela bik moning tru Kanage igo sanap long dua bilong Papindo na sekim poket na bilum bilong ol kastoma.

Ino long taim wapela yangpela meri bilong Karkar i tromoim bilum long sait na wokabaut i kam stret long dua, we Kanage i sanap long en. Kanage tromoi ai tasol lukim tupela susu sanap na em ting meri ya i stilim tupela Ox & Palm mit na haitim long klos bilong em.

Kwikitaim Kanage tromoim han tasol holim pas dispela meri na wapela han em i holim tupela susu bilong meri ya.

Meri ya em singaut igo long ol manmeri.

Kanage isi tasol lusim han bilong em i go daun na sanap longlong istap na wetim bos long kam lukim em.

**Bahuai Soroi
Barum viles, Madang**

Kanage em bilong Motlok Ailan na em marit long Tinputz na em i gat 11 pikinini na em i save wok olsem draiva bilong bikpela trak.

Wapela taim em i go long Tearouki long bringim ol kako bilong wapela waitman. Bringim pinis na em i wok long kambek na long rot em i kisim sampela meri long rot.

Ol i kalap pinis na paps i askim ol, bai yupela i go daun we?

Olgeta yangpela pasim maus na wapela lapun meri i kirap tokim Kanage olsem, bai yu daunim mipela long rot i bruk (Broken road).

**Titus Varimes
Tinputz, Bogenvil**

Kanage i harim olsem na simuk i kam aut long tupela iau bilong em na spitim kar i kam long Rot i bruk.

Kanage em mangi Wawen yet. Kanage em mangi bilong dring mailo stret. Olgeta taim em save wokim mailo em save putim 4-pela spun suga na 5-pela spun mailo.

Wapela taim boi igo raun long Hagen siti na em go lukim ples bilong wokim ol lipti. Kanage ting olsem lipti mas wankain olsem mailo.

Na wapela wokmeri i lukim Kanage em longpela man stret na em save olsem em mangi nambis stret.

Na wok meri i askim Kanage olsem, ai Wawen yu orait o? Na Kanage i bekim olsem, Apaso mi orait. Tasol mi laik traim hap lipti bilong Hagen i swit olsem mailo o nogat.

Na meri Apaso i givim wapela boks lipti long Kanage. Sori tru meri lewa ino stori gut long Kanage long wok bilong lipti. Kanage wokim ti long nait na boi kirap putim 4-pela spun suga na 5-pela spun lipti.

Boi i ting mailo na dringim olgeta i go daun long bel.

Kirap nogut boi i no pispis long neks moning na bel i kuk wantaim na em ron long haus sik.

**Willie Kotai
Wawen, ESP**

Kanage spak na go raun long Gordons maket long painim malio bilong baim na go kuk na kaikai.

Kanage igo insait na go stret long hap ol save salim pis na malio.

Kanage igo insait na lukim wapela yangpela meri Kerema i salim ol malio istap. Kanage kirap na baim wapela pinis na yangpela meri Kerema ya lukluk strong long Kanage.

Kanage tu spak nogut stret ya olsem na em kirap na tok isi long meri Kerema olsem, mi man bilong kaikai malio stret ya sapos yu tu malio bai mi kaikai yu tu ya tasol ol manmeri maket yet ya.

**Peter Kalem
Pot Mosbi, NCD**

KANAGE



**MI
RAUN TASOL!
YU SAVE,
KAIN BILONG
EM!!**

**NOKEN LUS TINGTING
SALIM OL PANI STORI I KAM LONG
KANAGE EM STORI PES BILONG YUMI
OLGETA YAH!!**

KANAGE SPAK WANTAIM OL MERI LONG PRES-KLAB..



INO LONGTAIM FOTOGRAFER BILONG POS KORIA I KAM NA LAIK KISIM POTO BILONG OL...



NAU KANAGE OLIMPASIM OL MERI NA KAMERAMAN KISIM POTO...



NEKSEDE MERI BILONG KA- NAGE BAIM NIUSPEPA NA LUKIM POTO BILONG KANA- GE...



KANAGE KISIM BAGARAP LONG LONG HAUS...





Nem: Lawrence Lilimat
 Provins: Niu Ailan
 Krismas: 30 (man)
 Adres: C/- P.O. Box 184, Port Moresby, NCD
 Save laikim: Ridim buk, raitim leta na lukluk raun long ol ples.

Nem: George Cooper Kingston
 Provins: Morobe
 Krismas: 25 (man)
 Adres: C/- P.O. Box 184, Port Moresby, NCD
 Save laikim: Ridim buk, raitim leta, lukim TV, mitim nupela ol pren na harim musik.

Nem: Johnson Marum
 Provins: ENBP
 Krismas: 29 (man)
 Adres: C/- P.O. Box 184, Port Moresby, NCD
 Save laikim: Ridim buk, raitim leta, raun wantaim ol pren na pilai ragbi lig

Nem: Frank William Scot
 Provins: ENBP / Milne Bay
 Krismas: 26 (man)
 Adres: C/- P.O. Box 184, Port Moresby, NCD
 Save laikim: Ridim buk, raitim pas, raun wantaim ol pren na lukluk long ol ples, harim rok musik na lukim TV

Nem: Dessie Amur
 Krismas: 32 (meri)
 Adres: PO Box 2088, Rabaul, ENBP
 Save laikim: Harim gospel musik, ritim buk, pilai volibol na kuk na tu mi save laik raitim ol pas.

Nem: Juliet Davidson
 Krismas: 25 (meri)
 Adres: PO Box 1027, Top Road, Oggua city, Ghana, West Africa
 Save laikim: Ridim leta, serim ol samting na raun long nambis

Nem: Lamech T. Zake
 krismas: 24 (man)
 Adres: C/- Siki Primary School, PO Box 214, Finschafen, Morobe Province
 Save laikim: Harim musik, pilai soka, lukim narapela ples, bungim ol frens. Bai mi hamamas tasol long bekim ol pas em mi kisim.

Nem: Desmond T. Steven
 Krismas: 20 (man)
 Adres: PO Box 1779, Mt Hagen, WHP
 Save laikim: Go lotu, ridim buk, lukim TV na waswas long wara.

Nem: Taylor N. Bingending
 Krismas: 23 (man)
 Adres: Maintenance & Construction P/L, PO Box 580, Kavieng, New Ireland Province
 Save laikim: Penpren wantaim arapela provins, raitim pas long Wantok na National long autim wari na tingting, save wok, joinim yut long mekim ol samting bilong sios na stap isi.

Pikinini man i kamap wanpis

Wanpela man i gat tupela meri. Ol i stap long bus na ol i planim kaukau na suka na ol kain kaikai na ol i stap gut long dispela hap bus. Dispela hap bus, ol i kolim Tutos, ol i stap long dispela ples.

Wanpela taim man i harim long narapela ples ol i kolim Tabires. Long dispela ples ol i kilim pik na man i stap long Tutos, em i laik i go kaikai pik long Tabires. Na em i brukim paiawut na i putim long haus.

Na tupela meri wantaim i gat bel na man i tokim 2-pela olsem, yutupela i karim pikinini meri, orait em bilong mi. Yutupela i lukautim gut i stap.

Sapos pikinini man orait, em yutupela i kilim na tromoi igo long hul. Em mi ino laikim. Man i tok olsem na em igo kaikai pik long Taires.

Na tupela meri istap long haus na wanpela i karim pikinini meri na narapela i karim pikinini man.

Mama bilong pikinini man i tok, susa, mi karim pikinini man na mi bai kilim o mi mekim wanem na mama bilong pikinini meri i tok, nogat.

Dispela pikinini meri em i bilong man bilong mitupela, em bai go marit na em i no inap helpim mitupela long brukim paiawut o wokim samting. Dispela pikinini man tasol bai helpim mipela.

Mama bilong pikinini meri i tok olsem long mama bilong pikinini man.

Orait, em i harim tok bilong susa na em i no kilim pikinini bilong em.

Tupela istap na man i no kam kwik long haus na tupela pikinini i kamap bikpela na tupela i wok-abaut long graun na man i no kam bek long haus na tupela pikinini i kamap bikpela na pikinini em i brukim paiawut na lukautim gut ol, tupela mama na susa tu.

Pikinini meri em i wok long kamautim kaukau na kukim na



givim long brata na tupela mama. Bihain papa i kam na em i kros long pikinini man.

Na mi tokim em pinis na mi go, bilong wanem, yutupela ino harim tok bilong mi?

Em i kros nogut tru. Na em i no givim pik long pikinini boi wantaim mama, em i givim pik long pikinini meri tasol na mama bilong em. Mama bilong meri i lukim susa bilong em i no kaikai pik olsem na em i givim hap long em.

Nau ol i slip tasol long biknait tru long 12 kilok samting, papa i kirap na lukim boi i slip pinis na isi tasol kirapim tupela mama na pikinini meri. Ol i lusim boi ya na ol i go long narapela ples.

Dispela ples ol i kolim Liogtes, ol i go long dispela hap long biknait tru.

Boi i ting ol i slip em i no save olsem na em i slip.

Long moning em i kirap na i lukim ol i no slip long bet bilong ol. Ol i go pinis, em i no save ol i go we tru.

Em i tingting planti na em i krai i stap long haus na san i kam antap 8 kilok samting em i go ausait na i krai istap na wanpela tarangau i sori long em na em i raun igo long graun.

Na tarangau i askim dispela boi, bilong wanem yu krai i stap na boi i tok papa wantaim tupela mama na susa, ol i lusim mi na ol igo long narapela hap mi no save

na mi krai i stap. Orait pisin tarangau i tok yu ino ken krai mi ken helpim yu.

Orait dispela pisin i raun igo long sampela hap na em i kisim wanpela pik mama i gat bel.

Tarangau i kisim na i givim long boi na pik i karim 12-pela pikinini olgeta. Dispela tarangau i helpim boi na em i stap gut long han bilong tarangau.

Tarangau i helpim em na em ino tingting moa long papamama na susa bilong em.

Em tasol.

Nikodimus N. Tsak/Pumakos


Marit Meri paulim tingting bilong mi

Dia Laiplain,

Mi kam wok long siti long sotpela taim. Na nau wanpela marit meri we krismas bilong em i winim bilong mi i wokim sampela samting we mi no laikim.

Mi tok nogat long askim bilong em long kisim mi i go aut long ol sosel pati. Na tu long kisim mi i go long haus bilong em taim man bilong em i no stap.

Mekim i go na mi askim ol bosman long salim mi i go long narapela opis. Bihain long sampela mun em i bungim mi long maket na stat long mekim ol samting we i soim olsem mi man bilong em. Mi wari bikos marit em i wanpela bikpela samting na em i presen bilong God. Mi les long bagarapim marit laip bilong em na man bilong em na tu wantaim famili bilong em. Mi wok long abrusim em tasol mi wok long tingim em long olgeta de na nait. Mi save mekim ol kain kain samting long lusim tingting long en tasol nau mi wok



long ting i mas sampela samting i rong long mi.

Bai mi mekim wanem samting bipo long dispela samting i go bagarap?

MANIPULATED

Dia Pren

Mipela i amamas olsem yu wokim sampela samting long traime abrusim dispela meri. Na mipela i askim yu long go het na mekim wankain samting. Sapos yu lukim em yu mas abrusim em longwe yet. Na noken traime long toktok wantaim em.

Sapos yu pilim olsem yu no inap long wokim dispela samting bikos em i wok long mekim ol kain kain samting na pasin long yu, tokim em olsem em i noken traime long mekim dispela pasin. Tokim em long tingim man na pikinini bilong em. Sapos em i no harim toktok bilong yu tokim em olsem yu bai tokim man bilong em ol samting em i wok long mekim.

Mipela i askim yu long strongim yu yet na wokim disisen. Man bilong em inap wokim sampela samting nogut long yu sapos em i painaut. Mipela i save yu luksave olsem yu ken painim hevi sapos yu givim yu yet i go long em. Long sait bilong tingting bilong yu long en, mipela i save olsem nogat wanpela samting i rong o krangki long yu.

Yu mas luksave olsem yu wanpela man wankain olsem ol narapela we God i wokim long piksa bilong em yet. Yu mas kontrolim ol tingting na laik bilong yu. Noken larim tingting na laik na ol arapela manmeri i kontrolim yu. Sapos yu beten na askim Papa

God long helpim yu em i ken helpim yu.

Yu ken helpim yu yet. Sapos yu trenim yu yet long tingting stret olgeta taim. Baibel i tok: Kisim olgeta tingting na larim ol i bihainim Jisas na pulumapim tingting bilong yu wantaim ol gutpela samting. Lusim tingting long ol samting na pasin i nogut na i no gutpela.

Tanim ol tingting bilong dispela meri na famili bilong em i go long beten. Wankain olsem mipela olgeta, dispela meri i laikim wanpela man long laikim em-laik marit laip bilong em na dispela rilesensip em i gat wantaim God. I tru olsem em i no kisim gutpela amamas na em i laik yusim narapela man long painim amamas long en.

Beten na askim God long givim em ol spiritual helpim em i nidim na em i ken senisim pasin bilong em na bihainim lo bilong God long laikim o lavim arapela, rispektim ol na luksave long gutpela na trupela rilesensip.

Laiplain

TOKSAVE

Salim hevi na wari bilong yu i kam long - LAIPLAIN, P.O. Box 6017, BOROKO, NCD. Yu ken ringim mipela long telipon namba 3260011. Mipela i no inap autim trupela nem bilong yu tasol bai mipela i yusim nem tru na etres bilong yu long salim bekim pas i go long yu.

OL BENKAS na FAINENS GRUP: SAPOTIM WOA LONG KORAPSEN!

Bihain taim bilong Papua Niugini i stap long han bilong yupela. Yupela wanwan i save long rait na rong. Yupela bin kisim hevi long korapsen, o yupela i sapotim korapsen.

NAU em i taim bilong strongim jastis na klinim het.

YU inap long mekim senis.

YU inap long stapim korapsen, tude.

Soim sapot bilong yu long Woa long Korapsen na bung wantaim Komyuniti Kolisin Egens Korapsen.

Komyuniti Kolisin Egens Korapsen em i kisim tok orait na sapot bilong Midia Kaunsol bilong PNG.

Midia em i olsem wasdok bilong yu. Midia em i wanpela 'was dok' i save lukluk long korapsen na stil pasin insait long komyuniti.

Olsem na mipela i no inap long tokaut long husat manmeri i helpim mipela long stapim korapsen. Lo i lukautim wok na pasin bilong ol ripota long PNG i tok klia olsem:

Ol nius ripota i mas haitim nem bilong ol lain long pablik husat i givim helpim o stori long ol aninit long ol agrimen ol i pasim tok long en.

(PNG Midia Kaunsol Jenerel Kod ov Etiks bilong Nius Midia 12c)

Midia long Papua Niugini i wok pinis long bungim sampela nius ripota long mekim wok painimaut bilong helpim ol manmeri bilong PNG.

Long autim toktok bilong yupela ol pablik, mipela i laikim ai na iau bilong yupela.

Mipela i laikim YU long RIPOT long korapsen. Mipela i laikim SAPOT BILONG YU long dispela Wo long Korapsen.

Raitim dispela pepa o fom i stap long dispela pes na salim long pos opis i go long:

**Media Council of Papua New Guinea
P. O. Box 135 Port Moresby.**

Sapot bilong yu bai helpim mipela long stretim gutpela sindaun long bihain taim bilong olgeta manmeri long PNG.

Bung wantaim Komyuniti Kolisin Egens Korapsen na Stapim Korapsen Nau!

Stopim Korapsen Nau!

Kamap memba bilong Komyuniti Kolisin Egens Korapsen Nau!

Plis pulapim dispela fom na salim i go long:
**Media Council of Papua New Guinea
P. O. Box 135, Port Moresby**
Nem bilong yu na olgeta ripot yu givim bai i stap hait.

1. Yu save sapotim dispela Wo long Korapsen?

Yes mi sapotim Nogat mi no sapotim

2. Korapsen i save givim hevi long yu? Sapos i tru, olsem wanem?

Raitim liklik stori long dispela inap long 50 wod.
.....
.....
.....
.....
.....
.....
.....

3. Yu laikim bai ol i stretim hevi bilong yu?

Yes mi laikim. Nogat mi no laikim.



OL BENKAS na FAINENS GRUP

Nem

Telepon

Taun/Viles

Kriskas Man (M) Meri (F)
Adres na bihain bai mipela rait i kam long yu

.....
.....

Woa long Korapsen em wanpela han wok bilong Midia Kaunsol bilong Papua Niugini
- Media Council of Papua New Guinea, P. O. Box 135, Port Moresby
Phone: 320 2979 Fax: 320 2978 Email: mediacouncil@online.net.pg
OLGETA TOKTOK MIPELA I KISIM BAI I STAP HAIT

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

ADALT EDUKESEN

NASU TECHNICAL EDUCATION AND CONSULTANTS

- 1. ENROLMENT OPEN FOR TECHNICAL COURSES**
• Auto Mechanic, Carpentry, Welding, etc...
• Must have completed grade 6, 7, 8, 9, 10 and above
- 2. EMPLOYMENT OR APPRENTISE**
• Must have completed P.E.T.T. Courses, Vocational Training, I.C.S., etc.....
- 3. CASHIER/SALES COURSE FOR LADIES ONLY**
• Must have completed grade 6, 7, 8, 9, 10 or above
- 4. SHORT COMMERCIAL COURSES**
• Stock Taking, Bank Reconciliation, Petty Cash, Management, etc.....
- 5. COACHING OF SCHOOL CHILDREN**
• Grade 5, 6, 7, 8, 9, 10, Code Students etc.....

Entry test opens for 2003.
Telephone: 325 9976/326 3477/310 9376
Location: 4 Mile


BINS VANILLA

BEANS VANILLA PURITAU LTD

Attention: Vanilla Farmers!!

We buy quality vanilla beans @ good prices.
Freight FREE
Tel: 311 2802; Fax: 311 2551
Email: puritau@global.net.pg

ELECTRICAL & ACCESSORIES



Call in and see us For all your electronic needs

- Spare Parts
- Tools
- Equipments
- Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

MINING KAGO

THE GOLD PAN

Liklik Maining Masin bilong Salim
Proline Gol gredge, 2.5", 3", 4", 5" na 6" hal banka comb, Metol detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti got hariap long taim yu wok gol.
I gat ol sevis long helpim yu painim gol long Ples bilong yu.
Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan
POM - Phone/Fax: 323 6052 or fax: 325 2959
Wewak - Phone/Fax: 856 1466

PISIN TANIM TOK



TRANSLATION
WORD PUBLISHING IS OFFERING
TRANSLATION SERVICES,
TRANSLATE ENGLISH TO
TOK PISIN & MOTU

FOR MORE INFORMATION CALL BONNER HUI ON
PHONE 325 2500 OR FAX 325 2579.
email: wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu.
Kam na salim gol bilong yu stret long opis bilong MRO.
MRO istap long Seksen 451, Alotment 2, Kuila Estate, Kameron rot, Waigani
P.O. Box 3980, Boroko, NCD
Papua Niugini

Phone: 325 2647 or Fax: 325 2959

LITERESI

Nesanel YWCA

i sponsorim wanpela kompetisen bilong ol man na meri husait i winim 18-pela krismas long rait. Dispela em long makim dei bilong Nesanel Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas stak long literesi skul o greduet pinis long kain skul.

TOPIK: Wai na em i impotent long mi long save long rid, toktok na rait long inglis? Longpela bilong stori em 1-3 peges. Yu ken rait long tokples, tok pisin o motu.

Sapos yu rait long tokples, givim long pasto, kaunsol o inglis tisa bilong yu long tanim igo long motu, tokpisin o inglis bai ol jas iken ridim. Dispela man o meri mas sain long soim olsem ol i tanim tokples.

Dispela kompetisen bai pas long 17th Ogas long dispela yia.

MENESMEN SEVISES



MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications
(Reminders automatically remitted)

Contact: Helen, Liz,
Telephone: 321 5491 / 321 5492
Facsimile: 321 5493
Email: manpower@daltron.com.pg



ISLANDS HR MANAGEMENT SERVICES LTD

A bridge to your future career
Specialise in the following activities
• HR Management
• Business development
• Rural / NGO Funded projects
• Training & Localisation
• Recruitment & Labour Hire
• Passport & Work Permits
• Secretarial Service

We are located at
Suit 8 Level 1 Garden City, Angau Drive, Boroko

Email: islandshrmc@datec.net.pg
PO Box 889, Boroko, NCD
Ph: 323 4955; Fax: 323 4799

MARASIN PRODAKS

BIO-NORMALIZER

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraceutical product is totally safe and use by various age group including pregnant mothers, new born babies, etc...

For more information
Phone/Fax: 323 1712

Our Office:
Champion Parade -Town
Garden City Ground Floor

PLAWA GADEN



COUNTRY CLUB

GEREHU WAIGANI BOROKO

• Plants for Sale
• Hire Plants
• Garden
• Maintenance
• Plastic Pots
• Manure

Ph/Fax: 325 5049

PRINTING



For all your Printing Requirements call

THE PRINTING HAUS
P.O. Box 6396 BOROKO, NCD
Ph: 325 2415, Fax: 325 4743
OR

Come in and see us we are located along the Poreporena Freeway opposite SP Brewery, Gordons.

SKIN PROBLEM

SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call Sr Viviene on 323 6700 or fax 323 0009 for enquiries and appointment.

If you have no excess to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

SEKANHAN KLOS

FRIENDTEX LTD WHOLESALE
P.O. Box 5049, BOROKO, NCD
Ph: 323 1471 Fax: 323 1479

NEW ARRIVALS and stocks in hand

Jeans, Skirt Pants, Floopy, Hennaed Shorts, Blue Jeans, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown bales Mix 200kg

Come and see what we've got in our wholesale

Location: Kenmore Trade Centre Unit 11, next to Amotts Biscuit Factory, off Cameron Road, Gordons, NC.D

TREID NA EKSPOT

FAIRFAX EXPORTS LIMITED
LICENSED CROCODILE SKIN TRADERS AND EXPORTERS

We Buy Crocodile Skins
MON - SAT

BURNS HOUSE
STANLEY ESPLANADE
PORT MORESBY

Tel: 321 4755
Fax: 321 4751

X-RAY

PORT MORESBY IMAGING LTD

X-Ray Ultrasound Scanning
For Employment/Visa/School
Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road
Phone: + (675) 325 1140
Fax: + (675) 325 9740

Email: atanu@online.net.pg



WANTOK KLASIFAIID

SAPOS YU LAIK ADVATAIS O SAVE MOA LONG KLASIFAIID PES BILONG MIPELA. RINGIM BONNER HUI LONG 325 2500 O FEKS LONG 325 2579. EMAIL ADRES EM wordadvertising@global.net.pg

FRI PRAIVET KLASIFAIID

Vanilla Cuttings for Sale

Sepik Vanilla Cuttings for sale for Port Moresby city and Central Province people only. 1 metre @ K10.00 or K5.00 per metre. See John Kriosaki at Kobo Place, Korobosea now to buy some while stocks last for the next 2 weeks. A short demonstration for planting the Vanilla vine will be displayed or fax Kriosaki on 856 1596 or 856 2626 Wewak for more information.

Mi painim wanpela penpren man. Yia bilong em mas 22 na i no abrusim 26. Em mas wok o stap long koles na mas single. Mi gat 23 krismas na mi wok wantaim Helt. Mi save laik ridim: niuspepa, sewing, cooking, music, travelling, exchange gift na picnic. Adres: Jill Wane (Ms), P.O. Box 1383, Wewak, ESP

Mi wanpela sumatin bilong Institute of Professional Studies. Mi gat 18 pela krismas. Nem bilong mi em, Suansie. Private adres bilong em: Suansie, P.O. Box 795, Madang, Madang Province. Hobbies bilong mi em: Go long lotu, raitim leta long ol pren, go skul, harim musik na planti moa

Nem bilong mi em Mendo Ampe na mi gat 25 krismas. Adres bilong mi: Gitukea Community School, PO Box 232, Finschafen, Morobe Province. Hobbies: Harim musik, paitim gita, ridim buk na rait long penpal

I seek a penpal who is a female at the age of 12-17 years old. Someone interested must be from anywhere in PNG or Solomon Islands.

I am a 17 year old grade 11 student, from Southern Highlands province. My hobbies are reading books, watching TV, playing basketball, listening to music and cracking jokes with friends. My address is: Howard Parila, Tari Secondary School, PO Box 18, Tari, Southern Highlands province

Nem bilong mi Anthony Joel (man). Krismas bilong mi em 17. Mi painim penpren meri o man long krismas bilong ol em 16 igo long 18. Adres bilong mi em: PO Box 1022, Madang. Hobbies em go lotu, pilai gita, laikim ol arapela brata na susa na serim presen

I am David Benbon, age 19 years old single male. I come from West Papua/Irian Jaya. I can speak pidgin, motu, English, Bahasa Indonesia and Malaysia. I seek a female penpal of the age of 19 to 25 and she must be working and also a christian. My hobbies: reading books, cracking jokes, play soccer, meet new friends, play guitar, go to

church and listen to Pacific music. Any one interested, reat to me by this address: David Benbon, C/ - David Inimo, Ruatoka Primary School, PO Box 62, Kwikila, Rigo District, Central Province

My name is Jerry Kipoi and I am 19 years of age. I am a first (1st) year Economic student at the University of Papua New Guinea. I am seeking a female partner between the age of 17 and 25. She must be a student or a working person. My hobbies are: Motor cycling, visiting new places and watching TV. Write to: Jerry Kipoi, Student Services, PO Box 320, University, NCD

Painim Ankol

Mi painim ankol bilong mi. Nem bilong dispela ankol em Mista John Sima. Em i save istap long sampela hap ailen bilong Kimbe, WNB. Yu husait isave long dispela man plis raitim pas i kam long SAION SIMON SIMA, C/- Enoch Atome, PO Box 1508, LAE, Morobe Province

Laik baim laptop computer

I am a student at the UPNG. I desperately need a laptop computer. If yours is on sale or if you know of someone selling it, please I really need it. Would you please let me know of it. My address is: C/- Student Services, PO Box 320, University of PNG. My name is Den Joe, a humble Morobeian

Painim pren

Nem bilong mi em SAIPOL KELA. Adres: PO Box 516, Tabubil, Western Province. Mi painim wanpela penpren husat i gat 20-25 krismas. Mi save laik pilai basketbol, lukim TV, pilai gita, stori wantaim ol prens. Krismas bilong mi em 27.

Mi painim pren meri bilong prenim na maritim. Krismas bilong mi em 23. Dispela meri i mas lotu meri. Sapos husat laik rait yu ken rait o ringim mi long dispela namba: 856 9004. Rait long PO Box 802, Wewak, ESP. Nem bilong Richard Sauji

I am looking for a matured female, 18 years to 30 years, single or divorce or friendship. Must be a student, nursing staff, medical doctor, business women etc.. from PNG or Pacific Island country, European and Asian region. Write to: Ricky G. Nadu, Price Rite Ltd, PO Box 649, Popondetta, Oro Province, Papua New Guinea

FRI PRAIVET KLASIFAIID

Wantok niuspepa i nau givim nupela sevis long kastomas bilong mipela long fri praivet advataising igo long ol wanwan manmeri. Sapos yu laik salim ol samting, painim pen pren o painim wok? Mipela tu i oraitim ol betde o man indai. Filim in dispela kupon daunbilo. Mak long raitim tok-save em inap long 50 wods tasol.

Salim i kam long : P.O. Box 1982, Boroko N.C.D, PNG o feksim i kam long 325 2579

Yu inap long salim email tu long wordadvertising@global.net.pg

FRI ADVATISMEN KUPON

Subjek.....
 Olgeta toktok i mas stap long kapitol letas tasol.
TEXT.....

KASTOMER INFOMESEN

NEM BILONG YU:.....
 KONTEK FON NAMBA:.....
 KONTEK MAIL ADDRESS:.....
 Eksampl:
 MI PAINIM WANPELA GITA O
 UKELEL SAPOS YU TING
 TING LONG SALIM GITA O
 UKELELE BILONG YU, MI
 TINGTING LONG BAIM
 LONG K100. KONTEK JOE
 BLOW LONG PON 00000.



TANIM TOK

WANTOK NIUSPEPA I LAIK GIVIM SEVIS OLSEM TANIM TOK LONG INGLIS I GO TOK PISIN NA MOTU SAPOS YU LAIK MOA SAVE RINGIM BONNER HUI LONG PHONE 325 2500 OR FAX 325 2579.

INTEREST RATE STATISTICS PROVIDED BY THE BANK OF PAPUA NEW GUINEA

**BUSINESS
INDEPENDENT
MONEY
MARKET**

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative				
Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application.
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 03/09/2003


Maturity	Weighted average yield of successful bids (%)	Bids received (Kina million)	Successful bids (Kina million)
28 days	19.02	140.30	130.63
63 days	19.46	45.88	43.28
91 days	19.86	44.32	43.87
182 days	19.99	39.19	39.19

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (%)	Holdings (Kina)
S242003	1 March 2003	8.45	9,439,300.00
S252004	1 Jun, 2004	8.60	
19,193,000.00			

For further details & application Telephone: 322 7360 or 322 7271 (1) Tax exempt

WIKEN SPOTS EKSON




• Wiken ekson long soka i kamap moa yet. Tupela tim Telikom na Murray Barracks i pilai long fes divisen gem.



• John Larry bilong Defence i laik brukim banis bilong ol Harlequins insait long gren fainols. Em i no laki tumas na tim bilong em i lus 17 -20.



• Wilfred Henry (14) bilong Harlequins i laik takolim bikipela fowet bilong ol Defence long gren fainols bilong Mosbi Ragbi Yunion.



• Charlie Wabo bilong Souths i no inap long kirap long wanem Leo Segera bilong Waliya tim i holim em olsem pukpuk i holim man.



• Pilaia bilong Tarangau i laik rausim bal egensim Sobau insait long Womens Divisen resis long Pom Soka. Ol meri tu strongim soka gem long siti.



• Brian Tani bilong Blue Kumuls i kalap long stapim bal egensim Tawal. Blue Kumuls win long 10 - 1.

Pait i bagarapim basketbol sempionsip

BIKPELA pait i bin kamap long Eriku basketbol kot long Lae las wiken we Papua Niugini Basketbal Federesen i bin holim Nesenel Basketbal Klap sempionsip bilong ol man na meri we moa long 100 pilaia long ol sempion klap long wanwan senta insait long kantri i bin kamap long pilai.

Dispela sempionsip em i bilong ol sempion tim bilong ol man na meri long ol asosiesen husat i bin winim gren-fainel bilong ol long yia 2001.

Ino bin gat wanpela klap sempionsip long las yia (2002) long wanem Nesenel Eleksen i bin kamap long dispela taim tu.

Ol tim i bin kam long NCD-CBL Chariots (man) na Jazz (meri), Lae-Stars (man) na NS Busu(meri), Hagen-KSS Souths (man), Madang Stars (man), Goroka-Jokers (meri), Kavieng man na meri na Kundiawa-Bad Mix (man) na KS tim bilong ol meri.

Wanpela semi-fainel gem bilong ol man namel long Lae Stars na Hagen KSS Souths i no bin pinis gut long

wanem pait i bin kirap taim ol sapota na pilaia bilong Souths i patim tupela refri na ronim ol pilaia bilong arapela tim tu.

Lae Stars i bin winim gem 34-24 long ful taim tasol Hagen Souths i no bin wanbel long wei tupela refri John Bobola bilong Madang na Danny Smith bilong Lae i bin ronim gem we ol i tok ol refri i bin wansait olsem na pait i kirap. Wanpela eksekutyiv (Seketeri) bilong PNG basketbal Federesen i bin stap long Eriku dispela taim we birua i kamap.

Ol gems i bin stat ken bihain long Plis i bin kam ap we i lukim Lae Stars i winim klap taitel bilong ol man taim ol i autim Kundiawa Bad Mix 50-24 long fainel.

Bad Mix i bin winim CBL Chariots 55-50 long narapela semi-fainel gem long bungim Lae Stars insait long grenfainel. Na long fainel bilong ol meri NS Busu wantaim ol pilaia olsem Martha Bonga, Mary Elavo-Amos, Kepten Yaling Matu, Ronnie Tias na lapu Kaman i go pas long long tim bilong ol long

winim CBL Jazz 27-26 bihain long ren i bin pundaun na basketbal kot i bin wet liklik long mekim ol pilaia i ken soim tru kala long pilai.

Wanpela toksave i kam pinis long BFPNG i tok ol i wetim ol ripot ikam long ol refri na long ol Lae Asosiesen wantaim Seketeri bilong BFPNG Martin Surab we bihain Federesen i ken luksave long wanem kain mekim-save ol bai wokim nau long dispela birua(pait).

Long narapela nius Basketbal tu bai wokim Nesenel Ol Stars sempionsip bilong ol long Lae long Indipendens wiken we bai i lukim moa long faivpela arapela spot bai holim



• Stacey Levakia bilong BSP Benk i givim promosen samting i go long Robert Doko bilong Pot Mosbi ragbi yunion. Presiden Ivan Kassman (namba tu long lephan) i sanap lukluk wantaim ol opisel bilong em.

Pom soka i go insait long fainel

POT Mosbi Soka Asosiesen i wok long pilaim ol laspela gems bilong ol nau we bai i lukim ol tim husat i stap antap long fes faiv spes insait long wanwan divisen bai i gat sans long pilai long semi fainel.

I gat tupela moa gems i stap yet nau olsem na ol tim i wok long traim bes bilong ol long stap insait long dispela top faiv posisen.

Long ol gem bilong las wiken, Blue Kumuls i bin kamapim wanpela traipela win taim ol i autim Tawala 10-1 long Sarere apinun.

Maski ol plisman i nogat sans long pilai insait long ol fainels tasol ol i wokim pinis rekot na em i laik long ol arapela tim long winim dispela mak.

Ol pilaia husat i bin go pas long dispela win em Brian Tani, Nasa 'masalai' Wangu, Jethro Olis, Steven Mais, Tally Moiyang na Rex Leka husat i wanpela osie ruls pilaia tu.

Long ol arapela gem, LBC Defence i strongim pinis namba tri posisen bilong ol taim ol i bin winim Cosmos 1-0 we Selan Elizah, Timothy Yiprukaman, David

Kaipapa, Nevo Karu na Michael Nelson wantaim ol wan sapot bilong ol i kamapim dispela win.

Kosa Pakop Komet mas kamapim sampela we o plen long strongim pilai bilong ol i go insait long fainels.

ANZ Uni husat i go pas long lata i winim Pom United 2-0 na Babaka i autim Naniu 2-1. Rapatona husat i stap autsait long namba siks ples bihain long 3-0 win egensim PS United na bai i gat sans sapos ol i ken winim ol dispela laspela gem.

WINIM K250

PRAS MONI

PAINIM BAL

RESIS NAMBA 6



RUL BILONG PILAI"

1. makim X long poto yu ting bal i stap long en
2. makim X long pen tasol.
3. Katim poto long sisos na salim long **PAINIM BAL RESIS NAMBA 6**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....

Toksave

igo long tupela wina bilong painim bal

Resis No: 2 - Solomon Skomingo

Catholic Health Service - Kerema

na

Resis No: 5 - Manaso Yamu

Goroka

olsem yutupela i mas ringim

Word Publishing Company Ltd

opis long Pot Mosbi hariap tasol long telepon namba: 325 2500.

48 tim long nesenel soka klap taitel

PAPUA Niugini Futbol Asosiesen (PNGFA) bai lukim 48 soka tim olgeta i kamap long Lae long pilai insait long nesenel klap sempionsip long Septemba 12 inap Septemba 16 long dispela yia.

I gat 33 tim bilong ol man na 15 tim bilong ol meri bai kik long dispela bikpela soka salens bilong ol klap long dispela independens wiken.

Ol sempion tim bilong ol man em Sobou bilong Lahi Soka Asosiesen bilong Lae bai kamaut gen long winim bek taitel bilong em na tu sempion tim bilong ol meri em Telikom meri bilong Mosbi. Ol tu bai go aut long winim gen taitel bilong em long dispela yia.

Ol liklik soka senta i gat nem tu long salim klap bilong ol i kam long dispela soka tonamen long Lae. Ol liklik senta olsem Koupa Soka Asosiesen bai salim

Central Hoods tim bilong ol man, Vanimo basialim Defence tim bilong man na ol tim long Morobe distrik yet.

Olgeta tim em: Lahi Soka Asosiesen: Sobou, Unitech, Guria (m) Guria na Eastpac PNG Power (w). Lae Futbol Asosiesen tim em. Blue Kumus, Tarangau (m) Bara na Mopi (w), Mosbi tim em: LBC Defence (m) na Telikom na University (w). Madang em. Newtown na Mimlon (m) na Newtown na Marlins (w). Bel Soka Asosiesen em. Bilbil United na Dofun (m) na Dofun (w). Goroka Soka Asosiesen. Guria na Murata (m) na Telikom na PNG Power (w). Bulolo Soka Asosiesen. Huzley na Mt Rebels (m). Kimbe Soka Asosiesen. South Coast na Hoba (m) na Westfarm Leki (w), Enga Soka Asosiesen. HLIS (m). Niu Briten Oil Pam Ltd em. Kumbango Oil Mill (m) na Mosa Oil Mill (w). Higaturu Soka Asosiesen em.


Momads na Tarangau (m) na Tarangau na Global Souths (w). Wewak Soka Asosiesen em Brandi Secondary School (m). Vanimo Soka Asosiesen em Defence (m). Kaiapit Distrik Soka em Yarus (m). Wau Soka Asosiesen emm Kaindi (m). Nadzab Soka Asosiesen Tanam na Pulung (m). Koupa Soka Asosiesen em Sentrel Hoods (m). Manus Soka Asosiesen em Mokereng na Seadler (m), Pom Public Service Soccer Association em Pangtel (m) na Komopo Soka Asosiesen em Kokopo (m).

Dispela em wanpela bikpela tonamen tru bikos planti klap tru i gat nem long kamap long dispela tonanem.

Soka tomaman ya bai i stap long han bilong LFA na Lahi Soka Asosiesen bilong Lae yet long lukautim na brukim ol tim long graun.



• Madang Ragbi Futbol Lig (MRFL) presiden Paul Ropra i tok amamas long olgeta sapotas na ol pilaia na tu long ol plisman husat i wok long dispela taim bilong ger. Em i tok dispela em wanpela gutpela gren fainel tru long Mad g.



Las sans...

• Darren Lockyer i mas wok hat long dispela wiken long mekim Broncos i win. Sapos nogat gutbai long Broncos.

Tigers kilim dai paia bilong Jets long Wau lig

Egareka Greg Noine i raitim

TIGERS ragbi lig klap insait long Wau ragbi lig i kilim dai paia bilong HKau Jets long raun 3 gem long las wiken wantaim 28-12 skoa long Wau ragbi lig resis.

Dispela gem i bin wanpela gutpela pilai tru. Tigers wantaim ol bikpela hevi fowet i daunim na kilim i dai paia bilong ol manki Jets. Jets long pes hap i no pilai strong na i ron bihain long Tigers wantaim skoa lain 10-0.

Long seken hap wanpela strongela insait senta bilong Tigers Hosea Bimaru i opim skoa lain taim em i ron wanpela bal insait long 25 mita mak na skoa arere long gol pos.

Tigers i kamapoim gutpela pilai long tim wok bilong ol bihainim stret gem plen.

Faiveit bilong Tigers Philip Chanee i pinisim gem long fultaim wantaim wanpela gutpela trai long fultaim taim wisel i krai long gem i pinis.

Jets i pilai wanpela gutpela gem tasol paul long holim stret bal na sapot pilai i no kamap gut.

Kerin Yak foma Lae Bombers i traime bes long soim lain Jets stail bilong ragbi tasol strongpela brik wol bilong Tigers difens i katim ol lain Jets long skoa.

Long narapela A gret gem Kaindi Warriors i bagarapim sindaun bilong ol lain Kantri wantaim 56-22 skoa long fultaim. Ol gutpela pilaia olsem Henry Richard, James Gregory na Safura i traime bes tasol Warriors i strong moa na daunim na bagarapim gem plen bilong ol.

Dispela wik bai Tigers i pilaim Kantri, Jets bai traime bun bilong Royals na Kaindi Warriors i stap long bai.

Oro makim K10,000 long spot developmen

Yakam Kelo i raitim

ORO Gavana Pasto Bani Hoivo i makim pinis K10,000 bilong spot developmen insait long provins. Mista Hoivo itok gavman i bilong em i luk-save long bikpela samting spot i save mekim insait long sosaiti na bungim ol pipel wantaim.

Gavana Hoivo i mekim ol dispela toktok taim em i opim Provinsal Gems long Popondeta loing Mande. Em i tok tude em taim bilong redim ol yangpela long holim ol wok bilong lida long bihain taim na long rot bilong spot em wanpela bikpela samting.

Em i tok i gat planti top spot manmeri i stap hait insait long Oro provins tasol ol lain husat i gat sans tasol i bin kamap na soim ol yet long dispela spot tonamen.

I gat planti gutpela spot manmeri i hait insait long ol ples olsem na wok bilong spot developmen i stap ples klia long progrem bilong gavman bilong mi olsem na gavman bilong mi bai wok insait long kamapim dispela, Gavana Hoivo i tok.

Mak olsem 98 spot tim olgeta i bin kamap long dispela provinsal spot tonamen we ol i makim 9-pela lokol level gavman eria insait long 6-pela spot. Ol dispela spot em soka, basketbal, volibal, netbal, ragbi tas na dats.

Ol dispela LLG husat i kamap long dispela tonamen em Kira, Kokoda, Afore, Cape Nelson, Oro Bay, Safia, Ioma, Higaturu na Popondeta Eben.

Dispela provinsal gems em i kam aninit long Silva Jubili Spot Progrem we i kisim helpim i kam long Australia na Papua Niugini Spot Komisn.

Diwai winim Madang lig taitel

Cyril Gare i raitim

MADANG i pinisim ragbi lig resis bilong dispela yia long las wik Sande we Lae Builders and Construction Divine Word University i winim 2003 primiasip taitel bilong Madang lig.

Insait long dispela strongpela 80 minit gren fainel gem, Diwai i soim strong bilong em long winim Paramed Hawks 24-14 long fultaim.

Moa long 3000 sapotas bilong tupela tim wantaim i bin kamap long soim sapot bilong ol na lukim dispela gem.

Ol sapota i ron i go insit long pilai graun long holim na apim ol pilaia bilong ol taim fainel wisel i krai long fultaim long soim amamas bilong ol long ol dispela sumatin husat i bin lusim bikpela taim long trening antap long stadi bilong ol long skul.

Madang Ragbi Futbol Lig (MRFL) presiden Paul Ropra i tok amamas long olgeta sapotas na ol pilaia na tu long ol plisman husat i wok long dispela taim bilong gem. Em i tok dispela em wanpela gutpela gren fainel tru long Madang.

Hawks i bin statim pilai bilong ol wantaim gutpela stail pilai tru long tromol bal i go i kam na ron long brukim banis bilong Diwai we i lukim Ramula Yasu i opim skoa 15 minit bilong gem.

Tasol gutpela gem bilong James Topo wantaim James Marabe i kamapim gutpela gem tru we Diwai i putim trai long 19 minit bilong gem.

Diwai i go pas long skoa long hap taim we skoa i sanap 8-4.

Tasol Marabe i no pinis yet. Long namba tu hap em i kam bek wantaim wanpela gutpela trai tru we i apim skoa bilong Diwai i go antap long 12-4 long dispela taim.

Inta sili referi James Tore i sanap strong wantaim ol disisen bilong em long lukautim gem olsem wanpela

bikpela disisen em mekim em long givim sin bin long Damien Kumu bilong Diwai husat i bin toktok long referi we em i nogat rait bikos em wok bilong kepten tasol long toktok wantaim referi insait long gem.

Dispela sin bin i givim bikpela rum na sans tru long Hawks long givim hevi long Diwai long dispela taim bikos long bikpela spes o rum Diwai i kamapim.

Naispela gem bilong Ramula Yasu i lukim narapela trai em i putim gen long apim skoa i go antap long dispela taim na kik bilong Elius Yap i apim skoa i go klostu long 12-10 long dispela taim.

Strong bilong Hawks i kamap nau long dispela taim we Mathew Mangu i traime save bilong em na putim trai bilong ol na surukim skoa bilong Hawks i go antap 14-12 na abrusim Diwai insait long 60 minit.

Tasol Diwai i pait strong na lukim winga Benjamin Kupal i pilai strong tru long kona na ron wantaim bal i go pundaun long trai lain na Michael Kundi i kikim konvesen na Diwai i go pas gen wantaim skoa long 18-14 long 67 minit bilong gem.

Liklik taim bihain tasol long fultaim Kupal i mekim narapela ron gen long kona na i go putim las trai bilong Diwai na kik i go insait we Diwai i winim gem long fultaim wantaim 24-14 skoa long fultaim.

Madang bai tokaut long nem bilong Madang skwat bilong go pilai insait long nesenel ragbi lig taitel long Lae long Independens De.

Madang Ragbi Lig presiden Paul Ropra i tok dispela gren fainel namel long Diwai na Hawks i kamapim ol gutpela risal tasol ol arapela A gret gem tu i kamapim ol gutpela pilaia tu.

Em i tok bai ol i makim ol pilaia long tupela tim na ol bai trening aninit long nem Dolphins na Sharks. Bihain long dispela bai ol i makim fainel tim bilong Madang ragbi lig.

LAE
BISCUIT



WANTOK

Spots

LAE
BISCUIT



Bai tok gutbai long Australia

...las gem long dispela wiken

WINGA bilong Melbourne Storm Marcus Bai bai pilaim las gem bilong em long Melbourne long dispela wiken taim Storm i bungim Manly Sea Eagles long fainel raun bilong Telstra Primiasip.

Storms i redi long pilai long fainels long neks wik na Bai i sainim pinis wanpela bikpela dil o kontrak wantaim wanpela English Supa Lig klap Leeds long 2004. Dispela top Papua Niugini winga na feveret pilaia bilong Melbourne long dispela Sarere nait bai pilaim las gem bilong em long 7.30pm long Olympic Park.

Sarere tasol win em bikpela samting long mi ken pinisim gem bilong mi wantaim Storms," Bai i tok.

"Bai mi sori tru bikos dispela em las gem bilong mi wantaim Melbourne na mi wok long tingting planti nau taim de i wok long kam klostu.

"Mi bai amamas tru long winim dispela gem long graun bilong mipela yet na mekim

dispela olsem wanpela spesel taim na em bai wanpela gutpela we long tok tenkyu long olgeta sapota hia long Olympic Park."

Bai i tok em i bin gat planti tingting taim meri bilong em i bin karim namba wan pikinini bilong em na ol dispela tingting i pinis nau na em i laik tingim

gem bilong em nau long helpim Storms i redi long go bek long fainel bihain long tupela krismas ol i bin stap aut.

"Bikpela samting mi bin tingting planti long en i kam em bebi boi bilong mi na nau mi ken lukluk moa long gem nau," Bai i tokaut.

"Nau mi laik statim olgeta samting gen we mi save ol samting bai kamap gut long mi long tupela wik i kam."

Bai i bin pilaim 141 gems na em i holim rekot bilong Storms long skorim planti moa trai i no olsem ol arapela winga wantaim 67 trai bihain long em i bin

bilong Olympic Park we ol i kolim 'Marcus Bai Stand'.

"Mi no bin pilai long wanpela futbol klap we ol sapota i save stap klostu tru wantaim mi na ol samting olsem (Bai) stand i soim kain sapot bilong ol long mi na mi mekim mi pilim strong. Mi bin sori tru long lusim ol sapota bilong mi bikos dispela i olsem namba na ples bilong mi," em i tok.

Bai i tok olsem gem bilong dispela wiken em bikpela samting sapos Melbourne i laik holim yet namba 5 ples long NRL lata na tu kamapim sampela strong igo antap long tim pastaim long ol fainel i stat..

"Mi lukim dispela gem olsem mipela i mas win. Sapos mipela i lus bai ol samting i

"Em bai hat long ran aut long las taim na em i sori wik bilong mi tasol mi ting win long Sarere bai salim mi go wantaim amamas".

Bai wantaim meri bilong em Heidi i amamas tu long nupela bebi boi bilong tupela husat i bon long las wik Sande. Na Marcus i tok em i laik mekim dispela las gem bilong em wantaim Storms i mas wanpela naispela gem tru long em i ken tingim na go wantaim amamas.

"Em i hat tru long mi long pilaim las gem long dispela



• Taim Marcus Bai i pilai long Australia em i save apim nem bilong PNG i go antap stret na ol manmeri long kantri i save amamasim tru long lukim em pilai long TV. Nau em bai lusim na go long Ingran bai hat nau long lukim em pilai long TV.

lusim Goldcoast Seagulls na i go joinim Melbourne Storms taim klap i bin stat long 1998. Olgeta dispela rekot bilong Storms i mekim na ol sapatas long Melbourne i makim nem bilong Marcus long wanpela hap sit

winim dispela gem long hia long Melbourne bikos ol arapela gem em bai Storms igo aut long arapela hap na pilai. Mipela ino inap pundaun nau bikos mipela i bin wok hat tru long dispela yia i kam."

Long dispela taim kosa bilong Storm Craig Bellamy i mekim wanpela senis tasol long tim we i bin winim St George Illawarra tupela wik i go pinis.

hat tru long mipela long go insait long fainel," Bai i tok.

"Mipela i mas



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.